

# OLELIAHONA



**Fetaia'iga a Fanau ma  
Ponokalafi—O le Auala  
e Fesoasoani ai le Alofa,  
itulau 36**

O Le Manino o Tioata o le  
Talalelei, itulau 12

Auala e 5 na Puipuia ai e Iesu  
Tamaiti, itulau 18

Faamanatuina o le 100 Tausaga  
o Faamanuiaga o Malumalu i le  
Pasefika, itulau 28

UA I AI  
IINEI LE  
EKALESIA

# Antananarivo **Madagascar**




# ar



AZARUE MALLE GETTY IMAGES

O ni nai mea moni nei e uiga ia Madagascar  
ma le Eklesia iina:



Faatosinaga Autu  
Faaleaganuu:  
Polenia, Aapi, Asia,  
Aferika, ma Farani



26 Miliona tagata i  
Madagascar

Gagana Aloaia:  
Malagasy ma le  
Faa-Farani



Tagata o le  
Eklesia

12,000

Faapotopotoga



Tagata Malagasy muamua  
sa papatisoina, i Bordeaux,  
Farani

1986 Toalima tagata na papatiso-  
ina ma faamauina

1990 Faatulagaina le uluai  
misiona

1998 Faatulagaina le uluai siteki



# E Alofa lesu ia Tatou Fanau

**E** tele taimi ou te mafafau ai e uiga i tamaiti. Ou te alofa i tamaiti i la'u lio o aiga ma uo. Ma le isi, o la'u galuega mo mekasini a le Ekalesia e aofia ai le fatuina ma le faasa'oina o itulau mo tamaiti i le salafa o le lalolagi. Ae i ni nai tausaga ua mavae, na ou iloaina ai ou te lei suesue lava i mea na aoao mai e tusitusiga paia e uiga i tamaiti. O lea sa ou filifili ai e faitau le Feagaiga Fou ma le Tusi a Mamona ma gauai atili atu i mea e mafai ona ou aoaoina e uiga i lenei vaega faapitoa.

Sa o se aafiaga e suia ai olaga! Faatasi ai ma le tele o upumoni na ou mauaina, o le mea e sili ona taua o le faateleina o le malamalama i le tele o le alofa o lesu i tamaiti. Sa ia auauna atu i tamaiti o se vaega faapi-toa, vaetofia mai isi, i lea taimi ma lea taimi. E mafai faapefea ona tatou mulimuli i Lana faataitaiga?

O la'u tusiga o loo i le itulau e 18 o loo faasoa mai ai nisi o lesona na ou aoina mai lena aafiaga o le suesue-inia o tusitusiga paia, faatasi ai ma manatu ma manatu faaalia mai le tele o tagata atamamai i le vaega o le puipua mai sauaga.

E matua pele lava tamaiti. Ou te fa'amoemoe e mafai ona tatou galulue fa'atasi e puipua ma fa'ama-losia i latou, ma faia i latou pei o lesu!

Alofaaga,  
Marissa Widdison



Faamanuiaga o se Vaaiga  
Faaletalalelei  
*Saunia e Elder Gary E.  
Stevenson*

12



Ia Avea pe Sa Avea:  
O Le Fesili Lena  
*Saunia e Elder Joni L. Koch*

24



O le Malumalu o Laie Hawaii:  
O Se Seneturi o Faapotopotoga  
*Saunia e Clinton D. ma Angela R.  
Christensen*

28



Talanoaina o Ponokalafi:  
Puipui, Tali, & Faamalolo  
*Saunia e Joy D. Jones*

36



# Anotusi

## 5 Puipua o Fanau mai Ponokalafi

### 6 O Atatusi o le Faatuatua

Wilson Di Paula—San José, Uruguay

Ina ua i ai Wilson i se faalavelave fa'afuasei tau-pasika lea na pipili ai ma na vave ona maliu lona faletua mulimuli ane, na leiloa e ia le mea e fai. Ae o le talalelei na maua ai tali.

### 8 Mataupu Faavae o le Auaunaga:

O E Misia Lenei Vaega Taua o le Auaunaga?

E le gata ina tatou "fetagisi faatasī ma e ua fetagisi" ae "olioli foi faatasī ma i latou e olioli." O auala nei e fa e mafai ai ona e faia lena mea.

### 12 Faamanuiaga o se Vaaiga Faatalalelei

Saunia e Elder Gary E. Stevenson

A o tatou tausisia se paleni faaleagaga, o le a tatou maua se vaiga sili atu o le talalelei.

### 18 Puipua o Tamaiti

Saunia e Marissa Widdison

Na alofa lesu Keriso ma puipua tamaiti. E mafai faapefēa ona e mulimuli i Lana faataitaiga?

### 24 Ia Avea pe Sa Avea: O Le Fesili Lena

Saunia e Elder Joni L. Koch

E faigofie le faamasinoina o isi, ae e tatau ona tatou faaeteete e faamasino ma le amiontonu ma vaai i isi e pei ona silasila i ai le Atua.

### 28 O le Malumalu o Laie Hawaii: O Se Seneturi o Faapotopotoga

Saunia e Clinton D. ma Angela R. Christensen

Mo le 100 tausaga, ua faatagaina e le malumalu i Hawaii le Au Paia uma i le salafa o le Pasefika e maua faamanuiaga o le malumalu.

### 32 O Leo o Le Au Paia o Aso e Gata Ai

Ua taitaiina se auso tamaitai e toalua e auauna atu; o le savali a faifeautalai na faia ai se eseesegea; ua filifilia e le epikopo le mea e fai i lana ponesi; ua fesoasoani se tusi e toe faaleleia se mafutaga ua faaleagaina.

### 36 Talanoaina o Ponokalafi: Puipui, Tali, & Faamalolo

Saunia e Joy D. Jones

O tamaiti e aafia ma ua fa'aalia i ai ponokalafi, ae o lou alofa e mafai ona fesoasoani ia i latou e aloese ai ma fo'ia ona a'afiaga leaga.

## Faitauga Vave

### I Le Faavaa

Ata pue mai le Getty Images, fa'aogaina mo faamoemoega tau-fa'amatalaga, na faia e tagata faigaluega (models).



# Vaega

## Autalavou Matutua

### 42

O lenei masina e talanoaina ai **le mea e te faia** pe afai o lo'o e **tafa faamasani ma se tasi o lo'o tauivi ma ponokalafi** ma fa'asoa **tala o le fa'a-moemoe** mai isi o e na feagai ma ponokalafi ia latou tafaoga faamasani.



## Autalavou

### 50

O le uiga o le avea ma **se uo moni**, o le auala na **faasoat atu ai e se tasi talavou le talalelei**, ma le manatuaina o le maa tulimanu autu o le Ekalesia.



## Tamaiti

### Uo

**Saili pe faapefēa ona alofa i isi** e pei o lesu. E fesoasoani le tatalo ia Prodi pe a fefe o ia. Ua avea Florence ma se tausima'i. E mafai ona e **saunia mo le malumalu**.



## E NA'O TUSIGA FAATEKINOLOSI E FAAALIA AI



**Sa Ou Tau ina ia Faatoilaloia  
Ponokalafi. Aisea o Le a Le Faia  
ai e ia?**

*Taofia le igoa*

Ua faasoa mai e se talavou matua mai Kuatemala lona aafia ga o le faatuatua i le Alii e faia se faaiuga faigata.



**O le Auala na Ou Aoao ai e Tali  
Atu Pe a Fai Mai se Tasi o loo  
Latou Tauivi ma Ponokalafi**

*Taofia le igoa*

O le iloaina e uiga i le faaaogaina e se tasi o ponokalafi e mafai ona mafua ai ituaiga lagona uma, ae o lenei talavou matua na faalagolago i le Faaola ia iloa pe faapefea ona tali atu ma le alofa.



**Agai i Luma i le maea ai ona Iloa  
le Faaaogaina o le Ponokalafi e  
La'u Uo o loo ma Faamau**

*Taofia le igoa*

Ua faasoa mai e se talavou matua i Tahiti ona manatu i le auala na aafia ai lana sootaga i ponokalafi.

OKETOPA 2019 VOL. 43 NU. 10  
O LE LIAHONA 18610 890

O le mekasini faavaomalo o Le Ekalesia a Iesu Keriso o le Au Paia o Aso e Gata Ai

O Le Au Peresitene Sili: Russell M.

Nelson, Dallin H. Oaks, Henry B. Eyring

O le Korama a Apostolo e Toasefululu:

M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Randy D. Funk

Faufautua: Becky Craven, Cristina B. Franco, Sharon Eubank, Walter F. González, Larry S. Kacher, Adrián Ochoa, Michael T. Ringwood, Vern P. Stanfill

Pule Faatonusili: Richard I. Heaton

Faatonusili o Mekasini a le Ekalesia:

Allan R. Loyborg

Pule o Mea Tau Pisini: Garff Cannon

Pule Faatonu: Adam C. Olson

Pule Faatonu Lagolago: Ryan Carr

Faasalalau Lagolago: Camilla Castrillón  
Au Tusitusi ma Faatonutonu:

David Dickson, David A. Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdoch, Joshua J. Perkey, Jan Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

Pule Faatonusili o Faatufugaga: J. Scott Knudsen

Faatonusili o Faatufugaga: Tadd R. Peterson

Mamanu: Jeanette Andrews, Fay P. Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinckley, Eric P. Johnsen, Susan Lofgren, Scott M. Mooy, Emily Chieko Remington, Mark W. Robison, K. Nicole Walkenhorst

Faatonu o le Puletaofia o Meatotino:  
Collette Nebeker Aune

Pule i le Gaosiga: Jane Ann Peters

Gaosiga: Ira Glen Adair, Julie Burdett,

Thomas G. Cronin, Bryan W. Gygi, Ginny J. Nilson, Marissa M. Smith

Tailolomi: Joshua Dennis, Ammon Harris

Faatonusili Lomitusi: Steven T. Lewis

Faatonusili o Faletusi: Nelson Gonzalez

Mo le okaina o mekasini, alu i le store.lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) T i le kopi. Totogi mo le Tausaga Atoa \$6.60 (Samoa).

Auina atu tusitusiga ma faafesi

i luga o le initoneti i le liahona.lds.org: pe meli mai i le Liahona, flr. 23,

50 E. North Temple, Salt Lake City, UT 84150-0023, USA; po o le i-meli: liahona@ChurchofJesusChrist.org.

O Le Liahona (o lona uiga i le Tusi a Mamona o le "tapasa" po o se "fa-tonualua") e lomia i le faa-Alepania, Arminia (Sasae), Pisilama, Palekeria, Kemputia, Sepuano, Saina, Kalaotia, Siekisolovakia, Tenimaka, Take, Igilisi, Esitonita, Fiti, Finelani, Farani, Siamani, Eleni, Hanikeri, Initu, Iselanl, Initonlesia, Italia, Japani,

Kiripati, Korea, Lativia, Litunia, Malakasa,

Masela, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipaniolio, Suetena, Swahili, Tagaloaka, Tahiti, Tai, Toga, Lukureini, Urutu, ma Viatename. (E eseese lava gagana.)

© 2019 Puletaofia e le Intellectual Reserve, Inc. La taofia aia tatatau uma. Lomia i le lunaite Setete o Amerika.

Faamatatalaga o le Puletaofia: Vagana ua

faailoa mai, e mafai e tagata taitoatasi ona kopi anomea mai i le Liahona mo lo latou lava faaaogaina patino, e le faia ai ni pisini (e aofia al valaauga o le Ekalesia). O lenei aia tatatau e mafai ona faaleaoagaina i soo se taimi. E le tatua ona kopina ia atu pe afai o loo faaalia le faasaina i le laina o faaalologa faatasi ai ma le faatufugaga, la auina mai fesili e uiga i le puletaofia i le Intellectual

Property Office: 50 E. North Temple St., FL 13, Salt Lake City, UT 84150, USA; email: cor-intellectualproperty@ ChurchofJesusChrist.org.

Mo le Aufaitau i le lunaite Setete ma Kanata: October 2019 Vol. 43 No. 10.

LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake

City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.ChurchofJesusChrist.org.

(Canada Post Information: Publication Agreement #40017431)  
POSTMASTER: Send all UAA to CFS (see DMM 507.1.5.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

## SAILI NISI MEA

I le polokalama o le Potutusi o le Talalelei [Gospel Library] po o le liahona.ChurchofJesusChrist.org, e mafai ona e:

- Saili le lomiga o le taimi nei.
- Maua ai na'o anotusi Faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fiafia i ai.
- Sii mai pe lolomi ia tusiga.

## FAAFESOOTAI MAI I MATOU

Imeli mai au fesili ma manatu faaalia i le liahona@ChurchofJesusChrist.org.

la auina mai au tala e faatupu faatuatua i le liahona.ChurchofJesusChrist.org pe lafo mai i le: Liahona, flr. 23

50 E. North Temple Street  
Salt Lake City, UT 84150-0023, USA



## PUIPUIA O FANAU MAI PONOKALAFI

**S**a faaalia e Sister Joy D. Jones, le peresitene aoao o le Peraimeri, o le alofa o le auupega sili e tetee atu ai i ponokalafi: "E pei ona fai mai le upusii lauiloa, 'e fasiotia e le ponokalafi le alofa,' ae ia tatou manatua foi o le alofa e fasiotia ai le ponokalafi." O auala nei e tolu o le fa'aalia o le alofa e puipua ai fanau mai faatosinaga a ponokalafi.

### PUIPUIGA:

#### "Ou te alofa ia te oe."

Fatu se sootaga lea e lagona ai e lau fanau le saogalemu ma le alofagia.

### TALI:

#### "Ou te alofa pea ia te oe"

Talanoa i lau fanau e uiga i ponokalafi ma valaaulia i latou e o mai ia oe ma a latou fesili.

### FAAMALOLOGA:

#### "O le a Ou Alofa ia te Oe i Taimi Uma."

Fa'amautinoa i lau fanau e tusa lava pe latou te tauivia ma ponokalafi, e le sua lou alofa.

*Ua faamatala atili e Sister Jones e uiga i nei manatu taitiasi i lana tusiga i le itulau e 36.*



### O MEA E MAFAI ONA E FAIA

- Ia maua le to'a e talanoa ai ma lau fanau e uiga i feusuaigna ma auala e puipua ai i latou mai ponokalafi.
- Fesoasoani i tamaiti ia malamalamia i le mafuaaga.
- O telefoni uma, laupepa, ma komepiuta e tatau ona i ai ni puipuiga, e o'o lava i tupulaga talavou ma tagata matutua.
- Aua le tuua setasi i se potuna o ia i luga o se masini faasalalau.
- Aua le fa'asalaina tamaiti o e fa'aalia se tauiviga ma ponokalafi.



#### "Tatou te puipua a tatou fanau seia oo i le taimi e mafai ona latou puipua ai i latou lava."

Jason S. Carroll, polofesa o le olaga faaleaiga i le lunivesite o Polika laga



**AOAO ATILI**

Tagai atili e uiga i le faigamalaga o le fa'atuatua a Wilson, e aofia ai ata faaopoopo, i luga o le intoneti po'o lenei tusiga i luga o le Gospel Library i le [ChurchofJesusChrist.org/go/10196](http://ChurchofJesusChrist.org/go/10196).

**AUALA E TUUINA ATU AI SE ATA O LE FAATUATUA**

I le [liahona.ChurchofJesusChrist.org](http://liahona.ChurchofJesusChrist.org), e mafai ona e tu'uina mai se fa'amatalaga puupuu ma se ata manino o se tasi e musuia oe e lona fa'atuatua.

**Wilson Di Paula**

*San José, Uruguay*



*O se faalavelave tau uila afi na mafua ai ona pipili Wilson. Ina ua mavae se tausaga na maliu lona toalua. I le avea ai ma se tasi ua oti lona toalua ma teineiti laiti e toalua, na le iloa e Wilson le mea e fai. Na te lei iloaina pe i ai se faamoemoega i le olaga. O Wilson na mafai ona ita. Nai lo lena, na amata ona ia sailia le upumoni.*

**CODY BELL, LE PUEATA**

Sa tele ni au fesili sa i ai. Aisea e tutupu ai mea leaga? Sa ou taumafai e faia mea sao, ma na aveesea la'u ava mai ia te au ma sa tuua au i se nofoa faataavalevale, ona tatau ai lea i fomai ona faia se taotoga i le ulu o lo'u afafine e aveese se tuma. Na amata ona ou mafaufau e leai se faamoemoega i le olaga.

Sa ou iloa e manaomia ona ou maua le upumoni. Sa ou sailili i lotu eseese ma maua Le Ekalesia a lesu Keriso o le Au Paia o Aso e Gata Ai. Na ou lagona o le mea moni lea.

Ua ou iloa nei e i ai se faamoemoega mo le i ai i luga o le fogaelele. Ua tatou i ai iinei o se vaega o le fuafuaga e faavava a le Tama Faalelagi. Ua i ai so tatou Faaola o le na manumalo i le oti ma na toetu. O le iloaina o lenei mea e aumaiia ia te au le malosi. O lenei, ou te taumafai e tutumau ma faaauau pea i luma. E i ai so'u faamoemoega ma ou te iloa ao ou taumafai e ola i se olaga agavaa, e mafai ona ou maua se aiga e faavavau.



# Mataupu Faavae o le Auaunaga

## O E Misia Lenei *Vaega Taua* o le Auaunaga?

*O le auauna atu o le “olioli faatasi ma i latou e olioli” e pei lava o le “tagi foi faatasi ma e ua fetagisi” (Roma 12:15).*

**P**e tatou mafaufau e uiga i le auaunaga, e faigofie ona mafaufau i le fesoasoani ia i latou e le tagolima. Tatou te talanoa e uiga i le faia o togalaau mo le fafine ua otia lana tane, aumaia o meaai i mama'i, po'o le foai atu ia i latou o lo'o feagai ma tauiviga. Tatou te manatua le fautuaga a Paulo ia “tagi foi faatasi ma e ua fetagisi,” ae tatou te taulai atu ea i le vaega *muamua* o lena fuaiupu—ia “olioli faatasi ma e ua olioli”? (Roma 12:15). O le fiafa faatasi ma i latou tatou te auauna atu i ai—pe o lena auala e faamanatu ai lo latou manuia pe fesoasoani ia i latou e maua le olioli i taimi faigata—o se vaega taua o le auauna atu e pei ona faia e le Faaola.

O manatu nei e tolu e mafai ona fesoasoani (ma le tasi e aloese mai ai) pe a tatou vaavaai e taulai atu i mea lelei ua tuuina mai e le Atua io tatou olaga.

### 1. **la Nofouta**

E fesoasoani Bonnie H. Cordon, le Peresitene Aoao o Tamaitai Talavou, ia i tatou ia malamalamā e manaomia ona tatou *vaai* ia i latou o loo tatou



### FAASOA OU AAFIAGA

Auina mai ou aafiaga ia i matou a o e auauna atu i isi pe na e mauaiña ni auaunaga. Alu i le liahona .ChurchofJesusChrist.org ma kiliki le "Submit an Article po o Feedback."

auauna atu i ai—vaai e le gata ia latou avega ma tau-  
iviga ae faapea foi o latou malosiaga, taleni, ma manuia.

Sa ia faapea mai, e tatau ona avea i tatou ma "siamupini ma se tagata faatuatuaina—o se tasi o lo'o silafia o latou tulaga ma lagolagoina i latou io latou faamoemoega ma faanaunauga."<sup>1</sup>

I le faataoto o mamoe ma 'oti, na fetalai ai le Faaola ia i latou o le a maua i Lona itu taumatau o le a fesili: "Le Alii e, o anafea na matou iloa ai oe ua fia ai, ma matou fagaina oe? po o le fia inu, ma avane e te inu ai?

"O anafea foi na matou iloa ai oe o le tagata ese, ma matou talia oe?"  
(Mataio 25:37–38).

"Uso e ma tuagane, o le upu sili ona taua o le *iloa*," o le tala lea a Sister Cordon. "Sa iloaina e ē amiontonu i latou na manaomia le fesoasoani aua sa latou leoleo ma matauina. E mafai foi ona tatou mataala ina ia fesoasoani ma faamafanafana, ina ia faamanatu ma miti."<sup>2</sup>

### 2. Saili Mafuaaga e Faamanatu ai

Fā'amanatu manuia pe tele pe laitiiti. Po o le tea ese o le kanesa po'o le faaumaga o se faigauo, mauaina o se galuega fou po'o le mauaina o se seevae na leiloa, o le aulia o le masina ina ua mavae le maliu o se tasi e pele, pe aulia se vaiaso e aunoa ma le suka.

Vala'au e faamalo, momoli atu se kata, pe o e aai i le taimi o le malologa o le aoauli. E ala i le faasoa faatasi o tatou faamanuiaga, ola ai ma le agaga faafetai, ma le faamanatuina o faamanuiaga ma manuia o isi, ua tatou "maua ai le fiafiaga i le olioli o o tatou uso" (Alema 30:34).



## O LE FAATAITAIGA A LE FAAOLA

E masani ona olioli lesu Keriso i le fiafia o isi. Sa la auai i le faaipoipoga i Kana, lea na le gata ina faamanatuna ai le taimi fiafia ae ha la liua le vai i le uaina (tagai Ioane 2:1–11). E mafai foi ona tatou faia se taumafaiga e auai atu i ni fuauaiga taua i olaga o i latou o tatou auauna atu i ai.

Tatou te vaai ai foi i le olioli o lesu Keriso i le amiotonu o isi. Ina ua la asiasi atu i sa Nifae, sa la fetalai atu ia te i latou, "Amuia lava outou ona o lo outou faatuatua. Ma o lenei faauta, ua atoatoa lou olioli" (3 Nifae 17:20).

### 3. Vaai i le Aao o le Alii

O nisi taimi o le fiafia faatasi ma isi o lona uiga o le fesoasoani ia i latou ia iloa mafuaaga e fiafia ai—e tua lava po o a faigata po'o mea fiafia e ulufale mai io tatou olaga. O le upumoni faigofie e silafia e le Tama Faalelagi i tatou ma saunia e siitia i tatou e mafai ona avea o se punavai ofoofogia o le olioli.

E mafai ona e fesoasoani i isi ia iloa le aao o le Alii io latou olaga e ala i le faasoa atu o le auala na e vaia ai i lou lava olaga. Ia lava le maualalo e faasoa mai ai auala na fesoasoani ai le Tama Faalelagi ia te oe e ala i ou luitau. O lenei molimau e mafai ona fesoasoani i isi ia iloa ma faailoa atu ai pe na faapefeta ona Ia fesoasoani ia i latou (tagai Mosaea 24:14).

### 4. Aua le Faatapulaaina Lou Malosi e Olioli Ai

Ae paga lea, e mafai ona tatou fa'atapula'aina lo tatou lava malosi e fiafia ai ma isi, aemaise lava pe a tatou lagona le le mautinoa e uiga i mea tatou te ofoina atu po o fea o tatou i ai i le olaga. Nai lo le mauaina o le olioli i le fiafia o se isi, tatou te pauu atu i le mailei o le faatusatusaga. Ma e pei ona aoao mai Elder Quentin L. Cook o le Korama a Apostolo e Toasefululu: "O le faatusatusaina o faamanuiaga e toetoe lava a mautinoa e tuliesea ai le olioli. E le mafai ona tatou lotofaafetai ma lotoleaga i le taimi e tasi."<sup>3</sup>



“E mafai faapefea ona tatou faatoilaloina se ituaiga naunautaiga e taatele i le toetoe o tagata uma?” O le fesili lea a Elder Jeffrey R. Holland o le Korama a Aposetolo e Toasefululua. “... E mafai ona tatou faitauina o tatou faamanuiaga e tele ma e mafai ona tatou faamalo atu i mea na ausia e isi. O le auala sili, e mafai ona tatou auauna i isi, o le gaoioiga sili ona lelei mo le fatu.”<sup>4</sup> Nai loo le faatusatusa, e mafai ona tatou faamalo atu ia i latou o tatou auauna atu i ai. Saoloto e faasoa atu vaega e te talisapaia e uiga ia i latou po o tagata o o latou aiga.

E pei ona faamanatu mai e Paulo, o i tatou uma o le tino o Keriso, ma pe a “viia le tasi itu tino, ia olioli faatasi ai itu tino uma lava” (1 Korineto 12:26). Faatasi ai ma le fesoasoani a le Tama Faalelagi, e mafai ona tatounofouta i aafiaga o isi, faamanatu manuia tetele ma laiti, fesoasoani ia i latou ia iloa le aao o le Alii, ma faatoilalo le lotoleaga ina ia tatou olioli moni faatasi i faamanuiaga, taleni, ma le fiafia o isi. ■

#### FAAMATALAGA

1. Bonnie H. Cordon, “Avea ma se Leoleo Mamoe,” *Liahona*, Nov. 2018, 75.
2. Bonnie H. Cordon, “Avea ma se Leoleo Mamoe,” 75.
3. Quentin L. Cook, “Rejoice!” *Ensign*, Nov. 1996, 30.
4. Jeffrey R. Holland, “O le Isi Atalii Faama’imau ‘Oa,” *Liahona*, Me 2002, 64.

#### VALAAULIA E FAATINO

Mafaufau ia i latou o e auauna i ai. O a ni taleni ma malosiaga o ia i latou? O a ni avanoa po’o ni manuia na latou mauaina? E fa’apefea ona e fiafia fa’atasi ma i latou, faamalo atu ia i latou, pe fa’amalosia i latou?



**Saunia e  
Elder Gary E.  
Stevenson**  
O Le Korama  
a Aposetolo e  
Toasefululua



# Faamanuiaga o se **Vaaiga** Faatalalelei

---

O se vaaiga o le talalelei o le a avatua ia te oe le manino sili atu e uiga i le auala e te mafaufau ai i mea e faamua-mua i lou olaga, foia faafitali, ma le feagai ai ma faaosoosoga patino.

**O** se faamanuiaga sili le avea ma tagata o le Ekalesia a Iesu Keriso i le tisipensione pe a mafai e se toefuataiga o ki o le malo ma le faataunuina o valoaga ona faatagaina i tatou e molimau mo i tatou lava “o le a taavale atu ai i luma le talalelei i tuluiga o le lalolagi, e pei ona o le a taavale atu le maa na tofi mai le mauga e aunoa ma lima, seia tumu ai le lalolagi atoa.” (Mataupu Faavae ma Feagaiga 65:2).

O lenei valoaga, na tuuina mai e Tanielu o le Feagaiga Tuai ma mulimuli ane toe ta‘ua i lenei tisipensione, e foliga mai ua i ai i le ogatotonu o lona faataunuina ao tatou matauina le silia ma le 3,300 siteki faatulagaina i le Ekalesia i aso nei. I le 50 tausaga talu ai, o tagata auai o le Ekalesia ua faatupula’ia mai i le 2.1 miliona i le sili atu i le 16 miliona.<sup>1</sup>

E ese le taua ia te au e pei o lenei tuputupu ae ma le suiga, o le mea moni o mataupu faavae ma faatinoga o le talalelei e tumau pea, e aofia ai le faataitaiga o le taitaiga-faalelagi ua faaalia mo le Ekalesia a Iesu Keriso. O lenei fa‘ata‘ita‘iga e mafai ai le fa‘atulagaina o siteki, fuafua e tu‘uina atu “mo se puipuiga, ma mo se sulufaiga mai le afā, ma mai le toasa pe a sasaa mai e aunoa ma le suia i luga o le lalolagi atoa” (Mataupu Faavae ma Feagaiga 115:6).

*O se tasi o vavega silisili o lou olaga faitino, o lou mafai lea ona maua le paleni o lou faaleagaga ma isi matafaioi taua o le olaga.*

Uso e ma tuafafine, e agalelei le Alii i faamanuiaga Na te tuuina mai ia i tatou. O le malamalama o faamanuiaga o se galuega o lo tatou usiusitai i poloaiga ma o le tausia o poloaiga o se faatinoga o lo tatou alofa i le Alii o ni aoaoga taua ia e aaooina. O mataupu faavae o le talalelei e pei o nei o loo tuuina mai ai se vaaiga taua mo i tatou.

E ta‘ita‘i atu ai i ni vaega se lua ou te fia faamamafaina. Ou te matauina na faasoa muamua e Peresitene Dallin H. Oaks, Fesoasoani Muamua i le Au Peresitene Sili, nei vaega e lua ma talavou nofofua matutua i le 2015.

### Faatumau se Vaaiga o le Talalelei

Na saunoa mai Peresitene Oaks e faapea “o le vaaiga o le gafatia lea e vaai atu i faamatalaga uma e faatatau i ai i se fesootaiga anoa, le vaaiga atoa.”<sup>2</sup> O nisi nei o mea e te malamalama ai pe a e va‘ai mai se vaaiga o le talalelei:

- O outou o fanau a se Tama Faalelagi agaalofa (tagai Mataupu Faavae ma Feagaiga 76:24).
- O loo e i ai i le lalolagi nei mo se faamoemoega, ma le tomai e faia ai filifiliga (tagai 2 Nifae 2:27; 10:23).
- “Ona e ao lava ina i ai se faafeagai o mea uma” (2 Nifae 2:11).
- O Iesu Keriso o lo tatou Faaola ma le puluvaga i le Tama (tagai 1 Ioane 2:1; Mataupu Faavae ma Feagaiga 110:4).

Mafaufau pe o le a le mea e tupu pe afai o lau vaaiga o le talalelei o se tioata e te va‘ava‘ai i ai i itu uma o lou olaga. O se vaaiga o le talalelei o le a avatu ia te oe le manino sili atu e

uiga i le auala e te mafaufau ai i mea e faamuamua i lou olaga, foia faafitauli, ma le feagai ai ma faaososoga patino. O lenei mea e mafai ona aafia ai le auala masani i lou olaga atoa ma filifiliga eseese o le a e faia i le ala.

Faatasi ai ma lenei vaaiga, ua tatou iloa e finagalo le Alii ia tatou aai ma feinu i le faamanatuga i vaiaso taitasi ma ia tatou suesue i tusitusiga paia ma tatalo ia te Ia i aso taitasi. E le gata i lea, ua tatou iloa o le a faaososoina i tatou e Satani e aua nei mulimuli i lo tatou Faaola pe faalogo foi i musumusuga filemu a le Agaga Paia. Ona mafai ai lea ona sili atu lo tatou iloa o loo taumafai le tiapolo e aveese lo tatou fitalia ma le mafaia ona tetee atu i ana taumafaiga e ala i vaisu, e aofia ai fualau ‘oona ma ponokalafi.

I le eseesegaa, o tioata o le talalelei ua tatou maua ai se vaaiga manino i le taua o le fatuina o aiga—filifili e faaipoipo ma tausia fanau i le amiontonu. O lenei vaaiga e tatalaina ai foi o tatou mata e iloa ai o le a manao le tiapolo e faatama‘ia le iunite o le aiga atoa ma le fenumiai o matafaioi a alii ma tamaitai, ma mafua ai ona faaitiitia le taua ua tuuina atu e sosaiete i luga o le faatuina ma le fausia o aiga.

### Faatumau se Paleni Faaleagaga

Na saunoa Peresitene Oaks: “A maua e le autalavou matutua le vaaiga—o le aotelega o manatu—e taua mo i latou le faatumauina o le paleni faaleagaga io latou olaga. Ina ia faia lenei mea, e tatau ona e aloese mai nisi o faatosinaga o le lalolagi ma fai foi mea e tatau ai e faalatalata atu ai i le Faaola.”<sup>3</sup>

I le tasi itu, o lo‘o i ai le tele o mataupu faigata ma mea e faamuamua i le olaga i soo se tele ma ituaiga eseese, e mana‘oma uma le mafaufau, taula‘i, ma le fa‘atonuga. O le lisi mo outou ta‘ito‘atasi atonu e matua eseese lava e fa‘avae i luga o ou tulaga patino, ae i totonusi o i latou e mautinoa lava o le a e maua ai a‘oa‘oga, galuega, faaipoipoga, ma lelei uma i vaega

tau-faaelagona ma faaletino. O le mea moni, o lau lu‘itau o le faapalenina lea o nei tulaga taua o le olaga i lou tulaga faaleagaga.

Na fautua mai foi Peresitene Oaks e faapea, e tatau ona e faaeteete a‘o e “vaevaeina lou taimi ina ia e le matelaina faaleagaga i le taimi e faapolokalama ai e lau peraimeri gaoioiga i isi mea. O lena mataupu faavae ua faamalamalama mai ai le mafuaaga e taua tele ai mo le autalavou matutua . . . le mulimuli i fautuaga e auai i o latou sauniga a le Ekalesia, auauna atu i le Ekalesia, faia suesuega o tusitusiga paia i aso taitasi, faia tatalo faaleaiga e tootutuli i aso uma, ma auauna atu i valaauga o le Ekalesia.”<sup>4</sup>

I le lotolotoi o ou lava manaoga faaletagata ma manaoga esese, ina ia paleni sailiga o le olaga ma luitau i lou faaleagaga, o le a e iloa ai o le paleni e mafai ona ausia. E le finalo le Alii ia te oe e faia se mea e te le mafai ona ausia. Na ou faalogo ia Peresitene Thomas S. Monson (1927-2018) i le tele o taimi o fautua e faapea “o le ua valaaquina e le Alii, e faaagavaaina e le Alii.”<sup>5</sup> Ou te manatu e faatatau faapitoa lenei mea i tagata o le Ekalesia.

E foliga mai e taufaamata‘u le tausia o lenei paleni, ou te folafola atu o se tasi o vavega silisili o lou olaga faitino, o lou mafai lea ona maua le paleni o lou faaleagaga ma isi matafaioi taua o le olaga. O lenei mea e mafai ona faia i se auala o le a mafai ai ona e le na o le faatumauina o lou tulaga faaleagaga ma le matafaioi taua o le olaga i le itu tau tulaga ae ia tuputupu ae foi ma atiina ae i nei vaega taua uma e lua.

O le mafuaaga autu e mafai ai ona o le Alii o le totonugalemu. O ia o le tulaga ogatotonu aiai o le paleni. Ma ua ia te Ia le fiafia faalelagi ia te oe lava o se tasi o Ana fanau. Ae o lenei taunu‘uga e fa‘avae i luga o lau taulaiga talafeagai ma taumafaiga e saili ia maua le paleni.

Mai la‘u matauga ma o‘u lava aafiaga patino, e foliga mai o

loo i ai so tatou naunautaiga i le olaga atoa e sili atu le faamamafa i le tasi auala nai loo le isi. Ina ia tumau i le paleni io tatou olaga e manaomia ai a tatou taumafaiga faifai pea ma le tausiga. Filifili ma le mataalia e tumau mausali.

O le mea e malie ai, e mafai ona alu i auala uma e lua. Atonu e i ai taimi e te mana‘omia le fa‘aaogaina o le faautauta lelei ina ia e taula‘i ma le manino i lau a‘oga po‘o galuega fa‘apitoa, fa‘atasi ai ma auaunaga a le “Ekalesia e faia i le taimi o le Lotu.”<sup>6</sup> Ae ui i lea, ia e manatua e tausia le Alii e fai ma ou totonugalemu ina ia mafai ai ona e maua lou paleni talafeagai faaleagaga.

### **O le a Fesoasoani le Alii ia te Oe**

Pe a tatou tausia se vaaiga o le talalelei, e faigofie lava ona malamalama i le upumoni faavae o le a fesoasoani le Alii ia i tatou. O se mataupu faavae autu o le talalelei e faapea o tatou o fanau a ni Matua Faalelagi agaalofa. O se vaega masani mo i Laua le fesoasoani ia i tatou i soo se auala e toe foi atu ai i lo tatou aiga faalelagi.

Ou te fia faasoaa atu se faataitaiga o auala e mafai ona fesoasoani ai le Alii ia te oe. O se tasi o o‘u taitai i le autalavou, o Thad Carlson, na faasoaina mai ia te au i le tele o tausaga ua mavae. O Thad, o le na maliu talu ai nei, sa i ai sona aafiaga tele ia te au ao ou tuputupu a‘e. Sa soifua ae o ia i le taimi o le Pa‘u Tele o le Tamaoaiga, o le lona iva o tamaiti e 14. Sa ola lona aiga e ala i le faifaatoaga ma le tausia o povi. O se taimi faigata i tulaga tautupe, ma o la latou aseta aupito sili o la latou lafu povi.

A o talavou Thad, o se tasi o ona tiute o le tausia ma, pe a talafeagai, taitai le lafu manu ma faamautinoa ua latou maua le meaai sili—o se galuega tele mo se tama talavou. Sa mafai ona ia faia lenei mea ma le fesoasoani a se tama‘i solofanua tulii povi atamai na iloa lelei le mea e fai ma sina faatonuga

*Manatua e faatumau se vaiga  
faaletalalelei. Vaavaai i le lalolagi o  
siomia oe e ala i tioata o le talalelei a  
Iesu Keriso.*

laitiiti. O le tama'i solofanua na igoa ia Old Smoky. Ae o Old Smoky na i ai sana sasi e tasi: na te le manao e maua o ia. Soo se taimi lava e alu atu ai se tasi ia te ia, e sola ese, ma le iloa o le a faafaigaluegaina o ia.

I se tasi aso, ina ua uma ona maua Old Smoky, sa faagutu, ma sauni e tietie ai, na tietie atu ai Thad i le laufanua o lo'o fafagaina ai povi. O le eleele na matutu, ma faapea foi ma le laufanua, ae na iloa e Thad o le mutia i tua atu o le laufanua i autafa o auala o nofoaafi na uumi ma lanumeamata. O lea na ia manatu ai o le a ia fafagaina povi i fafo o le laufanua ua uma ona faa-pa ma tuu atu ia latou fiafia i nisi o meaai lelei i autafa o auala o nofoaafi.

Faatusi ai ma le fesoasoani a Old Smoky, na taitai ai e Thad le lafu mai le laufanua, lea na amata ai ona latou agai i luma ma tua i autafa o auala o nofoaafi e fafaga i luga o le mutia sili ona lelei. Sa foliga mai o loo tausia lelei e povi i latou lava, o lea na oso ese ai Thad mai lana solofanua ma nofo i luga o le faagutu, ma fiafia i le siosiomaga o loo siomia ai o ia, taalo ma faafafia ia lava. E ui i lea, i le vaa atu ma le fiaai foi o ia i le mutia lanumeamata, na iu lava ina sola ese ia Old Smoky, na mamulu lana faagutu mai lalo ifo o Thad.

O lenei taimi filemu ma le toafilemu na iu ina ua faafusei ona faalogoina e Thad se leo tele mai se mea mamao. O le fa'ili o se nofoaafi o loo sau ma le atoa i luga o auala o nofoaafi lea na taape solo ai lana lafu povi i luma tonu lava o ia! Na ia iloa o le taunuuga e oo i ai e matua ogaoga i le lafu ma lona aiga pe a le vave lana gaoioi e toe taitai le lafu povi i le laufanua ma aveese mai le auala o le nofoaafi. Na ia lagona o le a le mafai ona ia faamagaloina ia lava mo le le faataunuina o le mata-faioi na talitonuina o ia e fai.

Na faatopetope lava ona tu i luga Thad ma tamoe e pue le faagutu a Old Smoky. Na iloa mai e Old Smoky ua alu atu a Thad ma na vave lava ona alu ese mai ia te ia, e le'i manao e maua o ia. I le tau manavanava ma le popole, sa faatumulia lona mafaufau i ata o povi pēpē ma faafitauli faaleaiga, na iloa e Thad e tatau ona vave lana gaoioi.

Na ia tusia mulimuli ane le mea na tupu: "Na aoaoina i matou e lo'u faiaoga Peraimeri e tatalo ma faamalosia aoaoga

na aoaoina mai e lo'u tina. Faatusi ai ma le leai o se isi mea e mafaia, na ou faapau ifo i o'u tulivae ma amata ona ou tatalo mo se fesoasoani e kilia ese povi mai luga o le ala."

Sa le'i faalogo Thad i se leo, ae na oo mai se mafauauga manino ia te ia: "Matau le auala e mafai ai e povi ona savaval i autafa o Old Smoky ae le migoi. O lea . . . o lenei ua e i ou tulivae, ia e totolo foi i ou lima. Fai pei o oe o se povi ma totolo agai ia Old Smoky."

Fai mai Thad: "Na ou faia. E le'i minoi o ia. Na ou tago i lona maea, ma taitai atu o ia i le pa, oso i lona tua, ma ma tutuu atu e pei o le matagi e toe ave povi i le vao. O Old Smoky na tulagaese lona atamai i pioga uma."

Mulimuli ane, ao i ai Thad i le aoga mauluga, na vave ona o'o mai ia te ia na ia mauaina se tali manino i lana tatalo i se taimi sili ona faigata. Na ia matauina, "Na faafoeina e agelu ia Old Smoky i le sili atu nai lo lo'u gafatia, ma sa faasaoina lo matou aiga mai se mala." Na ia saunoa mulimuli ane: "O le muamua lea o le tele o musumusuga [na] oo mai ia te au. 'Ma o soo se mea tou te ole atu ai i le Tamā i lo'u igoa, e sa'o, ma talitonu o le a outou maua, faauta, o le a tuuina mai lava ia te outou' (3 Nifae 18:20)."<sup>77</sup>

E tofu i tatou ma a tatou lafu manu e aveese mai le auala o le nofoaafi ao lei taunu le nofoaafi. O o tatou faigata e oo mai i le tele o siepi ma ituaiga eseese. O nisi e tutusa lava le ogaoga ma le tulaga lamatia a Thad, faatusi ai ma ni taunuuga lamatia pe taufaamatau mo i tatou po o e pele ia i tatou.

O isi tulaga e feagai ma i tatou atonu e leai ni taunuuga matuia, ae peitai e mamafa tele io tatou mafaufau ma loto. E tasi le mea e mautinoa-oi tatou taitoatas i le a feagai ma faigata ma mafatiaga io tatou olaga aua o ni vaega o lo tatou aafiafaaletino. Ae ia manatua, o le a fesoasoani mai le Alii ia i tatou!

Ou te fiafia i upu nei o loo maua i le Tusi a Mamona: "Ua tatou vaai e manatu mai le Atua i tagata uma, i soo se laueelele atonu ua latou i ai; ioe, ua ia faitauina ona tagata, ma o ona loto alofa mutimutivale ua i luga o le lalolagi uma" (Alema 26:37).

O lona uiga oi tatou taitoatas. E maeu le mafanafana i le iloa o le a fesoasoani mai le Alii ia i tatou.

### **Faatuatua, Faamoemoe, ma se Vaaiga Faaletalalelei**

E ala i le aotelega, ou te uunaia oe ina ia manatua e faatumauina se vaaiga o le talalelei. Vaavaai i le lalolagi o siomia oe e ala i tioata o le talalelei a Iesu Keriso.

Faatumau se paleni faaleagaga. Tatou te feagai uma lava ma luitau ma avanoa io tatou matafaioi eseese o le olaga, ma e sili atu ona lelei pe a tatou faapalenii i latou i le tatou faatuatua ia Iesu Keriso ma i Lana Togiola.

Ma le mea mulimuli, ia i ai le faatuatua ma le faamoemoe o le a fesoasoani le Alii ia te oe. O lenei malamalama o le mea lea e fesoasoani ia te oe e te feagai ai ma le lototele i luitau o se vaega le maalofia o lau misiona faaletino. ■

*Mai se saunoaga i se faigalotu, "A Gospel Perspective," na tuuina atu i le Iunivesite o Polika Iaga--Hawaii i le aso 19 Setema, 2017.*

#### FAAMATALAGA

1. Tagai "Lipoti Fa'afuainumera, 2018," *Liahona*, Me 2019, 112.
2. Dallin H. Oaks, faeasaite mo le autalavou nofofua matutua, 8 Fep., 2015, Aai o Sate Leki, Iuta (e lei lolomiina).
3. Dallin H. Oaks, faeasaite mo le autalavou nofofua matutua, 8 Fep., 2015.
4. Dallin H. Oaks, faeasaite mo le autalavou nofofua matutua, 8 Fep., 2015.
5. Thomas S. Monson, "Tiute o Valauga" *Liahona*, Iulai 1996, 51.
6. Dallin H. Oaks, faeasaite mo le autalavou nofofua matutua, 8 Fep., 2015.
7. Thad Carlson, feso'ota'iga patino.







# Puipuia o Tamaiti

---

O le a se mea e mafai ona tatou faia e sili atu ai ona puipuia ma fa‘amalosia tamaiti io tatou olaga?

**Saunia e Marissa Widdison**

Mekasini a le Ekalesia

**M**ai i vaega uma o tagata na a‘oa‘o e Iesu, tatou te iloa ai e faapitoa lava lona alofa i tamaiti. Sa ia gauai atu i tamaiti e tusa lava pe le talafeagai. Na ia valaaulaina tamaiti ina ia maua se faamanuiaga patino mai ia te Ia. Na ia ta‘usalaina i latou na faatiga i tamaiti. Ma sa Ia aoao mai e tatau ona tatou avea atili faapei o fanau e ulufale atu ai i le malo o le lagi.<sup>1</sup>

“Faauta tou fanau laiti,” na Ia ta‘u atu ia i latou i le konetineta o Amerika ina ua mavae Lona Toetu. Na tatalaina le lagi, ma na o mai agelu agaalofa, ma le malupuipuia ma faia se lio faataamilo i tamaiti, ao siomia i latou i le afi. (Tagai 3 Nifae 17:23–24)

Faatusi ai ma le matautia uma i le lalolagi i aso nei, atonu tatou te moomoo ia mafai ona siomia pea a tatou fanau e le afi faalelagi. E fa‘atusatusaina o le tasi i le toafa tagata i le lalolagi atoa na sauaina ao laitiiti, ma o le numera averesi e siisii i luga pe a e tilotilo i vaega patino e ono afaina ai, e pei o i latou e i ai manaoga faapitoa.<sup>2</sup> O le tala fiafia o loo i ai le tele o mea e mafai ona tatou faia ina ia mataala e uiga i le puipuia o fanau.

“Vaai faalemafaufau i se tamaitiiti e te alofa i ai,” na saunoa ai Sister Joy D. Jones, Peresitene Aoao o le Peraimeri. “A e ta‘u atu i lenei tamaitiiti, ‘Ou te alofa ia te oe,’ o le a le uiga? . . . Tatou te tuuina atu le puipuiga ina ia mafai ai ona tatou fesoasoani ia i latou tatou te alolofa i ai e avea ma o latou lava tagata sili ma feagai ma luitau o le olaga.”<sup>3</sup>

Atonu o le vaavaai vavalalata i le faataitaiga a le Faaola o le a uunaia ai manatu e uiga i auala e mafai ai ona tatou puipuia lelei fanau io tatou olaga.



*Ina ua asiasi atu Iesu i Sa Nifae,  
na Ia faamanuiaina taitoatasi  
tamaiti. E fa'apea fo'i, e tatau  
ona tatou iloa tamaiti taitoatasi.*

### **Na Faaavanoa e Iesu le Taimi mo i Latou**

Na tuu e Iesu se taimi e fa'alogo ai i tamaiti laiti ma le agavaivai (tagai Mataio 19:14). E mafai foi ona tatou faaavanoa se taimi e faalogologo ai ia tatou fanau ma taumafai e malamalama io latou luitau.

"O le tele o le alofa e lagona e le tamaitiiti, o le faigofie foi lea mo ia ona matale mai," o le tala lea a Sister Jones. ". . . E tatau ona *tatou* amataina le talanoaga ae aua le faatali mo tamaiti e o mai ia i tatou."<sup>4</sup>

Na iloa e se tasi tina e aoga le fesili i lana fanau i afafia taitasi, "Na e faa-  
logo i ni upu i le aso e te lei malamalama ai?"

O le lagona muamua a tatou fanau atonu o le vaavaai i luga o le initonet  
mo tali aua o le initonet i maua vave le fesoasoani ma e le faamasinoina, ae  
e tatau ona tatou faatalitonuina i latou *o tatou* o se punaoa sili ona faatua-  
tuaina o faamatalaga. Ma o lena mea e aofia ai le le soona avaavau pe a ta'u  
mai e a tatou fanau se mea le lelei. Mo se fa'ata'ita'iga, afai e i ai so tatou  
lagona loloto pe a ta'uta'u atu e fanau na latou matamata i ponokalafi,  
atonu o le a latou le toe o mai ia i tatou mo se fesoasoani. Ae afai tatou te  
tali atu ma le alofa, tatou te maua se avanoa e auina atu ai se savali manino-  
tatou te mananao latou te talanoa mai ia i tatou e uiga i *soo se mea*.

Na matauina e Sister Jones, "O faafitauli laiti na talanoaina e uiga i se  
aula alofa e fausia ai se faavae o se tali maloloina ina ia oo mai taimi fai-  
gata, o le a tatalaina pea fesootaiga."<sup>5</sup>

O nisi o talanoaga e sili ona taua, ma puipuia e mafai e matua ma fanau  
ona talanoaina e faatatau io latou tino. O nei talanoaga e tatau ona aofia ai

upu sa'o mo vaega o le tino, fa'amatalaga e uiga i le tumama, ma suiga e fa'amoemoe o le a tutupu i tausaga o lumana'i. E tatau ona tatou talanoa e uiga i feusuaiga ma le auala o fegalegaleaiga faaletino ma faalelagona o se vaega matagofie o le fuafuaga a le Tama Faalelagi mo i tatou. E mafai foi ona tatou talanoa e uiga i autu e pei o le sauaina ma ponokalafi. O nei talanoaga e tatau ona fuafua ma talafeagai ma tausaga ma taialaina e fesili a a tatou fanau. O le tulaga e tatau ai, le tele o a tatou talanoaga i le aluga o taimi, tu'u-  
ina atu nisi fa'amatalaga ao tuputupu ae a tatou fanau ma faateleina lo latou malamalama. (Tagai i le faaiuga o lenei tusiga mo punaoa fesoasoani.)

### **Na Faia e Iesu se Faataitaiga mo i Latou**

Na faia e Iesu se faataitaiga atoatoa mo tagata uma (tagai Ioane 8:12). I le avea ai ma tagata matutua, tatou te maua foi le avanoa ma le tiute e avea ma faataitaiga. O se tasi o auala pito sili e mafai ai ona tatou fesoasoani ia tatou fanau ia saogalemu o le fa'ata'ita'iina o filifiliga saogalemu e i tatou lava. E va'aia e tamaiti le auala e taulimaina ai e o latou mātua isi tagata ma fa'atagaina isi e taulimaina ai i latou. Faamolemole, pe afai o e i ai i se mafutaga po o e tauivi ma se vaisu lea e tuu ai oe po o lou aiga i se tulaga lamatia, saili le fesoasoani. Ia aapa atu i taitai o le malo ma faufautua faapolofesa, faapea foi ma lou epikopo po o le peresitene o le Aualofa, o e mafai ona fesoasoani ia te oe e fesoootai ma punaoa talafeagai a le Ekalesia ma nuu. E tatau ona e maua le saogalemu ma le faaaloalo.

E tatau foi ona tatou faatuina se faataitaiga o le tausia o lo tatou malosi faaleagaga. O iloa e

a tatou fanau tatou te tatalo? O latou iloa tatou te faitauina tusitusiga paia? Ua latou faalogoina a tatou molimau? O tatou ofuina “le ofutau atoatoa o le Atua” o se aiga i le taeao ao lei ulu atu i le lalolagi? (tagai Efeso 6:11–18; Mataupu Faavae ma Feagaiga 27:15–18).

### **Na Saunoa Mai Iesu mo i Latou**

Na fetalai le Faaola e tetee ia i latou o e faatiga i fanau (tagai Mataio 18:6). E mafai foi ona avea i tatou ma faufautua mo tamaiti io tatou olaga.

“E manaomia e le fanau isi e tautatala mo i latou,” na aoao mai ai Peresitene Dallin H. Oaks, Fesoasoani Muamua i le Au Peresitene Sili, “ma latou te manaomia ni tagata e faia ni faiiuga o e e faamuamuaina lo latou tulaga manuia i lo mea e fiafia i ai tagata matutua manatu faapito.”<sup>6</sup>

E ui e le mana’omia ona tatou matuui fefefe pe masalosalo i isi, e tatau ona tatounofouta i tulaga lamatia taufaamatau ma faia ni filifiliga atamai ma saogalemu. E tatau i taitai o le Peraimeri ona mulimuli i taiala a le Ekalesia i le puipuiga mai sauaga<sup>7</sup>—o loo i ai le puipuiga i le i ai o ni faiaoga se toalua i vasega taitasi ma o se tasi mai le au peresitene e siakiina vasega.

E tatau i matua ma taitai ona fefautuaai faatasi ma fili-fili pe o i ai ni lapataiga faaopoopo e mafai ona latou faia e faaitiitia ai taufaamatau patino. Mo se faataitaiga, o le tele o fale o le Ekalesia e i ai faamalama i faitotoa o potuaoga. Afai e leai ni faamalama i lau falelotu, e mafai ona faava le faitotoa i le taimi o vasega ma talanoa i lou sui o fale ma fanua i le lotoifale pe mafai ona faapipii ni faamalama. Po o le a lava o latou valaauga, e mafai e tagata matutua uma ona gauai atu i le lotu ma fesoasoani pe a mana’omia, e pei o le fa’afeiloaia o tagata asiiasi o lo’o feoai i le faapaologa, po’o le fa’amatulosia i se tamaitiiti e toe foi i le vasega.

O le mea e faanoanoa ai, o nisi taimi e afaina tamaiti i isi tamaiti. Afai tatou te iloa soo se ituaiga o sauaga po o fesoottaiaga faaletino e le talafeagai i le lotu po o soo se mea, e tatau ona tatou faalavelave vave. Afai oi tatou o se ta’ita’i, e tatau ona tatou naunau e talanoa ma aiga o aofia ai—e tusa lava pe le lelei le talanoaga—ia mautinoa o tamaiti uma e saogalemu. Tautala atu ma le agaalofa ma le manino e fesoasoani e faatuna se aganuu o le agalelei.

Afai tatou te talitonu o lo’o sauaina se tamaitiiti, e tatau ona tatou lipotia na atugaluga i pulega fa’ale-malo i le taimi

lava lena. I totonu o le tele o atunu, o lo’o i ai laina fesoasoani e ofoina atu le auala e laveai ai, fa’amatalaga, ma auau-naga fesoasoani. E tatau foi ona tatou ta’u atu i le epikopo se sauaina o masalomia, aemaise lava le aofia ai o soo se tasi e ono maua le avanoa ma tamaiti e ala i le Ekalesia. I le faaopoopo atu i le faia o ni auala e puipuia ai le mauaina e se tagata o loo masalomia i le lumanai le avanoa i tamaiti, e mafai e le epikopo ona tuuina atu le faamafanafanaga ma le lagolago i tagata afaina ma fesoasoani ia i latou e fesootai ma isi punaoa mai le Auaunaga mo Aiga.

### **Na Faamanuiaina e Iesu i Latou Taitoatasi**

Na silafia e Iesu ma faamanuia tamaiti taitoatasi (tagai 3 Nifae 17:21). E fa’apea foi, e tatau ona tatou iloa tamaiti taitoatasi ma taumafai e fesoasoani ia te ia i se tulaga maoti.

E mafai faapefea ona tatou faia le lotu ia saogalemu mo tamaiti e i ai manaoga faasoiuamaloloia? E i ai sa tatou fuafuaga mo le fesoasoani i tamaiti Peraimeri e i ai manaoga faapitoa? Pe o aoaoina ma le faaeteete lesona a le Peraimeri i tulaga eseese o aiga? O le a se isi mea e mafai ona tatou faia ina ia sili atu ona aofia isi?



O faamatalaga le talafeagai e faatatau i le ituiga tagata, tautalaga fa'avaivai loto e uiga i isi aganuu, tausalaina o uiga e faatatau i tagata o isi faatuatuaga e le i ai se nofoaga i le savali tatou te faasoaa atu. I se tasi vasega a le Peraimeri, e le tautala se tamaititi i le gagana e tasi pei o isi tamaiti. Ina ia fesoasoani ia te ia ia lagona le fiafia, na faamautinoa e le faiaoga e lolomi pepa e tufa atu i gagana e lua. O faatinoga faigofie o le mafaufau i isi e faaali atu ai i tamaiti tatou te iloa ma tausia i latou taitoatasii, ma o nei gaoioiga e mafai ona faia se fa'ata'ita'iga mo i latou e mulimuli ai.

Atonu tatou te iloa o nisi tamaiti e manaomia le fesoasoani i se auala faanatinati. Mo se fa'ata'ita'iga, e ui lava o nisi suiga o lagona o se vaega masani o le tuputupu ae, afai e ita se tamaititi, alu ese, pe faanoanoa mo ni nai vайао, atonu o le a i ai se faafitauli ogaoga e mana'omia ai le fesoasoani fa'apitoa. E ui o faiga masani o le amiontu e pei o le tatalo ma le suesue i tusitusiga paia e taua, e masani ona tele le lagolago e mana'omia mo i latou o lo'o feagai ma se gasegase o le mafaufau po'o le feagai ai ma se fa'alavelave faalilolilo. O le le amanaiaina o le tulaga o le a le faaleleia ai se mea. I le tele o eria, e mafai e epikopo ona tu'uina atu fesoasoani tautupe i tagata taitoatasii ma aiga mo le sailia o fautuaga e ala i le Auaunaga mo Aiga po'o isi vaega.



## Sa Faamalosia e Iesu i Latou

A o puipuia tamaiti, na faamalosia foi i latou e Iesu. Na Ia faasino atu i tamaiti o ni faataitaiga (tagai i le Mataio 18:3). Ina ua mavae Lana asiasiga i Amerika, na mafai e fanau laiti ona aoaoina tagata matutua i "mea ofoofogia" (3 Nifae 26:16).

E mafai ona tatou fa'amalosia tamaiti tatou te iloa e ala i le aoaoina oi latou e iloa pe fa'apefea ona talanoa le Agaga ia i latou ona mulimuli lea i le Agaga pe a faia ni filifiliga-fesoasoani ia i latou e atiina ae se faamama i le loto e ta'ita'ia ai a latou amioga. E pei ona aoao mai Sister Jones, "O le fesoasoani i tamaiti e fatuina a latou lava mafaufauga i totonus mo le mana'o e [faia filifiliga saogalemu] e taua."<sup>8</sup> O nisi nei o manatu na fa'amalosia ai isi aiga:

- Na aoao e se tasi o tina lana fanau ina ia gauai atu io latou "lagona masalo-salo" ma ia faaeteete i tagata o e "foliga taufaavalea." Na aoga lenei mea ina ua taumafai nisi tagata e tata'i lana tama e mulimuli ia i latou i totonus o se faletaele, ma sa ia gauai atu i ona lagona lapatai ma teenaina.
- O nisi aiga latou te faia se fuafuaga mamao e solaese ai mai se faalavelave e fa'aaoga pe a feagai ma se tulaga lamatia. Mo se fa'ata'ita'iga, o se fuafuaga a se tasi aiga o le "lavea ma ta'u" ma e aofia ai le tapeina o le komepiuta ma faailoa i matua i le taimi lava lena pe a oso a'e se ata leaga. E le'i tau alu se taimi e mafaufau ai a latou fanau pe faapefea ona taulimaina se tulaga e i ai ni faasalalauga mataga—na latou iloa le mea e tatau ona fai!
- O se isi aiga na fatuina se upu faalilolilo faapitoa ma le la fanau e lafo mai i le feau tusitusi i o latou matua pe fai mai i luga o le telefoni pe a manaomia ona pikiina i le taimi lena.
- E mafai ona e fesoasoani i lau fanau e faataitai ona fai atu "Leai!" pe a taumafai se tasi e uunai i latou e fai se mea e le maula



ai se lagona lelei. E tatau i tamaiti uma ona iloa e mafai ona latou ole atu mo se fesoasoani, ma e tatau ona latou ole atu pea se'iologa ua latou saogalemu.

### O Tatou Tiute o ni Tagata Matutua

Sei o tatou toe manatua le vaaiiga i totonu o le 3 Nifae 17, ina ua ave e Iesu, “a latou fanau laiti, taitoatasí, ma faamanuia i latou, ma tatalo atu i le Tama mo i latou. . . Ma ua siosiomia foi i latou i le afi, ma ua auauna atu agelu ia te i latou” (fuaiupu 21, 24). Masalo o se manatu autu o lenei tala e le gata ina a‘oa‘oina ai i tatou i le taua o fanau ae ia fa‘alia foi le uiga o la *tatou* matafaioi, o tagata matutua. O i tatou o tausimea o le isi augatupulaga. O *Tatou* e tatau ona avea ma agelu o siomia ma auauna atu i fanau. Sei o tatou faaauau pea ona tatou vaai ia Iesu o lo tatou faataitaiga atoatoa ona tatou faia lea o le mea sili tatou te mafaiā e siosiomia ai a tatou fanau iti ma le alofa ma le puipuiga. ■

### FAAMATALAGA

1. Tagai i mau faasino i lalo o ulutala taitasi i lenei tusiga e sue ai nei tala i totonu o tusitusiga paia.
2. Tagai “Child Maltreatment (Child Abuse),” World Health Organization, [who.int/violence\\_injury\\_prevention/violence/child/en](http://who.int/violence_injury_prevention/violence/child/en).
3. Joy D. Jones, “Talanoaina o Ponokalafi: Puipui, Tali, ma Faamalolo,” *Liahona*, Oke. 2019, 38.
4. Joy D. Jones, “Talanoaina o Ponokalafi,” 39, 40.
5. Joy D. Jones, “Talanoaina o Ponokalafi,” 39.
6. Dallin H. Oaks, “Puipui le Fanau,” *Liahona*, Nov. 2012, 43.
7. Tagai “Preventing and Responding to Abuse,” [newsroom.ChurchofJesusChrist.org](http://newsroom.ChurchofJesusChrist.org).
8. Joy D. Jones, “Talanoaina o Ponokalafi,” 40.

### O SE PUNAOA A LE EKALESIA MO TAITAI

E i ai le itulau a le Ekalesia e fesoasoani ai i taitai e fautuaina tagata o le ekalesia o feagai ma luitau e pei o le sauaina. Alu i le [counselingresources.ChurchofJesusChrist.org](http://counselingresources.ChurchofJesusChrist.org).

### ISI PUNAOA I LE INITONETI

- [Abuse.ChurchofJesusChrist.org](http://Abuse.ChurchofJesusChrist.org)
- [OvercomingPornography.ChurchofJesusChrist.org](http://OvercomingPornography.ChurchofJesusChrist.org)
- “Abuse,” Gospel Topics, topics [.ChurchofJesusChrist.org](http://.ChurchofJesusChrist.org)

### FAUTUAGA MO LE PUIPUIA O FANAU


#### I le fale

- Fausia se fuafuaga a le aiga mo le aloese mai faasalalauga leaga po'o le sola ese mai tulaga leaga.
- Talanoa i auala talafeagai ma tausaga e uiga i tino, feusuiga ma le alofa militino.

#### I le Lotu

- Mulimuli i taiala a le Ekalesia mo le aoaoina, e aofia ai le i ai o tagata matutua e toalua i potuaoga uma.
- Uunaia se aganuu o le agalelei ma aua le faatagaina le sauā.





Saunia e Elder  
Joni L. Koch  
O le Fitugafulu

# Ia Avea pe Sa Avea: O Le Fesili Lena

---

Ua faamoemoeina i tatou e faamasino.  
E tatau ona tatou faia. Ae *le* tatau ona tatou  
faatusatusa pe faaigoaina isi.

**T**nai tausaga talu ai na ma asiasi ai ma lo‘u toalua i le Maota o le Tupu o Kronborg i Helsingør, Tenimaka. O lenei maota na laulioa i le tala na tusia e William Shakespeare o le *Hamlet*. A‘o ma savivali i le faapaologa o le maota, o ma mafaufau na faatumuina i vaaiga ma talanoaga mai le tala, aemaise lava le fesili iloga a Hamlet, “Ia ave, pe leai: o le fesili lena.”

Ona ou mafaufau ai lea i se fesili e sili atu ona talafeagai e fesili ifo ai ia i tatou lava: “Ia avea pe *sa avea*: o le fesili lena.”

## Faataga le Faaleleia

Ae paga lea, e masani ona tatou fā‘aaoga igoa pe a talanoa e uiga i isi. Mo se fā‘ata‘ita‘iga, e mafai ona tatou fai atu upu e pei o:

- “*O Elder Brown o se faifeautalai paie.*” Nai lo lena, e tatau ona tatou fai atu, “E lei galue malosi Elder Brown talu ai nei, ae ou te talitonu e mafai e ia ona faaleleia.”
- “*O Maria e le o se tagata lotu.*” I se faatusatusaga, e mafai ona tatou faapea atu, “E le o fiafia Maria i mea tau lotu, ae atonu na te lagonaina le Agaga pe afai ou te tuuina atu lau molimau ia te ia.”

A tatou fai atu o se tasi *e* faapea, e uma ifo ua tatou faia ni igoa po o ni faatusatusaga, faamasinoina e aunoa ma le tuuina atu o le avanoa e sui ai pe faaleleia. Ae a tatou faapea atu *sa avea*, ua tatou faailoa atu tatou te talitonu e mafai ona alualu i luma pe faaleleia.

## E Leaga le Faamasino?

O le tele o faaliliuga o le Tusi Paia o loo aumaia ai le vaega lenei o se aoaoga mai le Faaola: “Aua tou te faamasino atu, ina nei faamasinoina outou” (Mataio 7:1). Ae o le Faaliliuga a Iosefa Samita e faamanino mai ai: Aua e te faamasino *ma le le tonu*. . . , *aefaaomasino le faamasinoga tonu* (i le Mataio 7:1, vaefaaamatatalaga *a*; faaopo-opo le faamamafa).

E moni lava e talia-ma e fa’amoemoeina-onai tatou fa’aaogaina le faamasinoga ao tatou iloiloina, suesue, ma iloatino tulaga ma fai faaiuga. Ma e taua tele lo tatou fa’aaogaina o le faamasinoga amiontonu ao tatou fegalegaleai ma tagata.

Mo se fa’ata’ita’iga, e tatau ona tatou iloiloina ma le fa’aeeteete po o ai o le a tatou faaipoipo i ai, fa’aaoga le iloatino e malamalamama ai i manatu o se tasi, pe iloilo le gafatia o le tagata e fa’atino se galuega fa’apitoa.

E tatau ona tatou iloiloina i taimi uma amioga a tagata po o uiga e ala i faatulagaga a le Alii, e pei ona i ai i tusitusiga paia ma upu a perofeta. E sili atu i mea uma, e tatau ona tatou mautinoa o a tatou fa’amasinoga e le taumafai e fa’amalamalamama ma le le alofa, vave faia faatusatusaga, pe faia ni igoa ma le tonu mo isi.

## E Mafai ona Sui

Tatou te fa’aaogaina le faamasinoga le tonu pe a tatou faaalia sese isi, aemaise pe afai o le faia o lea mea tatou te manatu ai e le mafai ona latou suia. I a tatou fegalegaleaiga uma ma isi, e tatau ona tatou manatua ona o le

taulaga togiola a le Alii, ua tofu i tatou ma le gafatia e faaleleia ai. Mafaufau i faataitaiga nei mai le Faaola:

- Sa Ia valaaulaina le fafine na molia i le mulilua, “Alu ia oe, aua e te toe agasala” (Ioane 8:11).
- Na Ia faapea atu i se tasi alii sa faasatauroina i autafa o Ia, “O le aso ta te faatasi ai ma oe i para-taiso” (Luka 23:43).
- I le avea ai ma se tagata toetu, sa faaaauau pea ona Ia vaaia le gafatia o Peteru ma ia fautuaina o ia, e ui lava na faafitia faatolu e Peteru o Ia (tagai Mataio 26:34 ma le Ioane 21:15–17).
- Na Ia fai atu ia Saulo, o le sa sauaina le Au Paia, e salamo. O Saulo, o le na avea ma Paulo, na usiusitai ma avea ma tagata amiontonu. (Tagai Galuega 9:3–6.)

O le Alii o Iesu Keriso o se siamupini o avanoa lona lua-ma lona tolu ma le lona fa. Sa Ia aoao i tatou ina ia faamagalo atu “seia faafitugafulu ni fitu” (Mataio 18:22). E na o Ia lava le tagata na ola i se olaga atoatoa i lenei lalolagi, ae ona o Lona soifuaga, Ana aoaoga, Lana taulaga togiola, ma Lona Toetu, ma e ala i sauniga o Lana talalelei, e mafai foi ona tatou atoatoa i se aso. O le faasino atu io tatou uso ma tuafafine i se auala e faaalia ai le le talitonu i lo latou malosi e sui ai o le a faailoa mai ai foi le le talitonu i le mana o le Faaola ma Lana Togiola.

## Fafototo ma Totonu

O se mea moni o le olaga tatou te masani ona fa’amasino atu (ma e

fa’amasinoina foi i tatou) i feiloaiga muamua. O lo’o lamatia i tatou i le faamasinoina ma le le tonu, peita’i, pe a tatou fa’amasino i le na o le fa’avae i luga o feiloaiga muamua ma lē mafai ona iloiloina le uiga moni o se tagata.

“Aua e le vaai Ieova pei o le vaai o tagata; aua e vaai tagata i le tino, a e vaai Ieova i le loto” (1 Samuelu 16:7). Na faasino atu Iesu i tagata pepelo i Lona aso o “tuugamau ua faasinasina-in, o loo matagofie i fafo, a o totonusua tutumu i . . . ma mea leaga uma.” (Mataio 23:27).

Sa lei aoaoina e le Faaola o foliga vaaia lelei ma foliga lelei e le o se mea lelei ae o le uiga o totonusua se tagata (tulaga mama ma le faaleagaga) e sili ona taua. Mafaufau io tatou malumalu mamalu: o laufanua e matagofie, ae e sili ona taua o sauniga o loo faatinoina i totonusua.

E manaomia foi faifeautalai ina ia faatumauina tulaga faatonuina o laei ma teuga. O le mama, laei tauagafau, ma le faaaogaina o gagana talafeagai, latou te faia ai se faataitaiga lelei mo i latou faatoa faalogo i le talalelei a Iesu Keriso e ala i mea latou te vaai ma faalogo i ai mai faifeautalai

## Faatinoina o le Iloatino

A o tatou taumafai e faia ni faamasinoga amiontonu, e taua le fa’aaoga o le iloatino. O le taiala i Tusitusiga Paia o loo faapea mai o le iloatino “ia malamalamama pe iloa se mea e ala i le mana o le Agaga. . . . E aofia ai le muai iloa o le uiga moni o le tagata ma le pogai ma le uiga o faaaliga faaleagaga” (“Iloatino, Meaalofa o le”).

O nisi taimi o tagata e leaga i totonu e fa'aaoga foliga faalelalolagi e taumafai ai e togafiti i tatou i mafaufauga ua agavaa i latou e fa'ata'ita'i. O i latou o "ua popoto i o latou lava mata ma atamamai i la latou lava vaaiga" (Isaia 5:21; 2 Nifae 15:21). Na mafai e le Faaola ona vaai atu i tala atu o lenei taufaaleaga, ma sa mafai ona Ia iloatinoina le malosi o le amio ma le faamaoni o le loto e oo lava i tagata sili ona lotomaulalo ma lotovaivai.

Sa faaaoga e Alema lena ituaiga o iloatino ina ua ia saunoa atu ia i latou o e na "inosia e tagata uma ona o lo latou matitiva" ae ua faamanuiaina ona ua latou lotomaulalo ma "maualalo i le loto" (tagai Alema 32: 5–8).

E tatau ona tatou manatua "o mea a le Agaga o le Atua . . . e iloatino ai faaleagaga" (1 Korineto 2:14). Pe a tatou vaai atu i isi e pei ona silafia e lo tatou Tama i le Lagi, o le iloatino e mafai ai ona tatou faia le faamasinoga tonu.

### Faamasinoga Tonu


O aso uma o tatou olaga tatou te faamasinoina e ala i le iloiloina, suesueina, ma le iloatino. Peitai, ua finagalo le Alii ia tatou faia ma le amiontu. I le avea ai ma soo o le Alii o Iesu Keriso, o a tatou upu ma amioaga e tatau ona faaalia ai tatou te alolofa mutimutivale, alolofa, ma naunau e fesoasoani.

I le avea ma faamasino amiontu, e tatau ona tatou mautinoa tatou te gauai atili atu i uiga o se tagata nai lo o latou foliga vaaia. I le taimi lava e tasi, e tatau ona tatou manatua o aso uma

tatou te fatuina ai lagona muamua i le auala tatou te va'ava'ai ai ma upu tatou te fa'aaogaina. O le toatele o tagata o le a tosina atu e saili atili e uiga io tatou uiga ma le savali o le talalelei pe afai o o tatou foliga vaaia e atagia ai le taua maualuga o la tatou savali.

O lo tatou Alii ma le Matai, o Iesu Keriso, ua faaali mai ia i tatou le faataitaiga atoatoa e mulimuli ai ao tatou taumafai e faamasino ma le amiontu. E tatau ona tatou—pei o Ia—faapalenina mea tatou te vaaia i luga ma mea o loo i totonu o tagata taitoatasi. ■





Ata faavae tosi e tusiata  
Pope Ailama ma Harold  
W. Burton.

Taumatau: O se tasi o ata  
vane e fa o faataamilo i  
le malumalu e fai ma sui  
o tisipenisione e fa o le  
talalelei.



Ogatotonu: O Peresitene  
Heber J. Grant i Laie mo le  
faapaiaga o le malumalu.  
Luga: O Peresitene  
Iosefa F. Samita (pito i  
le agavale) i Laie. Na ia  
faapaiaina le nofoaga mo  
le malumalu ia luni 1915.



O se ipu teuteu o loo  
faaalia ai uluai malumalu  
e valu o le Ekalesia. O Laie  
lea i le ogatotonu pito i  
lalo.



O le ata na vaneina e  
Avard Fairbanks e faatatau  
i tina ma le faafailleleina  
o fanau.

Agavale: Tagata o le  
ekalesia o faapotopoto i le  
malumalu (1920).



# O le Malumalu o Laie Hawaii

## O SE SENETURI O FAAPOTOPOTOGA

Na faapaiaina i le 100  
tausaga talu ai, na faata-  
gaina ai e le Malumalu  
o Laie Hawaii le Au Paia  
e faapotopoto e maua-  
ina faamanuiaga o le  
malumalu ao amata ona  
salalau atu le talalelei i le  
lalolagi atoa.

### Saunia e Clinton D. ma Angela R. Christensen

E alala tusitala i luta, ISA. E faigaluega Brother Christensen mo le Matagaluega o Talafaasolopito o le Eklesia.

**O** se tasi o misiona maoae a le Eklesia a Iesu Keriso i aso e gata ai, o le tuuina atu lea o faamanuiaga faalemalumalu i tagata o le lalolagi, o e o soifua ma e ua maliliu. Na aoao mai e le Perofeta o Iosefa Samita e faapea “o le faamoemoega o le faapotopotoina o . . . tagata o le Atua i soo se tupulaga o le lalolagi . . . o le fauina lea i le Alii o se fale e mafai ai e Ia ona faaali mai i Lona nuu ia sauniga o Lona maota.”<sup>1</sup>

I le amataga o le seneturi lona 20, e na o le fa malumalu o loo faaaogaina na maua i luga o le fogaelele, na i ai uma lava i Iuta. O le mea lea, o le faapotopotoina faaletino i Iuta o le uluai auala lea o le mauaina o faamanuiaga i le malumalu. I le 1919, na suia ai lena mea. I le aso 27 o Novema, 1919, sa faapaiaina ai e Peresitene Heber J. Grant (1856-1945) le Malumalu o Laie Hawaii. Na faailogaina ai se suiga o le talafaasolopito i le Toefuataiga ao maua faamanuiaga o le malumalu i le tele o atunu.

I le tele o itu, o le Malumalu o Laie Hawaii o le uluai malumalu faavaomalo. Na vave ona auauna atu i tagata mai Hawaii, Niu Sila, Samoa, Toga, Tahiti, Iapani, ma Ausetalia. A o faaaauau ona tuputupu ae le Eklesia i le Pasefika ma Asia, o le numera o atunu na faamanuiaina e lenei malumalu sa faaaauau pea ona faateleina.

Ua faailogaina i lenei tausaga le 100 o tausaga o lenei talafaasolopito taua i le faapotopotoina o Isaraelu i itu uma e lua o le veli.

### Fa'apotopotoina mai Samoa

O motu o Samoa e tusa ma le 2,500 maila (4,023 km) mai Hawaii. I le 1919, na saunoa ai John Q. Adams, o le peresitene o le misiona i Samoa, “Ina ua ma‘a le malumalu i Laie, sa foliga mai na faatumulia o matou tagata i se naunautaiga malosi e faaputuputu le tele o oloa a le lalolagi e o ai i le malumalu.” O Aulelio Anae, mo se faataitaiga, sa avea o se faifeatalai e aunoa ma se totogi mo le 20 tausaga. Ona o lana ositaulaga, e le‘i lava sana tupe e malaga ai i Hawaii. O le mea lea na faatau atu ai e Brother Anae mea uma sa ia te ia ma mafai ai ona maua faatasi le \$600IS po‘o le \$700.<sup>2</sup> Na

ositaulaga e Brother Anae ma isi tagata Samoa mea uma latou te mafai a e malaga atu ai i Laie i le vaitau o le 1920.

O se tasi aiga, le au Leota, na taunu i Hawaii i le Aso o le Tausaga Fou i le 1923. Na manatua e Vailine Leota, e fitu ona tausaga le matua, "O le matou uluai [vaaiga] o le malumalu . . . o le vaaiga sili lea ona matagofie."<sup>3</sup> Na o le lua vaiaso mulimuli ane, na maua ai e matua o Vailine, o Aivao ma Matala o laua faaeega paia ma faamauina o se ulugalii, ma na faamauina le la fanau ia i laua. Sa auauna faamaoni le au Leota i le maota o le Alii mo le 50 tausaga ma sa tanumia "i tafatafa o le malumalu na la fafia tele i ai."<sup>4</sup> I le taimi nei, e faitau selau o latou augatupulaga faamaoni o nonofo i le salafa o Hawaii.

### **O Se Galuega Faigata**

E ui o le toatele o tagata o le Pasefika na tuua o latou atunu ma malaga atu i Hawaii, e tele uarota ma paranesi mai atunu eseese na faatulagaina malaga i vaega, e asiiasi ai i le malumalu. O lenei faatasiga faaleagaga na saunia ai se auala mo tagata o le Ekalesia e malaga ai e maua sauniga o le malumalu ma toe foi atu i le fale e fausia le Ekalesia io latou lava atunu.

I le faapaiaga, na tatalo ai Peresitene Grant mo le Alii e tatala le ala mo le Au Paia i Niu Sila ma Atunuuma o le Pasefika ma faamautu o latou gafa ina ia latou o mai i le malumalu ma avea ma faaola io latou tuaa.

O malaga i le malumalu na amata i se vaega o le Au Paia Maori i Niu Sila i le na o le ono masina talu ona mae'a le faapaiaga. E ui lava e 5,000 maila (8,045 km) le mamao mai Hawaii, ae na olioli nei Au Paia i talafou o le faapaiaga.

O Waimate ma Heeni Anaru sa naunau e avea ma vaega o le vaega muamua e malaga i le malumalu. Ae o le galuega na foliga mai e le mafai ona faia ona o le aiga e matitiva ma o le tau e mana'omia e 1,200 pauni Niu Sila mo le malaga-o se tau taugata. Latou te manaomia se vavega.

Mo le tele o tausaga, sa mulimuli le aiga o Anaru i le faatuaga a le perofeta ma aoina a latou faamaumauga o gafa. O na faamaumauga na avea ma

faaputuga ao faatalitali le au Anaru mo se vavega e tupu. O le la tama tama o Wiwini, na iloa le faatuatua o ona matua: "E le i popole lava Tina o le a ia [le] tootutuli ma Tama i se aso i le fata fiaitaulaga i le malumalu."

Na tupu lava se vavega. Sa manumalo Waimate i se konekarate mai le malo o Niu Sila mo se poloketi tele o fanua-atinae. O lana tupe na maua mai lenei poloketi na tu'uina atu muamua ai le tinoitupe na lava ma totoe e totogi ai le tau o le malaga i Hawaii. Na faatoilaloina e Waimate ma Heeni lo la fefefe e malaga i le vasa ma fai-malaga atu loa i Hawaii ma se vaega o le Au Paia e toa 14 ia Me, 1920. Sa latou mauaina o latou faaeega paia ma sa faamauina. Na mafai ona tupu le mea sa faigata.

O le tala a le au Anaru ua na o se tasi lava i le faitau afe e faatatau i le Au Paia o Aso e Gata Ai na malaga atu i le Malumalu o Laie Hawaii ina ia maua sauniga ma latou mauaina folafolaga na tuuina mai e le Alii i Lona maota. O lenei mea na manaomia ai se osigataulaga sili, ae na maua ai le Au Paia ua sili ona malolosi na toe foi atu i o latou laueelele ua saunia e taitaia le Ekalesia.<sup>5</sup>

### **Faapotopotoga Faaleagaga mai Asia**

Ina ua mavae le Taua Lona Lua a le Lalolagi ma le tofaatuina o le Ekalesia i Iapani, na faatulagaina ai iina e le Au Paia le uluai malaga a le malumalu mai Asia. I le 1965 o se vaalele e tumu i le Au Paia tuuto e 165 na malaga mai Tokyo i

**1850**

1850: Ua taunu faifeatalai i le Malo o Hawaii e talai atu le talalelei toefuataiina.

1855: Ua auauna losefa F. Samita i lana uluai misiona i Hawaii.

**1875**



1865: Ua faatauina e le Ekalesia fanua i Laie lea ua fausia ai se falelotu. O lenei fale na siitia i le 1916 e faavanoa ai le auala mo le malumalu.

**1900**

1915: Ua faasalalauina e Peresitene Iosefa F. Samita le Malumalu o Laie Hawaii.



27 o Novema, 1919: Ua faapaiaina le Malumalu e Peresitene Heber J. Grant (vaaia i luga, i le ogatotonu).

**1925**

1923: Ua masii atu le aiga o Leota (lalo) i Laie mai Samoa.



1920: Ua malaga Waimate Anaru i le malumalu mai Niu Sila.

Hawaii e maua sauniga o le malumalu. O lenei malaga na maua ai le malosi maoae mo le Eklesia i Iapani. E ivasefululima pasene o nei tagata na tumau pea le toaaga i le Eklesia. E toalima na mulimuli ane avea ma peresitene o malumalu i lo latou atunu, e aofia ai Elder Yoshihiko Kikuchi, le uluai Pulega Aoao mai Iapani.<sup>6</sup>

I le 1970 na malaga ai se vaega o tagata auai i le eklesia mai Korea i Laie. Fai mai Choi Wook Whan, o se peresitene o le paranesi, "Na matou o atu i le malumalu ma na matai ai o matou mafaufa ma fafagu mai ia i matou le ala e mafai ona matou maua ai le faaolataga. Na avea le fuafuaga e faavavau ma mea moni; oa matou molimau ua faamalosia tele na faigata ona faamatala. Oka se faamanuiaga sili mo tagata o Korea, le maua o le avanoa e auai ai i le malumalu."<sup>7</sup>

### Faapotopotoina o Tatou Tagata Maliliu

A oo ina avanoa sauniga o le malumalu i se malo, latou te aumaia faamanuiaga a le Alii e le gata ia i latou o loo nonofo i lena atunu ae faapea foi i latou mai lena malo i le isi itu o le veli. O lenei fa'amanuiaga na lagona e tagata o le au paia i atunu Asia, o latou aganuu ua mae'a ona faamaumauina lelei gafa mo le tele o seneturi.

O matua o Kwai Shoon Lung na malaga mai Saina i Hawaii. Sa fanau o ia i Kauai i le 1894 ma papatisoina i le 1944 i lona aso fanau lona 50. Sa aoaoina e Brother Lung le talafaasolopito o aiga

i le lotu ma ta'u atu i lana vasega, "Sa ou maua se faaaliga i se tasi po na ou vaai ai i le toatele o lo'u aiga ua maliliu o talo mai ia te au ou te galue mo i latou." E tolou aso mulimuli ane na ia mauaina ai lona gafa mai le uso o lona tina i Saina: e 22 itulau i le gagana Saina e faailoa mai ai ona tupuaga i tua i le 1221 TA. Faatasi ai ma lona atalii o Glenn ma lona afafine faa-le-tulafono o Julina, ua latou faamaecaina le faitau afe o sauniga i totolu o le malumalu mo o latou aiga. O Glenn ma Julina Lung na mulimuli ane auauna atu ma le faamaoni o se peresitene ma se faa-tina o le Malumalu o Laie mai le 2001 i le 2004.<sup>8</sup>

### E Faaauau Pea Le Faapotopotoina

E i totolu o fetaulaiga o ala o le Pasefika i le va o Amerika ma Asia, ua tatala ai e le Malumalu o Laie Hawaii le faitotoa o faamanuiaga o le malumalu i le tele o atunu. O le mea lea, o le faapotopotoina o Israaelu na avea muamua o se faapotopotoina faaleagaga ao mafai e tagata o le eklesia ona maua faamanuiaga o le malumalu ma toe foi atu e fausia le Eklesia io latou lava atunu. O lenei avanoa ua fesoasoani i le faalauteleina o le talalei toefuataiina i le tele o aganuu ma tagata i itu uma o le veli.

A o tatou faamanatuina le 100 tausaga o le Malumalu o Laie Hawaii, ua tatou maua le avanoa e molimauina ai se pine faamau taua i le Toefuataiga ma le faataunuina o le valoaga a le perofeta o Iakopo i le Tusi a Mamona: "Ae ua tetele lava folafolaga a le Alii ia te i latou o e o i luga o motu o le sami" (2 Nifae 10:21). ■

### FAAMATALAGA

1. Aoaoga a Peresitene o le Eklesia: Iosefa Samita (2007), 506.
2. Tagai James Adams Argyle, comp., "The Writings of John Q. Adams," 14, FamilySearch.org.
3. Vailine Leota Niko, i Clinton D. Christensen, comp. *Stories of the Temple in Lā'ie, Hawai'i* (2019), 70–71.
4. Aivao Frank Leota (1878–1966), FamilySearch.org.
5. Tagai Christensen, *Stories of the Temple in Lā'ie, Hawai'i*, 64–65.
6. Tagai Christensen, *Stories of the Temple in Lā'ie, Hawai'i*, 114–17.
7. Choi Wook Whan, i "Going to the Temple Is Greatest Blessing," *Church News*, Apr. 17, 1971, 10.
8. Tagai Christensen, *Stories of the Temple in Lā'ie, Hawai'i*, 166.

1950



1965: Mo le uluai malaga i le malumalu a Asia, e 165 le Au Paia mai Iapani na taunu atu i Hawaii.

1970: Ua auai atu le Au Paia mai Korea i le Au Paia mai Iapani i se malaga i le malumalu.

1975



13 luni, 1978: na toe faapaiaina e Peresitene Spencer W. Kimball le malumalu ina ua mavae se faalautelega taua. Na la asia foi ma Peresitene N. Eldon Tanner (luga) le Nofoaga Tutotonu o Aganuu Polenia [Polynesian Cultural Center].



2000

21 Novema, 2010: I le maea ai o le faaleleia ma le toe faafouina, na toe faapaiaina ai e Peresitene Thomas S. Monson le malumalu.



2015

## Taitaia ia Monica

**A**o ou nofo i São Paulo, Pasila, na ou masani ai i se tamaitai faapi-toa e igoa ia Graça. O ia o se tamaitai agaalofa ma agalelei ma o se uo i tagata uma.

O Graça o la'u soa faiaoga asiiasi. O ia o se tina o se fanau e toatolu, sa galue faavaitaimi, ma e leai sana taavale po o se telefoni, ae e leai se mea na taofia ai o ia mai le auauna atu.

Mai lo'u polotito, e mafai ona ou iloa atu se faamalama e tasi o lona fale. A avanoa o ia, e tu'u e Graça se fasi ie mumu i lena faamalama e fa'aalia ai ua sauni o ia e alu e asiiasi. Na te le'i mauaina lava se alofaga e le mafai ai ona auauna atu. E masani ona ou mafaufau



**E**tu'u e Graça se fasi ie mumu i lena faamalama e fa'aalia ai ua sauni o ia e alu e asiiasi.

e uiga i le faailo a Graça ma lana faataitaiga ofoofogia o auaunaga faamaoni ma faigofie.

E tasi se aafiaga e tu mai i lo'u mafaufau. Sa ma sauni ma tatalo ao lei o atu e asiiasi i se tasi o ma uso. A o ma latalata atu i lona fale, na ma iloa ai sa ma agai atu i le fale o se isi uso! Sa tofia i maua e asiiasi i lenei uso, o se tina e le toaga i le lotu e toalua lana fanau laiti, ae sa le'i fuafuaina e asiiasi ia te ia i lena aso. Talu ai sa ma i ai iina, sa ma tu'itu'i, ae leai se tasi na tali mai.

Sa tonu ia i maua ia tumau ma faatalitali. Na iu lava ina sau le uso lea, o Monica, ma ta'u mai ia te i maua o loo pisi o ia. Na ma maitauina ua vaivai o ia ma toetoe lava a tagi. Ina ua ma fai atu sa ma i ai iina e fesoasoani, na ia faatagaina i maua e ulufale. Sa tagi lana pepe, o lea sa ma fai atu ai ia te ia e tausi muamua lana pepe ma o le a ma faatali. Ina ua alu Monica i le fogafale i luga ma lana pepe, sa amata ona ma galulue, sa faamama nai potu ma gaugau uma lavalava na ma vaai i ai.

Ina ua vaai Monica i le manaia o lona fale, sa amata ona tagi, ma tatala lona loto ia i maua, ma faasoai mai nisi o ona luitau. Na ma folafola atu e fesoasoani ia te ia, ma ma talanoa i le perestene o le Aualofa e uiga i ona luitau. O le Aso Sa na sosoo ai, na auai ai Monica i le lotu.

Na avea Monica ma se tamaitai malosi, fiafia, ma sa faaaauau pea ona ma auauna atu ia te ia ma le alofa ma le tausiga. Sa i ai pea ia te ia ia luitau lava e tasi, ae na mafai ona ia taulimaina ma le tele o le faatuatua ma le lototele ona o lona malosi i le Lotu.

Ou te matua faafetai mo faataitaiga a Graça ao ma auauna faatasi. Sa ma tatalo mo le taitaiga, ma na taitaiina ma maua e le Atua ia Monica. ■

**Rosana Soares, Iuta, ISA**





## Sa Latou Totoina se Fatu i Lo'u Loto

**O**fea na ou sau ai? O le a la'u mea o fai iinei? O fea ou te alu i ai pe a uma lenei olaga?

Ina ua 29 o'u tausaga, o nei fesili na toe foi mai ia te au. Sa maliliu o'u matua. Na ou faanoanoa ona o le maliu o lo'u atalii pepe ulumatua. Sa i ai isi a'u fanau e toatolu e tausi ma se olaga e tumu i luitau.

Na amata ona tali mai le Alii i a'u fesili ina ua Ia taitaia ni faifeautalai talavou se toalua i lo'u fale. Ina ua ou faafeiloaia i laua i totonu, sa la fesili mai pe i ai se mea sa ou lagona o misi i lo'u olaga. Sa ou ta'u atu ia i laua e uiga i o'u matua ma lo'u atalii. Sa ou fai atu ia i la'ua ou te manatu o le a le fetaui le maua o fanau ma faia ni aiga pe afai o mea uma lava e faamutaina i le otu. Sa ou fesili pe mafai ona ou toe vaai i o'u matua ma lo'u atalii.

"Marta," na la fai mai ai, "e mafai ona e maua lou aiga e faavavau."

Sa faatumulia lo'u loto i le olioli tele. Sa ou fia iloa atili. I le la asiasiga na

sosoo ai, na la aoao atili ai au e uiga i le talalelei a Iesu Keriso. Sa la tuuina mai ia te au se Tusi a Mamona ma lu'iina au e faitau ma fesili atu i le Atua pe o Lana upu lea. Sa ou taliaina le la lu'i. Ina ua ou tatalo, na oo mai le tali a le Atua e manino e pei o le la. Na ou iloaina i lo'u loto e moni.

As paga lea, ina ua ou amata i se galuega fou, na ou le toe fesootai ma faifeautalai. I masina na sosoo ai, na i'u ai la'u faaipoipoga ma sa ou taumafai e amata se olaga fou faatasi ma la'u fanau.

Mulimuli ane, na ou toe faaipoipo. I se tasi aso sa fai mai lo'u toalua na misia le i ai o le Atua i lona olaga. Na tonu ia i matou e auai i le lotu sa ia auai muamua i ai. Ina ua matou ulu atu i le fale, sa ou vaaia se Tusi a Mamona i luga o se laulau i le falelotu. O le ekalesia lava lea e tasi na ou faalogo ai muamua! Sa ou fiafia i le Agaga na ou faalogoina iina. Ina ua matou tuua le falelotu, sa ou fesili i lo'u toalua pe mafai faapefesa ona ou papatiso.

**N**a ou lagonaai e tatau ona ou faailoa atu i uso na aoaoina muamua a'u, o lea ua ou auai i le Ekalesia ma na la totoina le fatu o le talalelei toefuataiina i lo'u loto.

"E manaomia ona aoaoina oe e fai feautalai," sa ia fai mai ai.

"Sa aoaoina a'u i le lima tausaga talu ai!" Sa ou tali atu ai.

Sa aoaoina a'u ma la'u fanau i lesona. O le aso o lo matou papatisoga o le aso aupito sili ona fiafia lea o o matou olaga.

I nai tausaga mulimuli ane, na ou lagona ai e tatau ona ou faailoa atu i uso na aoaoina muamua a'u, o lea ua ou auai i le Ekalesia. I luga o le Facebook, na ou maua ai se vaega o faifeautalai ua maea misiona mai le Misiona a Santa Maria Pasila. Na aofia ai se tasi o uso sa aoaoina a'u. Sa ou auina atu i ai se talosaga ma te ue ma faamatala atu ai po o ai au, le auala na avea ai au ma se tagata o le Ekalesia, le faamauga a le matou aiga i le malumalu, ma lo'u atalii o loo auaua atu faamisiona talai. Sa ou fai atu ia te ia o nei mea uma na mafai ona sa la totoina ma lana soa le fatu o le talalelei toefuataiina i lo'u loto. ■

**Marta Algarve, Santa Catarina, Pasila**

# O Se Faamanuiaga Faaopoopo

**O**maua ma lo'u toalua, o Carmen, na faatoa maua le ma tama muamua ina ua valaaufina au e avea ma epikopo o la matou uarota. I le taimi lena, sa ma tauivi ma tulaga tautupe. Na avea ma se mea faigata ia te au le tausia o lo'u aiga ma i le taimi lava lea e leoleo ma tausi tagata o la matou uarota.

I se tasi Aso Sa, sa ou matauina ai se tina nofotoatasi ma lana fanau laiti e toafa i se sauniga faamanatuga. Sa nofo o ia i luga o le nofoa mulimuli i totonus o le falesa ma taumafai i le mea sili na te mafaia e faafilemu lana fanau. Sa ou iloaina o loo tauivi foi o ia ma tulaga tautupe, ae na te lei fesili mo se fesoasoani. Na mavae vaiaso, ma o Aso Sa uma na o mai ai o ia ma lana fanau i le lotu.

I se tasi aso, na ou mauaina ai la'u siaki. I le faamanuiaina i le mauaina o se ponesi, na ou filifili loa e faaaoga le tupe faaopoopo e faatau mai ai sapalai mo le toe faaleleia o lo'u fale na matuai

manaomia lava. Ae ao ou agai atu i le maketi, na oo mai lenei tuafafine ma lana fanau i lo'u mafaufau. Na ou lagona e tatau ona ou faaaogaina le tupe faaopoopo e faatau ai meaai mo i latou. Na ou valaaau ia Carmen ma ta'u atu ia te ia le mea sa ou lagona e tatau ona ou faia. Sa malie i ai o ia.

A o fai lau faatau, na ou vaaia ni kuki. Sa ou manatu atonu e mananao tamaiti i ni mea suamalie. Na ou faatumuina ni ato se lua i meaai ma sa ou agai atu i le fale o lenei tuafafine.

Sa ou tuituiina le faitotoa laupapa tuai mo ni nai taimi. Ina ua ou sauni ou te alu ese, na matala loa le faitotoa. "Epikopo," o le tala lea a le tuafafine, "Ua faateia au i le vaai ia te oe iinei." O le taimi lava lena, na tamomoe mai ai lana fanau mai tua o ia.

"Na ou aumaia ni meaai mo outou," o lau tala lea.

Na maua e se tasi o lana fanau teine

**N**a ou faatumuina ni ato se lua i meaai ma sa ou agai atu i le fale o lenei tuafafine i la'u uarota.

ia kuki ma alaga, "Kuki!" Sa faapotopoto faatasina ma le fiafia ona uso ma tuagane. Sa fusi a'u e se afafine e fitu tausaga. "Faafetai lava, Epikopo!" o lana tala lea.

Sa ou tilotilo i totonus o lo latou fale ma ou iloa ai o lenei tuafafine sa taina lavalava i totonus o se apa i luga o le fola. O le aiga na leai se laulau ma na momoe i luga o se momi i luga o le fola. Sa ou iloa le tele o mea na latou manaomia. Na ou faia ni fuafuaga ina ia mautinoia o le a i ai se latou laulau ma ia tofu i latou ma se moega.

O lenei aafiaga na fesoasoani ou te iloa ai e taiala ma faamanuia e le Alii Ana auauna. Tatou te le manaomia se valaauga faapitoa ina ia fesoasoani io tatou uso ma tuafafine. Pau lava le mea e tatau ona tatou ogatusa ma le Agaga, iloa po o ai e manaomia la tatou fesoasoani, ma ia naunau e avea ma tufugaaao o le Alii. ■

**Roberto Atúncar Nieto, Lima, Peru**

# Lua Itulau e Tumu i le Lotofaafetai

**S**a mafatia lo'u tama i lona olaga atoa mai le maualalo o manatu o le tagata lava ia ma lagona o le le aoga. Sa ola ae o ia i se tama inu ava malosi o le na masani ona ta'u atu ona manatu ia te ia e uiga i lona le aoga. O le mea e faafetai ai, e lei inu ava lo'u tama lava ia, ae na te le'i ta'uina mai ia te a'u ma o'u tei lona fifia ia i matou pe viia i matou mo mea lelei na matou faia. A o tuputupu ae, sa ou taumafai e faafifia o ia, ae sa ou lagonaina i taimi uma ou te le mafai ona ausia lea tulaga. O lenei mea na mafua ai ona leaga le ma sootaga.

I le tasi tausaga, sa ou ta'ua lenei mea i lo'u epikopo atamai. Sa ia fautuina au e tusi i lo'u tama se tusi e ta'u atu ai ia te ia mafuaaga uma na ou faafetai ai mo ia. E le o se mea itiiti lenei mo a'u. O o'u manua na loloto, ma ou te le manao i lau tusi o le agaga faafetai ina ia avea ma se tusi ita. O lea na ou tatalo ai. Faatasi ai ma le Agaga o taialaina au, o mafuaaga na ou faafetai ai mo lo'u tama na amata ona tafe mai. Na alu ai le taimi, ae ina ua mac'a, sa ou faatumuina ni itulau se lua.

Na ou tuuina atu la'u tusi, ma le le iloa pe o le a faapefea ona tali mai lou tama. Ae na ou iloa e le mafai ona ou filifilia lana tali. Na ona ou manaomia o le tilotilo i lo'u lava loto ma manatua pe aisea na ou tusia ai le tusi.

O le taeao na sosoo ai, na ou maua ai se telefoni mai lo'u tina fai [stepmother].

Sa tagi o ia. Sa ia ta'u mai ia te au na faitau pea lava pea lo'u tama i le tusi. Sa fai mai o ia e le mafai ona talanoa mai ia te a'u ona o lona tagi tele.

"Faafetai lava," o lana tala lea. "Na mana'omia e lou tama lenei mea."

Mulimuli ane i lena aso, na valaau mai lo'u tama e faafetai mai ia te au. Na ia valaau mai ia te au i aso uma mo ni nai aso e faailoa mai le taua o le tusi ia te ia.


Maimau pe ana mafai ona ou fai atu na faamaloloina faavavega le ma mafutaga, ae e tele lava a ma galuega e manaomia ona fai. I le aluga o taimi, na amata ona malolo lo'u loto, ma na faaleleia la ma'ua sootaga. Mulimuli ane, sa

mafai ona ou faamagalo ia te ia.

I ni nai tausaga mulimuli ane, ina ua mavae se tauiviga matautia ma le kanesa, na maliu lou tama. Ou te mautinoa o loo i ai nei ia te ia le olioli tele ao fesoasoani le Faaola ia te ia e faamalolo mai tausaga o le sauaina. Ou te iloa ua ou lagonaina le faamalologa e ala i le mana o le Togiola a Jesu Keriso. E malamalama le Faaola io tatou manaoga ma e mafai ona fesoasoani ia i tatou e aveesea le 'ona o le tiga ma le ita mai o tatou agaga. Ou te iloa o le agaga faafetai, faamagaloga, ma le alofa o ni fofo mamana. ■

**Elise Dahlen, Iuta, ISA**

**N**a faitau pea lava pea e lo'u tama la'u tusi. Sa le mafai ona talanoa mai o ia ia te au ona o lona tagi tele.







**Saunia e  
Joy D. Jones**  
Peresitene Aoao  
o le Peraimeri

# TALANOAINA O PONOKALAFI: Puipui, Tali, & Faamalolo

---

O nei faatatauga e tolu o le alofa e mafai ona  
fesoasoani ia tatou fanau i taimi o fetaia'iga latou  
te feagai ai ma ponokalafi.

**U**a ou iloa lelei le faatosinaga o ponokalafi ua oo lava i le au laiti a lo tatou sosai-ete--o a tatou fanau. O se mala o vaega maoae, o le ponokalafi e mafai ona mafua ai le maasiasi, taufaasese, lagona le mautonu, leai se pulea o le tagata lava ia, lofutuina o mea ua fai ma vaisu, ma le tele o taimi e mafaufau ai, manatu, ma le malosi. E i ai le mana'oga sili mo i tatou uma—mātua, aiga, faiaoga, taitai—e va'aia, faataua, ma puipuia a tatou fanau ma le autalavou.

O le alofa o se tasi lea o meaalofa silisili a le Atua. O le alofa i le Atua ma le alofa i tuaoi o poloaiga sili ia e lua ua tuuina mai ia i tatou mai ia Iesu Keriso Lava Ia. O le alofa, ou te talitonu, o la tatou aaupega sili foi lea i le taua faasaga i ponokalafi.

E pei ona fai mai le upusii lauiloa, “e fasiotia e le ponokalafi le alofa,” ae ia tatou manatua foi o lena alofa e fasiotia ai le ponokalafi. E le o lona uiga o lo tatou alofa mo se isi tagata e mafai ona suia a latou vaisu po'o a latou amio. Ae o le alofa e mafai ona uunaia i tatou—pe faapefea ona tatou saunia, pe faapefea ona tatou tali atu, pe faapefea ona tatou fa'alogo—aemaise lava i a tatou fanau. Afai o le a i ai so tatou faamoemoe e aveesea lenei mala mai le lalolagi, o le alofa e tatau ona i ai i luma ma le faavae o a tatou taumafaiga uma.

Ou te fia fautuaina atu ni faatatauga se tolu o le alofa ou te fa'amoemoe o le a tatou taula'i i ai, talia, ma fa'atulafonoina. O nei faatatauga e tolu o le alofa na faamatalaina e Sister Jones e fesootai i vaega e tolu o fetaiaiga ma ponokalafi atonu o le a feagai ma a tatou fanau.

Muamua, tatou te faapea atu “Ou te alofa ia te oe” e ala lea i le puipuia moni o i latou lava. Lona lua, tatou te fai atu “Ou te alofa pea ia te oe” i le auala tatou te tali atu ai i lo latou aafia ai i ponokalafi, tusa lava pe sa'o pe leai foi. Ma le lona tolu, tatou te fai atu “O le a ou alofa pea ia te oe” e ala i le tuuina atu o le lagolago alofa mo i latou ao latou galulue i le faamalologa pe afai ua latou aafia i le faaaogaina po o le fai ma vaisu. I fasifuitau taitasi, o le alofa o le ki.

*O le mea moni lava  
o lenei faafitauli o  
lo'o a'afia ai tatou  
alii ma tamaitai,  
ma e le o lava le  
tatou talanoaina.*



# 1

## PUIPUIGA: "OU TE ALOFA IA TE OE"

Vaai faalemafaufau i se tamaitiiti e te alofa i ai. A e fai atu i lenei tamaitiiti, "Ou te alofa ia te oe," o le a le uiga? I lona autu, tatou te tuuina atu le puipuiga ina ia mafai ai ona tatou fesoasoani ia i latou tatou te alolofa i ai e avea ma o latou lava tagata sili ma feagai ma luitau o le olaga. O se vaega o le puipuiga o le fa'amalosia o mafutaga malosi, fa'atuatuaaina, tumau. O nei ituaiga o mafutaga e fesoasoani e vavalalata ai ma tatou fanau. A'o tatou fausia sootaga malolosi o le fa'atuatuaaina ma puipuia a tatou fanau ma a latou fanau-po'o so'o se tamaititi-tatou te tu'uina atu ia i latou se nofoaga saogalemu e liliu atu ai. O lenei puipuiga e fesoasoani latou te malamalamai po o ai i latou ma fesoasoani ia latou malamalamai i latou sootaga ma le Atua. O le lagolina o le taua ma le alofa e fesoasoani i fanau e vaai ma faalagolago i se Tama Faalelagi agalelei o le na te tuuina atu faatonuga mo lo latou fiafia.

Ou te popole ona o le tele o matua atonu latou te le o iloa pe o le a le matautia moni o ponokalafi pe atonu e manatu ua na o se

faafitauli mo le isi tagata. O le mea moni lava o lenei faafitauli o lo'o a'afia ai tatou alii ma tamaitai, ma e le o lava le tatou talanoaina.

I le tele o tausaga ua mavae, na ma faologo ai ma lo'u toalua i se tala anoa e masani ona ma faasoa atu i le ma fanau. O le tala e faatatau i se gata uogo na talosaga atu i se tamaitiiti and ave o ia i lugao le mauga e matamata i se la goto mulimuli ao lei pe le gata. Sa faalotolotolu le tama, ae na folafola atu e le gata uogo ia te ia o le totogi mo le tietie o le a le uina o ia. Ina ua uma lena tulaga, na ave ma le agalelei e le tamaitiiti le gata i le tumutumu o le mauga lea na la matamata faatasi ai i le goto o le la.

Ina ua uma ona ave le gata i le pito i lalo o le vanu, sa saunia e le tama se meaai mo ia lava ma se moega mo le po. I le taeao, na fesili ai le gata, "Faamolemole, tama laitiiti, pe e te toe ave a'u i lo'u fare? Ua oo mai nei le taimi ou te tuua ai lenei lalolagi, ma ou te fia foi i lo'u fare." Na lagona e le tamaitiiti sa saogalemu o ia ma sa tausisi le gata i lana upu, o lea na ia filifili ai o le a ia ave le gata i le fare e pei ona talosagaina.

Sa ia siina ma le faaeteete le gata, tuu i tafatafa o lona fatafata, ma toe aveina atu o ia i le toafa i lona fale e mate ai. A'o le'i tu'uina e ia le gata uogo i lalo, na faliu le gata uogo ma u lona fatafata. Na tagi le tamaitiiti ma togi le gata i le eleele. "Gata, aisea na e faia ai lena mea? O lea la o le a ou oti!" Na tilotilo a'e le gata uogo ia te ia ma ataata: "Na e iloa lo'u ituaiga ae na e siina a'u i luga."

I le lalolagi i aso nei, ou te vaai i le tele o mātua o tu'uina atu i a latou fanau se gata. O lea ou te talanoa atu i telefoni feavea'i [smartphones]. E le mafai ona tatou tuuina telefoni fe'avea'i e ola ai le initonet i lima o tamaiti laiti e le lava le matutua e a'oa'oina ai, e le o i ai ni mafuaaga tatau ma ni tomai e faia ai filifiliga, ma e le o i ai ni pule faamautua ma isi meafaigaluega e fesoasoani e puipuia i latou. Na ta'ua e Jason S. Carroll, o se polofesa o le olaga faaleaiga i le Iunivesite o Polika Iaga, "tatou te puipuia a tatou fanau sei oo i le taimi e mafai ona latou puipuia i latou lava." O le pogati o le faiai, lea o loo i ai fiafiaga autu o le faiai, e muamua lava ona faavaeina. E faatoa mulimuli ane ona atoatoa le tupu o le vaega i luma e faia faaiuga ma malosiaga e faia ai faaiuga. "O lea la, ua i ai i tamaiti le vae penisini e aunoa ma le vae taofi atoa."

O telefoni uma e tatau ona i ai ni puipuiga, e oo lava i le tupulaga'. O le fautuaga lelei lea mo tagata matutua. E leai se tasi e puipuia mai le u o se gata oona. O nisi matua e filifili mo telefoni susue mo a latou fanau e faatapulaaina ai le faaogaina i le valaauna ma le feau tusitusia.

E ese mai i telefoni feaveai e le mafaitaulia isi masini e mafai ona maua ai faasalalauga le manaomia i luga o le initonet. O se su'esu'ega talu ai nei na faaalia ai e 79 pasene o fa'ata'ita'iga o le fetaiai ai ma ponokalafi e faia i le fale.<sup>2</sup> E mafai ona fa'aalia e tamaiti i luga o tablets, telefoni feaveai, ta'aloga, DVD e mafai ona feaveai, ma le TV, na o le faailoaina o nai masini. Ou te iloa aiga ua filifilia se nofoaga e tasi, maualuga-fefaa'ataua'iga i totonu o lo latou fale lea e fa'aoga ai masini elettonika. E ta'ua e nei aiga o se

"potu o faasalalauga," ma o latou masini uma e teuina i se mea e iloa lelei atu, i le malamalama. E leai lava se taimi e i ai se tagata nao ia i le potu i luga o se masini faasalalau.

O isi aiga ua filifili mo tulafono e leai se telefoni i totonu o potu moe po o fale taele. O nisi e faapea mai, "Aua lava nei na o ia ma se telefoni." Ae o isi e faasolosolo malie lava ona maua le avanoa i fa'amatalaga e mafai ona fa'aaogaina e a latou fanau i le komepiuta e mafai ai e matua ona fa'atautaia telefoni a le tamaitiiti. O lenei auala latou te a'oa'o atu ai o le faatuatuaina e maua ma o le saogalemu i luga o telefoni e taua.

Po o le a lava le manaoga mo o tatou lava aiga, ia tatou aoao tagata tai-toatas i le aiga e faaaoga le tekinolosi ma le poto mai le amataga-ia atiina ae se mafaufau mama. Ia tatou a'oa'oina tamaiti i auala lelei e fa'aaoga ai tekinolosi mo le lelei. E mafai ona tatou aoaoina i latou e iloilo e ala i le fesili ifo ia i latou lava, "E i ai se faamoemoega lelei i le faaaogaina o lenei mea?" O tatou filifiliga i le auala tatou te aoao ai o tatou aiga i le taimi nei o le a aafia ai tupulaga o le lumana.

I le avea ai ma matua, ou te fa'amoemoe o le a tatou mafaufau i le taua o a tatou fegalegaleaiga ma a tatou fanau ma taumafaiga patino tatou te faia e puipui ai i latou. A'o tatou fa'amalosia nei fegalegaleaiga alofa, o le a sili atu ona malamalama tamaiti i le pogai ua lapatai mai ai le Atua i tulaga leaga o ponokalafi, o le a latou iloa le auala e aloese ai, ma o le a latou saunia pe a latou fetaia'i ai.

## 2 TALI: "OU TE ALOFA PEA IA TE OE"

O le fatuina o ni talanoaga fa'afeiloa'i, tatala, vala'aulia e fa'amalosia ai tamaiti e fa'aso o latou manatu, mea na tutupu, ma fesili ma o latou matua e le faigofie. E mafai ona tatou valaaulaina tamaiti mai vaitausaga uma e faailoa mai pe afai latou te atiina ae soo se tulaga o faafitauli ma ponokalafi mai le taimi muamua, e le'i fuafuaina e matamata i ai i le fai ma masani, i le ogaoga o le faaaogaina, ma le le mafai ona toe tuua. O le vave talanoaina e sili atu le lelei, ma o le a faigofie ona faailoa mai e tamaiti ma le mautinoa pe afai o latou lagonaina le alofa ma iloa e leai se mea e mafai ona latou tau mai pe faia o le a suaia ai lena alofa.

Ae seasea lava, ae ui i lea, e sau se tamaitiiti ma le lotomalie. E masani lava ona tupu pe a fa'amalosia e se mātua mataala se tamaitiiti, "E i ai se mea o tupu?" po'o le "E foliga mai e i ai se mea o mamafa ia te oe." O le tele o le alofa e lagona e le tamaitiiti, o le faigofie foi lea mo ia ona faasoai mai.

O lenei faamautinoaga o le alofa ua faavaeina io latou mafaufau mai aafiaga laiti e faia pea lava pea. O faafitauli laiti na talanoaina i se auala alofa e fausia ai se faavae o se tali maloloaina ina ia oo mai taimi faigata, o le a tatalaina pea fesootaiga. Ae sili ona taua, e iloa e tamaiti o lau tali o le,

“Ou te alofa pea ia te oe. Ou te le taofia lo’u alofa ia te oe ona ua tupu se mea. Ou te alofa pea ia te oe.”

Mo nisi mafua’aga, tatou te le talanoa tele i le autalavou ma tamaiti e uiga i se tasi o uunaiga sili ona malosi ma faaososoga sili atu o le a feagai ma i latou. O lo tatou mumusu e mafua ai ona a’oa’oina muamua i latou i luga o le initoneti, e isi tamaiti po’o talavou, po’o ni faasalalauga laulioa. O nisi oi tatou atonu e le fiafia e fa’aaogaina le upu *ponokalafi* i luma o tamaiti i se taumafaiga e puipuia lo latou mama. E lagona le maasiasi. Masalo e le’i faauteleina le talanoa mai a o tatou matua ma i tatou. Ae fa’apefea pe a fa’amatlosia e la tatou talanoaga le fialoa? Ae a pe afai latou te fia iloa atili? E fa’apefea ona tatou fa’amoemoe e talanoa mai a tatou fanau e uiga i ponokalafi pe a tatou le talanoa fa’atasi ma i latou?

Matua, e tatau ona tatou amataina le talanoaga ma ua nei faatali mo tamaiti e o mai ia i tatou. Ou te fiafia i le fautuaga o le faia o talanoaga faifai pea, masani, ma le to’o nai lo se mea e faa-tasi ona fai. O faamanuiaga o talanoaga alofa o matua ma taitai faatuatuaina o tagata atamai, ae le o Google; o le talanoa e mafai ona tupu i se siosiomaga saogalemu; ma le talanoa e faateleina ai le faatuatuaina o le tamaiti. Tatou te mananao i tamaiti ia lagona le saunia ma le fa’amatlosi, ae le o le fefe. Tatou te mananao e talanoa ma i latou ae le o ia i latou.

I le avea ai ma matua ma faiapoga, e le mafai ona tatou fesoasoani i fanau pe a tatou le aoaoina i tatou lava. Aoaoina po o le a ma pe aisea e taua tele. E mafai ona tatou a’oa’oina mo i tatou lava ma fesoasoani i tamaiti ia malamalamā i le mafuaaga e leaga ai le ponokalafi, aisea e matua lamatia ai, aisea tatou te le mananao ai e faatiga ia i latou, ma le mea e fai pe afai latou te fetaiai.

O tatou tuuina atu ea ia tatou fanau se mea e tatau ai pe aisea i auala e talafeagai ma tausaga? Afai na pau le mafuaaga tatou te tu’uina atu ai ia i latou e aloese mai ponokalafi o le “E leaga,” atonu e iu i le avea ma se mafuaaga le talafeagai. Nai lo lea, e tatau ona tatou tu’uina atu le tele o

mafuaaga e mafai ona tatou fa’atuina ai se taua o le amio mama e musuia mo o tatou talavou.

E tele mafua’aga e aloese ai mai ponokalafi, ae o nai mea nei mai le fa’alapotopotoga Tau le Fualau Oona Fou e mafai ona maua ai le fiafia o a tatou tupulaga talavou:

- E mafai e le ponokalafi ona suia ma toe uecaina lou fai’ai, ma o su’e-su’ega e fa’aliai ai e mafai foi ona faaititia ma le ola ai lou fiai.
- O le ponokalafi e mafai ona fai ma vaisu.
- O le ponokalafi o le a faaumatia lou lototele faaletagata lava ia.
- E mafai e le ponokalafi ona tuuatoatasi oe.
- E mafai e le ponokalafi ona faatiga i latou e te alofa i ai.
- E mafai e le ponokalafi ona faaleagaina ai feusuiga maloloina.
- O le ponokalafi e fesootai i sauaga.
- O le ponokalafi e i’u ai i le le faamaoni o tagata.
- O le ponokalafi o le a faoa lou taimi ma le malosi.
- O le ponokalafi e mafua ai le atuatuvale, popole, ma le maasiasi.

Ou te faaopoopo atu o ponokalafi e tetee i poloaiga a le Atua. Mai nei ma le anoanoai o isi mafuaaga, o lo’o tatou fausiaina le mataupu e faasaga i ponokalafi, ae o le malamalamā e aunoa ma le fa’atinoga e mafua ai le le fiafia. E tatau ona tatou faia ni tuaoi talafeagai ma fesoasoani, tapulaa, ma faamoemoega. O le fesoasoani i tamaiti e fatuina o latou lava mafaufauga i totonus mo le mana’o e taumamao mai le ponokalafi e taua. Afai e le filifili se tamaiti mo ia poo fea e tu ai i lenei mataupu, o le a avea o ia ma vaega o le fuainumera o le le mautonu o le taimi nei.

## 3

## FAAMALOLOGA: “O LE A OU ALOFA IA TE OE I TAIMI UMA”

Pe a aafia tamaiti i ponokalafi ma saisaitia ai, latou te tauivi e tali atu, toe faaleleia, ma faamaloloina. O le faamaoni, faatauanau, tumau, mausali, ma le onosai e mana’omia a’o faia e tamaiti le tiute mo lo latou toe fa’aleleia ma agai i luma. E leai se tasi e mafai ona tu’uina atu lenei ituaiga lagolago e pei ona faia e se matua. A mae’ a ona tatou a’oa’oina ma le fa’acteete e le tagata lava ia le mea moni, pe a uma ona tatou fausia ma le fa’acteete le fa’atuuaga ma fa’amatlosia talanoaga, ona tatau loa lea ona iloa e fanau e tusa lava pe o a latou mea sese ma filifiliga, o le tatou faamautinoaga, “O le a ou alofa ia te oe e tusa lava po o le a.”

Ou te manatua se mea faigofie na tupu i lo matou aiga i tausaga ua mavae. Sa ma o ese ma lo’u toalua mai le fale, ma o lo ma atalii ulumatua sa vaaia isi a ma fanau. Sa ma mauaina se valaau mai se tuaoi popole na lapatai mai ia i maua o se taavale fuimu o loo i ai i le matou fale. Sa ma faatopetope atu i le



Saili isi punaoa i le initonet i le overcoming pornography.Church ofJesusChrist.org.

fale ma iloa ai o lo ma atalii e 10-tausaga le matua sa taalo i tuafale i tafatafa o se malae o vao uumi mamago e ono-eka. Sa ia taumafai e vaai pe mafai ona ia amataina se afi i ni aloiafi.

E manino lava, na ia faia! I le taimi na ma tauuu atu ai, o le afi laitiiti na tapeina e le matagaluga o afi, na talanoa le au fuimu i le ma atalii, ma amata ona taape tuaoi. Na maasiasi lo ma atalii, fefe, loimata, ma na ia iloa lelei ua i ai se faafitauli.

Na matou o uma i totonus o le fale. Na matua fefe lava le ma tama, e ui lava e ogoga le tulaga, na pau lava le mea na mafai ona ma faia o le fusi o maua lima faataamilo i lenei atalii ma faamautinoa atu ia te ia lo maua alofa ma lo ma toomaga na le afaina ai o ia.

Pe a aafia tamaiti i ponokalafi aemaise lava pe a maua i latou i ona ave, o le a faamaasiaina i latou, fefe, ma loimata foi. E faigata ona ave se mea na i ai i le pogisa ma fa'aali atu i le malamalamala. E lagona le maasiasi ma le vaivai. Atonu e faatoilaloina ma luitauina i le ala ao latou toe faaleleia ma faamalolo. O lo latou manaomia mo le alofa e le aunoa e taua. Ae ui i lea, e tatau i matua ona nofounta o lo latou alofa o le a fesoasoani pea ae le na o le pau lea o le mea e mana'omia.

I le fa'amalologa, o le a mana'omia lou fa'aogaina o nisi o na alofa e te maua mo lau tama i le sailia o punaoa talafeagai e fesoasoani ai. O lou alofa o se fa'avae mo mea e mana'omia ona tupu, ae afai e saisaitia se tasi e te alofa i ai, atonu o le a mana'omia ona e saili ni tagata tomai faapitoa o e mafai ona fesoasoani i le e te alofa i ai ma fesoasoani foi ia te oe.

A o e sailia le faamalologa mo oe ma le pele ia oe, ou te faamoemoe o le a e maua le malosi i Lē o loo i ai le mana e faamalolo ai manua uma, fusua faatasu tagata, ma fatu ni sootaga e sili atu nai lo le tatou malosi i le taimi nei. O lo tatou Faaola, le Fomai Malosi, o loo i ai le mana e laveai ai. E mafai ona avea i tatou ma matua ia tatou fanau ma faasino atu ia te Ia, ae na o Ia lava e mafai ona avea ma o latou Faaola. Ma o le mea ofoofogia o le alofa o Ia ia tatou fanau e sili atu ona atoatoa nai lo tatou-e tusa lava po o le a. ■

*Mai se saunoaga autu na tuuina atu i le konafesi a Vaegatuifaatasi a Iuta e Faasaga i Ponokalafi i le Aai o Sate Leki, Iuta i le 2018.*

#### FAAMATALAGA

1. Jason S. Carroll, i le Lisa Ann Thomson, "Auula e Valu e Fesoasoani ai i Fanau ia Tetee Atu i Ponokalafi," *Liahona*, Aok.. 2017, 19.
2. "The Facts about Online Threats," *Parents Television Council Watchdog*, June 21, 2017, w2.parentstv.org/blog.

# Autalavou Matutua

## I Le Vaega Lenei

### 44 Tafaoga Faamasani ma Ponokalafi

Saunia e le aufagaluega a le Liahona ma Auaunaga mo Aiga

## Na o Polokalama Faaeletonika

O le Auala na Ou Aoao ai e Tali Atu Pe a Tautino Mai se Tasi o Loo Latou Tauivi ma Ponokalafi  
Ua taofia le igoa, luta, ISA

Agai i Luma i le maea ai ona Iloa le Faaogaina o le Ponokalafi e La'u Uo o ma Faamau  
Ua taofia le igoa, Farani Polenia

Sa Ou Tau ina ia Faatoilaloia Ponokalafi. Aisea o le a la Le Faia Ai?

Taofia le igoa, Kuatemala

Saili nei tusiga ma le tele:

- I le liahona. [ChurchofJesusChrist.org](http://ChurchofJesusChrist.org)
- I le **YA Weekly** (i lalo "Autalavou Matutua" i le vaega o le Gospel Library)
- I le [facebook.com/liahona](https://facebook.com/liahona)

## Faasoa Mai Lau Tala

E i ai ni au tala e faasoa mai? Pe e te manao e vaai i ni tusiga e uiga i ni mataupu faapitoa? E mafai ona e tuuina mai lau tusiga po o ou manatu i le **liahona .ChurchofJesusChrist.org**.

## Sailia o Keriso i luga o le Pogisa o Ponokalafi

I le fuafuaina o tala mo le autalavou matutua, matou te faaaluina le tele o le taimi e mafaufau ai i mataupu o loo feagai ma i latou i le taimi nei. E tele naua. Ae ao matou palepalealuga mo lenei masina, na taitaiina atu ai i se autu ua aafia ai i tatou lava, o tatou uo, ma isi e le mafaitaulia: tafaoga faamasani ma ponokalafi. Na matou iloa o le fuafuaina o lenei vaega o le a faigata. Aua, o ponokalafi e aafia ai le toatele o tagata i tulaga e nutimomoia ai loto, o nisi taimi e faaleagaina ai olaga. Ma mo talavou nofofua matutua, e mafai ona foliga mai e sili atu le le mautonu o le lumanai nai lo le mea ua i ai, aemaise lava i le sauniuni mo le faaipoipoga.

Natou vaiai moni lava le lima o le Tama Faalelagi o taitalaina a matou galuega ao matou amata ona mauaina tala mai le autalavou matutua o e na aafia a latou fegalegaleaiga i tusi ma ata mataga po o ponokalafi. Ma ua tatou iloa ai e sili atu nai lo na o se susulu o le faamoemoe mo ni faaipoipoga fiafia e faavavau, le saoloto mai vaisu. Aisea? Aua o tala taitasi uma e molimau i le suia o le olaga, mauaina o le faamoemoe, le mana faamalolo o lesu Keriso ma Lana Togiola.

O lea, afai e te maua oe i se sootaga o afaina i ponokalafi, matou te valaau-liaina oe e faitau i le vaega o lenei masina, faatasai ai ma tala na fa'amatalaina ma le faigata e isi tagata e sili atu le iloa e moni tauiviga e faasaga i ponokalafi. O nei tusiga e aofia ai mataupu e pei o le auala e aumai a i ponokalafi pe ae tafao faamasani ma pe faapefea ona talanoaina (itulau 44), pe fa'afefea ona tali atu pe a tautino mai e se tasi se tauiviga ma ponokalafi (na o le Faatekinolosi), pe mafai faapefea ona i ai le faamagaloga ma le faamalogia mo tagata uma (na o le Faatekinolosi), ma le auala e mafai ai e le Agaga ona ta'ita'i oe e iloa le auala e fa'aauau ai lau fegalegaleaiga (na o le Faatekinolosi),

Matou te iloa afai e te faalagolago i le Faaola ma valaaulaina le Agaga i lou olaga ao e sailia tali, o le a taitai oe e le Tama Faalelagi i le ala sa'o mo lou tulaga ese. O le pogisa o tusi ma ata mataga atonu e iloga i le lalolagi, ae o le malamalamo faamalolo a le Faaola e aveesea ai soo se pogisa. Pau lava le mea tatou te faia o le sailia lea o la.

Ma le faamaoni lava,  
Chakell Wardleigh ma Mindy Selu  
Mekasini a le Ekalesia vaega faatonu o talavou matutua

Faitau le fautuaga a Peresitene M. Russell Ballard e uiga i le mea e fai pe a aafia lau sootaga o tafaoga faamasani i ponokalafi i lana tusiga i le lomiga faatekinolosi o le *Liahona* mo lenei masina.



ATA PUE MALE GETTY IMAGES, FAAOGAINA MO FAAMOEMOE GA TAU-FAAAVATALAGA, NA FAIA E TAGATA FA GALUEGA (MODELS)

AUTALAVOU MATUTUA

---



# Tafaoga Faamasani ma Ponokalafi

## Saunia e le aufaigaluega o le *Liahona* ma le Tautua mo Aiga

le avea ai ma talavou matutua, ua tatou iloa uma o tafaoga faamasani e mafai ona manaia, taufaafefe, faamalieina, ma faipopole tagata i le taimi lava e tasi. A o amata ona talatalanoa le tasi ma le isi, e masani lava ona tatou mananao ia iloa atili e le tasi le isi, ma o le faateleina o le tulaga vaivai e taua i le fausiaina ma le faamauaaina o fegalegaleaiga. O a ni o tatou miti, mea tatou te fefefe ai, ma talitonuga? E faapefea o tatou lagona e uiga i le faaipoipoga ma le aiga? O a luitau na feagai ma i tatou i le taimi ua tuanai pe o le taimi nei e tatau ona tatou fefaaosa'i ai ma isi?

E pei o le fefe e talanoa (pe fesili atu) e uiga i ni faafitalui i ponokalafi atonu o le /e/ talanoa e uiga i ai e mafai ona taitai atu ai i le lofituina i faafitalui mulimuli ane. O faafitalui taitasi i

ponokalafi e tulaga ese ma luitauina, ma e atonu e te le iloaina lava o se faafitalui pe e faapefea ona tauina atu i le tagata o lua tafafao faamasani, o lea e taua ai le saili o le taitaiga mai le Agaga. E le o i ai se vaifofo e tasi mo tulaga uma, ae i le tusiga lenei, matou te ofoina atu ni fautuaga mo outou atonu o loo mafaufau faapea:

- E mafai faapefea ona ou tauina atu le matapu o le ponokalafi i le tagata o ou tafao faamasani i ai? Ma pe o le a le taimi e talafeagai ai ona fesili/ta'u atu?
- E mafai faapefea ona ou iloa pe e tatau ona ou agai i luma i se faigauo ma se tasi o loo i ai se talaaga o le faaaogaina o ponokalafi?
- E faapefea ona tatou galulue faatasi i le faatoilaloina o ponokalafi?

Fesoasoani ma le faamoemoe i le taulimaina o ponokalafi i fegalegaleaiga tau-tafaoga faamasani.

Faamatlagaga a le faatonu: Ona o le "tafaoga faamasani" e eseese uiga i aganuu eseese, mo faamoemoega o lenei tusiga, o loo matou faatatau i le tafao faamasani, i totolu o tulaga faatonuina o le talalelei, ina ia mafai ona faamasani i se tagata, ma atiina ae ai se fegalegaleaiga ma i laua e faamoe-moe e mafai ona oo atu ai i se faaipoipoga.



## Mo I Latou O E Na Tauivi pe o Tauivi Foi

Afai sa e tauivi ma ponokalafi i le taimi ua tua-nai pe o loo e tauivi pea, o le manatu i tafaoga faamasani e mafai ona aumaia ia te oe se lagona o le leai o se faamoe-moe po o le atuatuvale. Ae afai e ia te oe se manao faamaoni e aveese ponokalafi mai lou olaga (pe ua uma ona aveese), ia iloa i au lava taumafaiga ma le fesoasoani mai a le Tama Faalelagi ma lesu Keriso, e i ai se faamoemoe o se fegalega-leaiga maloloina, ma le tumau mo oe. Mafaufau i fesili nei a o e tulimataia se fegalegaleaiga.


### 1. E Manaomia Ona Tatou Tala-noa E Uiga i Ai?

O se fesili masani, "E manaomia ona faasoa atu lo'u talaaga o le faaaogaina o ponokalafi i le tagata ou te tafao faamasani ai, e tusa lava pe ua ou salamo ai?" Po o le "E manaomia ona ou talanoa e uiga i faafitauli i le taimi nei ma ponokalafi i le tagata ou te tafao faamasani i ai?" E masani lava, e manaomia ona talanoaina—i le taimi sao

ma i se auala maaleale. A o e i ai i le talanoaga lenei, ia manatua ni nai mataupu faavae taua:

- Taimi—E tatau ona faia lenei talanoaga pe afai ua agai atu le faigau i se tulaga ogaoga e ono manaomia ai.
- Faamaoni—E tatau ona faavae ia faigau i luga o le faatuatuaina ma le faamaoni. E ui lava o le tagata o lua tafafao faamasani e ono filifili e faauma le faigau/sootaga, e tatau ona latou malamalama i le natura o le faafitauli, o lou tulaga alualu i luma i le taimi nei i le talanoaina, ma lau fuafuaga mo le taulimaina pe afai e toe tulai mai i le lumanai.
- Faamagaloga—O le faamaoni e uiga i lou faaaogaina o ponokalafi ma le tagata o lo'o e tafao faamasani ai e le faapea e tatau ona e faamatala auiliili atu ni faamatalaga pe a talanoaina. Afai ua e salamo ma lagonaina ua faamagaloina oe, e le tatau ona e toe lagona le tausalaina. E le manatua e le Alii a tatou agasala pe a tatou salamo i ai (tagai i le Mataupu Faavae ma Feagaiga 58:42), o la oulua talanoaga ma le tagata o lo'o e tafao faamasani ai e le o se "ta'uta'u atu" ae e faatatau i le fausiaina o le fa'atuatuaina, fa'asoaina atu o au fuafuaga mo le fa'aauauina pea o le toe faaleleia, ma le mauaina o la latou lagolago.
- Faamalologa—E tusa lava pe na e salamo, o le faaumi po o le malosi o le faaaogaina o ponokalafi e mafai ona maua ai ni aafiaga tumau faale-mafaufau, faale-agafesootai, ma le faaleagaga. O le faagasologa o le faamalologa e mafai ona avea ma se galuega faigata ma umi se taimi, ae o le toe malosi atoatoa ma le faamalologa moni e mafai. E ala i lena faagasologa, o le a e mana'omia le fesoasoani ma le lagolago talafeagai, lea e tatau ona aofia ai lou toalua faaolioli.

### 2. Ua Ou Sauni mo se Fegalegaleaiga Vavalalata?



O se tasi o eseesega e sili ona telē i le va o se tasi ua sauni mo se fegalegaleaiga vavalalata ma se tasi e le o i ai so latou nau-nautaiga e faamanino vaega uma ma le tagata o latou tafafao faamasani. Afai o e tauivi ma ponokalafi, e mafai ona e faatagaina le fefe e ave le lua fegalegaleaiga i se tulaga o le le talitonuina pe faaaoga le fa'atuatua e taulimaina faatasi ai luitau.

E ui lava e mafai ona le lagolelei ma taufaafefe le faasoa atu o lou talaaga ma ponokalafi, o le aloese mai ai atonu e faateleina ai ou lagona o le fefe ma le maasiasi. O lou fefe i le leiloa atu o lena tagata atonu o le a mafua ai ona e faafititia pe aloese mai le faasoaina atu



## Mo i Latou O Loo Tafafao Faamasani Ma Se Tasi Sa Tauivi

Talu ai o le averesi o tausaga o le muai aafia i ponokalafi pe a ma le 11 tausaga ma e matuai faigofie lava ona mauaina, o le toatele o tagata talavou ua aafia i ponokalafi i nisi o auala i le 18 tausaga. E mafai ona faapopoleina lenei mea pe a faatatau i tulaga o le tafafao faamasani. Ae o le aafia e le tutusa ma le avea ma vaisu, ma e eseese tulaga o le a'afiaga ma ponokalafi (tagai i le Dallin H. Oaks, o le "Toe Faaleleia mai le Mailei o Ponokalafi," *Liahona*, Oke. 2015, 50–55). O le tala fiafia e faapea o le Togiola a lesu Keriso e mafai ona maua ai le malosi ma le faamalologa mo latou uma o e saili atu i ai. O nisi nei o fesili e mafaufau i ai a o faagasolo a outou fegalegaleaiga.

o le tala atoa, lea e mafai ona motusia ai le faatuatuaina ma faatamaia ai le lua fegalegaleaiga po o mafutaga i se taimi mulimuli ane.

I le isi itu, pe a e faaaloalo i le faitalia a le tagata o lo'o e tafao faamasani ai, o le a e fa'aaloalo i la latou filifiliga e tumau ai i le fegalegaleaiga po o faigauo i le iloa uma o *le lelei ma le leaga*. Atonu lava o loo e fefe i le taunuuga, ae e taua le iloaina o lena mea, i le tu'uina atu lea o fa'amatalaga uma, e mafai ona fesoasoani le isi tagata ia te oe i au taumafaiga ma le manao e aveese ponokalafi mai lou olaga. Ae e tusa lava po o lelei pe le lelei le fegalegaleaiga, o le i ai o le fesoasoani a le Atua, e mafai ai ona e faaauau i le ala o le toe faaleleia.

### 1. O Afea ma e Faapefea ona Ou Fesili atu e Uiga i Ponokalafi?

O le filifiliga po o le a le taimi ma le auala e talanoaina ai lenei mea ma le tagata o lo'o e tafao faamasani ai atonu o se mea e talanoa ai ma ou matua, uso/tuafafine matutua, taitai o le Eklesia, po o soo se tasi lava e te faatuatuaina e tuuina atu ni fautuaga lelei. Saili se auala e te lagona e sao mo oe ona fai lea o lena talanoaga i le taimi e tatau ai, pe a oo ina lua matua vavalalata lava i le lua faigauo.

E le o faapea atu e tatau ona e amataina se tafaoga faamasani ma se auiliiliga i ni vaega ua tuanai o latou olaga, ae ao agai i luma le lua fegalegaleaiga, e mafai ona e sailia le musumusuga a le Agaga e fesoasoani ia te oe ia iloa ai pe faapefea ma po o le a le taimi e fesili atu ai e uiga i o latou talaaga ma ponokalafi.

### 2. E Faapefea Ona Ou Tali Atu?

Pe a amata ona faafesoaii lua lagona faamaoni ma le tagata o e tafao faamasani i ai, e mafai ona aumaia le faamalologa. E taua le nofouta i ou lava manatu ma lagona ao faailoa mai le faaaogaina o ponokalafi—e ono mafua ai ona e faitio, ita, le lagonaina se mea, po o le lagona o le faaseseina. Ae i le taimi lava lea e tasi, o lo latou faailoaina atu e mafai foi ona faateleina ai le faatuatuaina, agaalofa, alofa, ma le alofa tiga i le lua va. Mafaufau io latou lagona faapea foi ma ou lava lagona ao e tali atu.



### 3. E Faapefea Ona Ou Agai i Luma?

O le iloaina o le tagata o lua tafafao faamasani o loo tauivi ma ponokalafi o se mafuaaga e popole ai, ae aua nei fa'alataina lo latou fa'atuatuaga e ala i le fefa'asoaa'i atu o o latou tauiviga patino ma isi tagata. Talanoa faalilolilo i se epikopo po o se fomai o le mafaufau, pe, faatasi ai ma le faatagaga a le tagata o lo'o e tafao faamasani ai, o se uo po o se taitai faatuatuaina e mafai foi ona fesoasoani.

Pe a filifili pe tatau pe le tatau ona faaaauauina le fegalegaleaiga po o faigauo, e tatau ona e faaaauau pea ona sailia le taitaiga mai le Agaga. Ae o fautuaga nei e mafai foi ona aoga:

- Fesili atu ia i latou po o le a le telē o aafiaga o le ponokalafi i o latou olaga ma le tulaga o i ai i le faagasologa o le faamalologa. E tatau ona faaalia lo latou naunau e aveesea ponokalafi mai o latou olaga e ala i le faia o soo se faatinoga talafeagai tatau ai.
- Ia iloa o nisi o ituaiga o le faaaogaina o ponokalafi (mo se faataitaiga, o ponokalafi o aofia ai tamaiti) o ni faailoilo autu ia o loo manaomia e le tagata se fesoasoani faapolofesa ma atonu e le saogalemu.
- Ia iloa e moni le mana o le Togiola a le Faaola. E mafai ona e faamagalo atu, ma e mafai ona faamaloloina i latou.
- Filifili nei e te le taliaina se mea e itiiti ifo ma le faamaoni atoatoa i le lua fegalegaleaiga po o faigauo atoa ai ma le agavaa e faaipoipo i le malumalu.



- Ia malamalama o le faamalologa ma le toe faaleleia o le a tele le taimi e alu ai. O le toe foi i tua e mafai ona tupu, ma oi latou o lo'o taumafai e toe fa'aleleia o le a mana'omia le lagolago. E aofia ai le malamalama i vaega taufaaososo ia i latou (o mea e ono mafua ai ona liliu atu i ponokalafi) ma lagolagoina po o se fesoasoani i le faatuina o puipuiga talafeagai.
- Afai o le lua fegalegaleaiga o loo alualu i luma e agai i se faaipoipoga, ia mautinoa ua lua malilie uma e le taliaina ponokalafi ma e le atagia ai se sootaga feusuai maloloina faale-faaipoipoga.

O le vaega aupito taua o le agai i luma o le faalagolago i uunaiga e uunaia ai oe e le Agaga Paia e fai, lea e mafai ona avea ma soo se mea mai le faaaauauina o le fegalegaleaiga ma se malamalamaaga e faapea e tatau ona taofia le faaaogaina o ponokalafi e faamutaina le fegalegaleaiga ae faaaauau pea ona lagolagoina a latou taumafaiga ina ia suia. Po o le a lava le mea e te filifili i ai, e tatau ona malamalama le tagata o lua tafafao faamasani e mafai ona tutupu suiga e fuafua lea i lo latou alualu i luma po o le leai o se alualu i luma i le faatoilaloina o ponokalafi.

## O Le Galulue Faatasi i le Faatoilaloina o Ponokalafi

O le faatoilaloina o ponokalafi e mafai ona umi se taimi ma o se galuega faigata, ae e mafai. Ma le mea mulimuli, o le galulue faatasi i le faatoilaloina e mafai ona faamalosia ai le lua fegalegaleaiga ao lua mauaina uma se malamalama loloto atu i le Togiola a lesu Keriso ma aaoe e lagolago e le tasi le isi i taimi faigata. Mafau-fau i mea nei a o lua galulue e faatoilaloina faatasi:

- O le itulau uepi a le Ekalesia **overcoming pornography.ChurchofJesusChrist.org** o loo ofoina atu le tele o punaoa (e aofia ai faamatalaga e uiga i le polokalama o le toe faaleleia o mea ua fai ma vaisu a le Ekalesia) lea e mafai ona fesoasoani i a oulua uma e faatautaia lenei faagasologa o le faamalologa.
- Mafau-fau ia i ai se nofoaga ma se taimi patino e talanoa ai i ponokalafi ina ia le avea ma taulaiga o la oulua fegalegaleaiga po o faigauo. Pe a e talanoa e uiga i ai, aua e te tau faaleaga pe vaai mau-lalo. E tatau ona avea le lua fegalegaleaiga ma se nofoaga saogalemu lea e mafai ona lua lagonaina uma ai le alofagia ma le lagolagoina, e le o le sue-sueina po o le faalumaina.
- O faatinoga faaleagaga e mafai ona fesoasoani e tuuina atu ai se puipuiga e tetee atu ai i faaosoosoga. Ia faamalosiau atu i le tasi ma le isi e faatumau ai ma faamalosia ai ni uiga masani faale-agaga—e aofia ai suesuega anoa o tusitusiga paia ma tapuaiga i le malumalu (pe a mafai), tausia o le aso Sapati, auauna atu i isi, anapogi soo, ma le tatalo faamaoni—faatasi ai ma se manao faatele-ina e faamalosia le lua fegalegaleaiga ma le Faaola ma le Tama Faalelagi. E mafai ona fesoasoani lena fegalegaleaiga e faaitiitia ai le uuina e ponokalafi o outou olaga. O le avea ma soo o se sailiga i le

olaga atoa, ma o le malosi tatou te maua i le avea ai ma soo o Keriso o le a fesoasoani ia i tatou e faatoilaloina o tatou luitau uma i le olaga, e le na o ponokalafi.

- Afai e le o manua au lava taumafaiga, aua e te fefe pe maasisi e saili le fesoasoani a se tagata tomai faapitoa i le soifua maloloina o le mafau-fau na aotauina i le eria o le avea o feusuiga ma vaisu. Atonu latou te mafai ona fesoasoani ia te oe ia maua atili le malamalama i le togafitiina o ponokalafi ma le fofoina o ona mafuaaga autu.
- Ia manatua ua siomia i tatou e ala i faasalalauga e le talafeagai e faaosoosoina ai i tatou e fai le agasala. Afai e toe foi i tua le tagata o lua tafafao faamasani, o le vave ona latou toe foi mai i le ala o se faailoilo lelei lea o a latou tautinoga e aveese ponokalafi mai o latou olaga. Ae afai e amata ona e lagona ua sili atu le faaosofia o oe e vaai i suiga nai lo i latou, e tatau ona e toe mafau-fau pe faaau-au pea le lua tafaoga faamasani.
- O lau faatosinaga i le tagata o lua tafafao faamasani e mafai ona matua malosi, ae e le tatau ona avea ma pogai autu mo le suiga o a latou amio. O lo latou naunau e sui e sau mai i totolu, e le mai ia te oe.

Ae o le mea e sili ona taua, ia saili le taitaiga mai le Tama Faalelagi ma ia manatua o loo i ai lava le faamoemoe e ala atu i le Faaola. O Lona alofa tunoa ua lava lea e faamalolo ma suia ai i tatou. Ua avanoa Lana Togiola mo oulua uma e tuuina atu ai ia te oe le malosi ma fesoasoani ia te oe e faamagalo ai. Ae ui i lea, o le tagata o loo tauivi ma ponokalafi e manao-mia lona saili ma le malosi i le fesoasoani a le Faaola e faatoilalo ai. E leai se isi tagata e mafai ona faia mo ia. Ia faatuatuaina, ma faalagolago i le Tama Faalelagi. O le a ia taialaina oe i lou tulaga uigaese. ■



## O telefoni feaveai e taugata i Chile,

ae na ou faatuina se sini i le 2016 ina ia lava se tupe e faatau ai se telefoni. Mo le tausaga atoa, na ou faatauina atoatoa lole ma *alfajores*\* ma faatau atu i a'u uo i le aoga. Na ou sefeina tupe uma na ou mauaina. Ou te le'i alu i ni faleaiga e 'ai ai, ma ou te le'i alu foi i le tifaga.

Ou te le'i fia fesili i o'u matua mo se telefoni. Sa ou manao ina ia mafai ona ou fai atu sa ou mauaina lava e a'u. Sa faamalosiau mai lo'u tama. "Tumau ai pea, Carol," o lana tala lea.

Sa ou aaoaina ni mea se tele. E leai se mea e maua fua. O sini e manaomia ai le taumafai, ae e le tatau lava ona tatou fiu. A tatou maua ni mea ma iloa le tele o galuega e faia e maua ai, o le a sili atu ona tatou faatauina i latou.

Na ou iloa e tatau ona ou filifili po o le a le mea ou te manao e ausia ma le mea ou te fia alu i ai. Pe afai ou te fia faaipoipo i totonu o le malumalu, e tatau ona ou alu i le lotu ma seminare ma mulimuli ane i le inisitituti ma gaoioiga mo talavou nofofua matutua. Ma e manaomia ona ou tafao faamasani i alii talavou agavaa. O le ausiaaina o sini e mana'omia ai le ositaaulaga i le taimi nei mo se mea lelei mulimuli ane.

**Carol,** 15, Chile

\*O se kuki faaleaganuu a Amerika i Saute.



# AUTALAVOU

## I LE VAEGA LENEI



52

### 52 Mai Tagata Saua i Tagata Papatisoina

Saunia e Elder Hugo Montoya

### 54 Tofi Paia

Saunia e Emma C.

### 56 Uo na Faasoaina lo Latou Malamalama ma A'u

Saunia e Mariana M. Lara

### 58 Le Fefe e Faasoa Atu le Upumoni

Saunia e Michael R. Morris

### 62 Fesili & Tali

### 64 O le Upu Mulimuli: O Le Maa Tulimanu Autu o Lo Tatou Faatuatuaga

Saunia e Peresitene Gordon B. Hinckley

**I**na ua 17 o'u tausaga, sa ou feagai ma unaiga mamafa a tupulaga i la'u aoga mauluga. O uo na ou mauaina e le'i tutusa ma ou tulaga faatauaina. Sa matou auai ma a'u uo i le tele o gaoioiga talafeagai e pei o le taaalo pasiketipolo po o le soka. Ae na latou inuina foi ava malosi ma ulaula—gaoioiga e lua ou te le faia faatasi ma i latou.

I se tasi aso, o se vaega o i matou sa le aooga aua le suesuega mo se suega e faia mulimuli ane i lena aso. Na faatasi ma a'u a'u uo sili e toalua, o Juan ma Francisco (ua suia igoa). I se tasi taimi, na aumai ai e se tasi i fafo afi ma sikaleti. Sa ou manatu na le maua e a'u uo se fiafia i le suesue ma ua galo ai sa ou i ai iina. Na ou iloa sa ou sese ina ua la liliu mai ia te au ma fai mai, "O le taimi lenei mo Hugo e aoao ai le ulaula."

Ae ou te lei maua le avanoa e tali atu ai, na oso mai ia Juan ma Francisco ia te au ma taofi o'u lima, taitoatasi i le itu. Sa la uu o'u lima i lalo ao tuu e se tasi se sikaleti i le va o o'u laugutu. Na vave ona teena e lo'u tino lenei mea, ma na ou feanuina le sikaleti i luga o le eleele, mamao mai



# MAI TAGATA SAUA / TAGATA PAPATISOINA



**Saunia e Elder Hugo Montoya**

O le Fitugafulu

ia te au. E le'i leva, ae ou lagona le pao o se moto a o pa tonu lava i lo'u alafau. Na la faamata'u mai ia te a'u, ma fai mai, "O le a ma toe tutuina le sikaleti, ma o le a e a'oa'e ulaula. Aua e te togia i luga o le eleele. A e faia, o le a le sologa lelei mea uma."

I lena taimi, sa ou iloa sa ou i ai i se faafitauli. Na moeiini o'u mata ma fai se tatalo vave ma ole atu mo soo se ituaiga fesoasoani. O le taimi lava na uma ai la'u tatalo, na sau ai le taavale a lo matou faiaoga ma tu latalata mai ia i matou. Na oso mai i fafo o le taavale lo matou faiaoga ma fesili po o a matou mea o fai. Sa faamamulu a'u e a'u uo. "O loo matou sauni mo le suega," o le la faamautinoa atu lea i le faiaoga. Na matou o i le a'oga ma su'e le su'ega, ma uma ai ma lea tulaga.

E ui i le faigata o lena aafiaga, ae na ou faamagalo atu i a'u uo mo le mea na la faia. Na ou iloaina la te le'i malamalama i o'u tulaga faatonuina ma la'u faaifiuga e ola i le Upu o le Poto, o lea na ou faamagalo ai i laua ma filifili e aua nei i ai ni ou lagona leaga ia i laua. Ina ua uma a matou aoga, sa ou alu i la'u misiona ae sa faaaau pe a fesootai ma Juan ma Francisco. Sa ou tusia soo ni tusi ia i laua e masani ona faasoa atu i ai le talalelei ma la'u molimau ia lesu Keriso. Sa ou valaauliaina i laua ia salamo ma auai i le lotu. I lo'u te'i tele, na alu moni lava se tasi o i laua.

Sa masani ona ou valaauliaina a'u uo i sauniga lotu i Aso Sa i le taimi muamua,

ae leai se tasi na taliaina seia oo i le taimi nei. E ui lava e le mafai ona ou auai ma Juan, ae o o'u uso ma lo'u tama sa i ai iina

le Alii ia te a'u e fai ma Juan ma Francisco. Ona o lena mea, ua ia te a'u uo sili e lua ua ou iloaina, ma o lea ua matou galulue

*O au faauoga ma faataitaiga amiontonu o le a faamanuiaina ai au uo ma tupulaga a sau.*

e fesoasoani ia te ia ma faaaumeaina o ia. Sa taliaina o ia e lo'u aiga, ma na lagona e Juan le mafanafana i le lotu. Sa amata ona ia faia ni suiga laiti seia oo ina ia faia le faaiuga e papatiso. Sa ou fiafia mo ia ma sili atu le fiafia ina ua ia ta'u mai ia te a'u ua ia aoao e alofa ia lesu Keriso ona o a'u tusi. Ina ua ou foi mai i le fale mai la'u misiona, sa ou latalata foi ia Francisco, ma ina ua mavae sina taimi, na papati-soina foi o ia ma lona faletua. I le aso, o Juan ma Francisco o loo avea pea ma a'u uo sili e toalua.

O nei mea na tutupu na faailogaina ai lo'u olaga. Sa ou aoaoina o le auala sili e uunaia ai olaga o le ola amiontonu, alofa i isi, ma aapa atu. O loo fai mai le tamaitusi o le Mo le Malosi o le Autalavou, "Ina ia maua ni uo lelei, ia avea ma se uo lelei. Faaali atu le fiafia moni i isi; ataata ma faailoa atu ia i latou e te popole mo i latou."<sup>1</sup> O le mea lenei na fesoasoani mai

faatasi e lagolagoina le malo o le Atua o ni tagata o le Ekalesia.

Ia tausisia pea tulaga faatonuina o le Ekalesia, tusa lava pe o e i ai i se tulaga faigata tele e pei o au. Ua faatonu mai e le Mo le Malosi o le Autalavou, "A o e saili e avea ma se uo lelei i isi, aua nei fetuunaia ou tulaga faatonuina. "Afai e uunai oe e au uo e faia mea e sese, ia avea oe ma tagata e tu atu mo le mea sao."<sup>2</sup> E tusa lava pe foliga mai o lo'o faia e isi tagata mea e feteenai ma poloaiga, ia tumau malosi aua o lau fa'ata'ita'iga e mamana. Ia avea ma se faataitaiga e mafai ona mafaufau i ai au uo i taimi o latou manaoga. I nisi tulaga e pei o a'u, o lau faauoga atonu o le mea lea e fesoasoani latou te aoao ai, salamo, ma liua ai. ■

#### **FAAMATALAGA**

1. *Mo Le Malosi o le Autalavou* (2011), 16.
2. *Mo Le Malosi o le Autalavou* 16.

# Tofi Paia

*O la'u uo e masani ona fiafia i taimi uma. O le a se mea o ono mafai ona faalavelave ia te ia?*

**Saunia e Emma C.**

**O**u te sau mai Farani, ae sa ma faaaluina ma lo'u uso se tausaga i le itu i sasae o le lunaite Setete e fai ma tamaiti aoga fesuiai. I lena taimi, matou te feiloi ai i le toatele o tagata, ae o le tasi na sili ona tele lana uunaiga ia te a'u, o se teine e igoa ia Destiny. Sa avea o ia ma se tasi o a'u uo mamae. Sa ma faia faatasi ituaiga gaoioiga eseese uma, i le a'oga ma le tuua o le a'oga ma faatasi ma lo'u uso. Sa fiafia Destiny i taimi uma. O le tulaga sili lena ou te fiafia ai ia te ia.

Ona oo lea i se tasi aso sa ou vaai ia te ia i se lagona atuatuvale ou te le'i vaai muamua ai ia te ia. Sa ou fesili ia te ia po o le a le mea ua tupu. Fai mai o ia e le manao e talanoa i ai. Ona ou matauina lea o se pepa i lona lima. Sa ou aveina ma fatauina.

Sa tusia e se tasi ni mea mataga ia te ia. O le faamatalaga e le mailoa na fai mai o ia e auleaga, e leai se tasi e fiafia ia te ia, o ia e le i ai sona faamoe-moe mo le ola ai, ma e tatau ona alu e fasioti ia lava. Ou te le mafai ona talitonu i se tasi e pei o ia e mafai ona osofaia faapena. Na matua aafia ai a'u i le iloa o le tiga o loo feagai ma ia.

Mai lava i lena taimi, sa ou faia ai se taumafaiga sili atu e avea ma uo a Destiny—e le na o le

faaaluina o taimi faatasi ma ia, ae ia i ai pea iina mo ia, aemaise lava ia faamaoni. Sa ou faamatala atu ia te ia o ia o se afafine o le Atua, ua faamanuiaina i se natura paia, agavaa mo le faamemelo ma le mafai ona faia mea silisili.

E faigata le taumafai e alofa ia te oe lava ia pe a leaga le faiga o oe e isi ma faitioina oe. A o ou faauo ia Destiny, sa ou aoaoina o nisi taimi o le auala sili e fesoasoani ai i isi o le alofa ia i latou ma fesoasoani ia latou iloa po o ai moni i latou.

I le faaiuga o le tausaga, ina ua ou toe foi atu i Farani, na ta'u mai e Destiny ia te au se mea o le a ou teuina i taimi uma. "Emma," na fai mai ai o ia, "ha e sefeina a'u. Ae e te le'i sau, sa ou mana'o e fasioti a'u lava. Ae o oe ma lou uso na fesoasoani tele ia te a'u, e ala i le alofa. O le aso ua ou alofa ia te a'u lava, ma ou te alofa ia te oe."

E tele tamaiti i le a'oga latou te onosaia le sauaga, o ē agaleagaina pe vavae ese. Saili se auala e aapa atu ai ia i latou. Talanoa atu ia i latou, mafaufau e uiga ia i latou, ia agalelei ia i latou. O le mea lea o le a faia e le Faaola, ma o nisi taimi o se faamalo faigofie po o se ataata e mafai ona suia mea uma. ■

*E alala le tusitala i Farani.*



**Saunia e Mariana M. Lara**

**S**a ma nonofo faatasi ma lo'u tina i se tamai aai i Mekisiko lea e iloa ai e tagata uma le tasi ma le isi. Sa ou iloa le sa'o mai le sese, ae sa ou le mautonu ma na o au le tamaitai talavou malosi i le aai atoa.

Sa ou manao ia ou pei o isi tagata, o lea na ou faia ai le mea e tasi na foliga mai e fetaui i lena taimi: fai se uo tama. Na o le tasi lenei o uluai mea sese na amata ona ou faia. Na amata ona ou gauai atu i faatosinaga a tupulaga ma ou talitonu ua lava lo'u matua e mafaufau ai mo au lava ia, o lona uiga ua avea ma se tamaitai talavou le toaga sa nofo i le pogisa.

Sa ou nofo i le pogisa mo le tausaga, ma o aso uma na amata ona pogisa atili. O au filifiliga le lelei na mafua ai finauga ma lo'u aiga, ma na ou iloaina ai e le mafai ona ou nofo faatasi pea ma i latou. Ae a na le i ai le maliu a se uo mamae o le Au Paia o Aso e Gata Ai na ou iloa ai e i ai se mea o misi. Ae paga lea, na ou tuuaia le Atua ma le talalelei. Na ou le toe talitonu o faamanuiaga na maua mai le usiusitai. Sa ou iloaina afai ou te le filifili e amata ola i le talalelei, o le a faaauau pea ona ou le amanaiaina la'u sootaga ma le Ekalesia ma tumau ai pea i se olaga faalelalolagi.

Sa ou nofonofo i luga o lo'u moega i totonus o se potu pogisa, tagi ma lagona le faanoanoa mo a'u lava ina ua ou iloaina ua ou fefe—fefe i le i ai na o au e leai se tasi e talanoa i ai, fefe i le le mafai ona toe faaleleia uma sese na ou faia, fefe ne'i leai se tasi e faamagaloina a'u, ae maise lava le Atua.

Mulimuli ane, sa ou siitia atu i Minnesota, ISA, ma ou matua matutua, o e le auai i le Ekalesia. Sa lele faatasi lo'u tāmā-fai ma au, ma o lo'u Aso Sa muamua iina, na ma o ai i le lotu, ae na



# UO Na FAASOAINA lo Latou MALAMALAMA

ma A'u

o le sauniga faamanatuga. E oo atu i le faaiuga o le sauniga, ua uma ona ou filifili e tuua le Eklesia, ae i lou te'i, i le taimi lava na ma o ai i le taavale, na ma vaaia le epikopo o tamoe mai e pue i maua. Sa ia fesili mai ia i maua ni nai fesili ma valaulia i maua e toe foi mai i le Aso Sa na sosoo ai—na ma faia.

O le Aso Sa na sosoo ai, o le taimi lava na tuua ai le sauniga faamanatuga, ae ou te le'i tu i luga, sa siomia a'u e tamaitai talavou mai le uarota—o tamaitai talavou o le a fesoasoani ia te au e suia lo'u olaga.

Na faafuasei lava ona ou ulu atu i se lalolagi e matuai ese lava: o se lalolagi e i ai se epikopo ma se peresitene o Tamaitai Talavou e popole ia te au ma, o le mea sili, o tamaitai talavou o e na taumafai e ola i le talalelei i aso uma, o e taumafai e ola i tulaga maualuluga ma tutu mo le mea sao. Sa latou susulu tele lea na mafai ai ona latou faamalamalamaina le ala i o'u luma.

O le taimi lena na ou iloa ai le mea e tatau ona ou faia: "la faapea na pupula atu [lo'u] malamalamama i luma o tagata, ina ia latou iloa [a'u] amio lelei, latou te vivii atu ai i [lo'u] Tama o i le lagi." (tagai Mataio 5:16). Ma o lea sa amata ai ona ou alu i le lotu ma le Mutuale i vaiaso

uma, faitauina o le Tusi a Mamona ma tatalo i aso uma, ofu i ofu talafeagai, faaaoga gagana e sili atu ona lelei, alu i le malumalu, ma saunia au lava e maua lo'u faamanuiaga faapeteriaka.

Sa suia au ma le atoatoa, ae ou te le'i iloaina seja oo i le Tolauapiga a Tamaitai Talavou, ina ua ou lagonaina le Agaga Paia ma iloa ai e i ai sa'u molimau—o se molimau e faamanatu mai ai ia te au e alofa le Atua ia te a'u, e i ai Lana fuafuaga mo a'u, ma e le finagalo o la ia ou nofo toatas. O se molimau e matua malamalamama ma malosi na suia ai au. O se molimau e faasoa ma malamalamama e le gata i lo'u ala ae faapena foi mo isi'. O se molimau e le fefe e susulu i le pogisa. ■

*E alala le tusitala i Baja Kalefonia, Mekisiko.*

*Sa ou lagonaina  
le fefe ma le  
tuuatoatasi. Ona ou  
siitia atu lea i se isi.  
atunuu ma ou alu i  
le lotu mo le taimi  
muamua mo se  
taimi umi lava.*



# LEFE



# F E FAASOA ATU LE UPUMONI

*Faa'upegaina i se molimau o le talalelei ma ona faamanuiaga, e le'i faatagaina e Fabian lona talavou e taofi ai ia mai le avea ma se faifeautalai mamana, ma le le fefe.*

**Saunia e Michael R. Morris**

Mekasini a le Ekalesia



**O**lo'o goto le lá i Las Tomas, o se pitonuu na fausia i luga o ni aega oneone e tilotilo atu agai i Antofagasta. I lalo ifo, ua amata ona susulu mai moli a o faaiu le aso i lenei taulaga e tu ai le uafu i le itu i matu o Chile.

O le po o le Aso Toonai, ma o Fabian H. e 13 ona tausaga atonu e mafai ona tafafao faatasi ma ana uo. Ae o Fabian, o se tagata fou o le Ekalesia, ua filifili e faaalu le afiafi faatasi ma faifeautalai faamisiona nai lo lena. O le taimi lenei "e fesoasoani ai e faapotopoto Israelu."<sup>1</sup>

Mai faifeautalai uma na tuuto atu ma galulue faatasi ma Kellen VanNatter ma Jordan Shelton i le la misiona faamisiona i Chile, o Fabian e tulagase ai lava.

"Afaí e le pisi o ia, e alu faatasi ma i maua e fai galuega faafaifeautalai," o le tala lea a Kellen. "Ina ua uma le malologa o le tau mafanafana, sa faanoanoa o ia ona e le na o le tatau ona toe foi i le aoga ae ona o le a le tele se taimi e alu ai ma i maua."

Fai mai Jordana, o le na soa ma Kellen mo le tele o masina, "atonu e fa pe faalima i le vaiaso ona matou o faatasi ma Fabian—i vaiaso uma—ao ma galulue faatasi i Antofagasta. O ia o le

faifeautalai sili ona lelei na matou galulue faatasi."

O le a le mea e matua naunau ai se alii talavou e faia galuega faafaifeautalai e ui lava i le inoino mai tagata o le vasega ma agaleaga mai tagata ese? Mo Fabian, o le tali o loo i ai i faamanuiaga ua latou mauaina ma lona aiga talu mai le taliaina o le talalelei—o faamanuiaga e manao e faasoa atu i isi.

## "O se fiafia le mafaatalaina"

E le'i umi ona mavae le tuitui a faifeautalai faamisiona ae amata lesona a Fabian e faifeautalai. O loo ia manatua pea lana uluai sauniga faamanatuga.

"Ou te le'i iloaina se tasi ina ua ou ulu atu i le falesa, lea sa ou fefe laitiiti ai," sa ia fai mai ai. "Ae sa ou lagonaina se mea ofoofogia. Sa ou lagona pei ua ou i ai i le Ekalesia mo ni masina po o ni tausaga."

I le taimi o lona papatisoga i ni nai vaiaso mulimuli ane, "Sa ou lagonaina se olioli le mafaatalaina ina ua uma ona faatofuina a'u i le vai ma ou toe sau i fafo. Sa ou lagona le pei o se tagata fou, ma le iloaina o le a ou mulimuli ia lesu Keriso ma faia le mea sili ou te mafaiā e tausi ai Ana poloaiga."



Nai lo lena, e masani lava ona ia faasoa mai *ona* lava aafiaga faaletagata lava ia—e pei o le lagona sa ia

Na i ai faatasi matua e le'i faaipoipo o Fabian, o Leonardo ma Angela, ma la la tama i le taimi o lesona a faifeatalai, na la aoao e uiga i le faaipoipoga faalemalumalu ma aiga e faavavau. "I le vайaso mulimuli ane, na seti ai e lo'u tama se aso o le la faaipoipoga," o le tala lea a Fabian. "Sa fiafia tele lo'u tina."

E fa masina talu ona auai Fabian i le Ekalesia, ae mulimuli atu Angela ia te ia i totonu o le vai o le papatisoga. "O se faamanuiga maoae," na fai mai ai o ia.

Na vave lava ona oo mai isi faamanuiga. O Leonardo, o le sa papatiso a o laiti'i, na toe toaga i le Lotu. Sa avea suesuega o le talalelei ma se tulaga taua i lo latou fale. Na latalata atili tagata o le aiga. Na maua se galuega mautu a Leonardo. Ma na maua e Fabian le Perisitua Arona.

"Ou te fiafia e umia le perisitua ua mafai ai ona ou tufaina le faamanatuga i tagata o le uarota ma fesoasoani ia i latou e faafou a latou feagaiga," o le tala lea a Fabian. "E sili lo'u fiafia pe a ou tufa atu i lo'u aiga ma faifeatalai na aoaoina a'u. O foliga mitamita o lo'u tama ia te au ao ia vaai mai ia te a'u o tufaina

le faamanatuga e matua faafiafaina ai lava au."

### O Le A Sili Lena"

Sa amata ona fai e Fabian le galuega faafaifeatalai a le uarota ao le i papatisoina o ia.

"Sa ou faailoa atu i a'u uo e toatolu o le a ou papatiso. E toalua na o mai," na ia fai mai ai. "Ou te fiafia e faasoa atu le talalelei ina ia malamalama a'u uo i mea tatou te talitonu i ai ma mea tatou te faia i le lotu ma ia mafai ai ona latou aoaoina le talalelei, ia papatisoina, ma maua ai ni olaga fiafia. O le a ou matua fiafia lava pe a papatisoina se tasi oi latou ma avea ma se tasi o au uso o le korama. "O le a sili lena."

E teu e Fabian se Tusi a Mamona i le aoga, ma na ia aveina tamai tusi faafieatalai e tuu atu i uo. E fiafia o ia e tali fesili e uiga i le Ekalesia ma valaaulia uo i sauniga Aso Sa ma po o gaoioiga a le autalavou. Ma e le fefe o ia e alu atu i tagata i luga o le auala ma, ao aoaoina o ia e faifeatalai, valaaulia i latou e aoao e uiga i le Ekalesia ma saunia mo le papatisoga.

"E le popole Fabian pe a manatu se tasi e ese o ia mo le faasoaina atu o lana molimau," o le tala lea a Kellen. "Na te iloa o lo'o ia faia le mea sa'o. Na te iloa o mea faaleagaga e sili atu ona taua nai lo se isi mea."

Pe a faasoa e Fabian lana molimau, o le tala lea a Jordan, na te aumaia le mana mai lona liuaina, o lona alofa i le talalelei, ma ana faamanuiga.

"Na ia vaaia faamanuiga na oo mai i lona aiga, o le mea lea na musuia ai o ia i lototoa ma tuusao i le faasoaina atu o le talalelei i ana uo," o le tala lea a Jordan. "O le taimi lava na ia molimau atu ai i se tagata sailiili e uiga i se faamanuiga tele mo ona matua le faaipoipo ae o le faigata ia te ia ona faatali mo le fa masina talu ona uma lona papatisoga mo le papatisoga o lona tina. Na malosi ona lagona, ma sa maligi ona loimata. Ona ia molimau mai lea afai tatou te tausia polo-aiga, o le a tausia i tatou e le Atua."

O le molimau a Fabian e avea ai o ia ma se faifeatalai malosi o le uarota, o le faaipoopo atu lea a Kellen.

"Na te le faapea mai, 'Oi, na ou faalogo o fai mai se tasi i le lotu.' Nai lo lena,



faamisiona pe a uma ona faauu mai le aoga mauauluga.

"Ou te fia faasoatatu le upu moni ia i latou e le iloa," o lana tala lea. "Ou te manao e valaaulia i latou e tafise a latou agasala. Ou te manao e aoao i latou pe mafai faapefeara ona avea i latou ma se aiga e faavavau. Ou te manao e valaaulia

i latou ia fiafia i le taimi nei ma ia ola i se tulaga o le fiafia e le gata pe a mavae lenei olaga." ■

#### FAAMATALAGA

1. Tagai Russell M. Nelson, "Faamoemoe o Israaelu" (faigalotu a le autalavou i le lalolagi atoa, 3 Iuni, 2018), [HopeofIsrael.ChurchofJesusChrist.org](http://HopeofIsrael.ChurchofJesusChrist.org).

lagonaina ina ua alu i le lotu mo le taimi muamua ma ona lagona pe a ia faitauina le Tusi a Mamona."


e masani lava ona ia faasoatatu mai *ona* lava aafiaga faaletagata lava ia—e pei o le lagona sa ia lagonaina ina ua alu i le lotu mo le taimi muamua ma ona lagona pe a ia faitauina le Tusi a Mamona. E matuai moni lava ma moi."

#### "Ou Te Lagonaina Lava Lelei"

Mo Fabian, o le faasoaina atu o le talalelei e aumaia ai se isi faamanuia.

"O nisi taimi e tupu ai ni mea leaga ia te au i le aoga, ona o mai ai lea o faifeautalai i lo'u faitotoa ma fesili mai pe ou te naunau e fesoasoani ia i la'u e aoao atu," o lana tala lea. "A uma ona ou alu ma i laua, ou te lagona e peiseai e leai ni ou faafitauli. E masani lava ona lelei o'u lagona pe a ou o ma i laua, faitau faatasima i laua tutsusiga paia, ma fesoasoani ia i laua e faasoatatu le talalelei. O le faasoatatu o le talalelei ma la'u tala o le liua e faamalosia ai la'u molimau. Ma o le aoaoina o le talalelei ua ou maua ai se avanoa e avea ai ma se faataitaiga i isi, e aofia ai ma lo'u tuafafine laitiiti."

E le o se mea e ofo ai, o se tasi o sini sili a Fabian o le avea ma se faifeautalai



*Ua sauni Fabian mo se afiafi o talaiga ma Elders Kellen VanNatter (luga, ogatotonu) ma Jordan Shelton (luga, taumatau).*



#### E LEAI SE MEA E SILI ATU ONA TAU

"La'u autalavou pele tulagaese, na auina mai outou i le lalolagi i lenei taimi patino, lenei taimi aupito taua i le talafaa-solopito o le lalolagi, e fesoasoani e faapopotopo ia Israaelu. E *leai se mea* o tupu i le lalolagi i le taimi nei, e sili atu ona taua nai lo lena. E *leai se isi mea* e sli atu lona tau-nuuga. E matua *leai lava*.

O lenei faapotopotoina e tatau ona avea o *mea uma* ia te oe. O le misi-onia *lenei* na auina mai ai oe i le lalolagi."

Peresitene Russell M. Nelson, "Faamoemoe o Israaelu" (faigalotu a le autalavou i le lalolagi atoa, 3 Iuni, 2018), [HopeofIsrael.ChurchofJesusChrist.org](http://HopeofIsrael.ChurchofJesusChrist.org).

# “E faapefea ona ou maua ni uo e lelei tulaga faatonuina?”

*“O le agaalofa o uo  
faakeriso e matua  
ootia ai ma suia o  
tatou olaga. E tatau  
ona tatou mana-  
tua lelei e masani  
ona auina mai e  
le Alii ‘faamanu-  
iaga mai lugā, i  
upu ma galuega a i  
latou e alolofa.”*

Elder Joseph B. Wirthlin (1917-2008)  
o le Korama a Aposetolo e Toasefu-  
lulu, konafesi aoao Oketopa 1997.



**O Le Agalelei Le Ki**  
Faaali atu ia i latou le alofa  
ma ia agalelei. Faaali atu  
e te popole ia i latou ma  
lo latou fiafia. Afai latou  
te le fa'aali atu latou te tausia oe ma e le  
agalelei, atonu e te le manao e tulituliloa  
lena faauoga.

*Madi B., 15 tausaga, Arisona, ISA*



**Faasoa atu le Talalelei**  
E mafai ona e maua ni uo  
fou ma tulaga faatonuina  
lelei e ala i le o e aoao atu  
ma faifeautalai. Latou te  
iloa ni nai tagata talavou e manaomia se  
uo i le Eklesia.

*Elder Quintanilla, 20 tausaga, Misiona a  
Bridgetown Barbados*

## Tatalo mo Au Uo

Ou te tatalo soo ina ia iloa pe o a'u uo o  
tagata sao ia e mafai ona fesoasoani ia te  
au e siitia ai o'u tulaga faatonuina ma la'u  
molimau ia lesu Keriso.

*Imanol M., 18 tausaga, Chihuahua, Mekisiko*



**O Le A Fesoasoani  
Le Atua ia te Oe**  
Ua ou iloa afai ou te alu  
ese atu e sue tagata o loo  
faaalia le malamalama  
o Keriso, ua faia ai le eseeseaga uma. E  
silafia e le Tama Faalelagi ou manaoga  
ma afai e te faia lau vaega, ona la taliina  
lea o na tatalo.  
*Olivia T., 18 tausaga, luta, ISA*

### Ola i Ou Tulaga Faatonuina

Avea ma se faataitaiga o le ola ai i ou  
tulaga faatonuina. Ma afai e i ai ni au uo  
e le tutusa o latou tulaga faatonuina ma  
oe, fa'aali atu ia i latou e faapitoa i latou i  
le silafaga a le Atua. Na alofa lesu i tagata  
uma ma aoao i latou e mulimuli i Ona ala.  
*Bernard B., 19 tausaga, Palawan, Filipaina*

*O tali ua faamoemoe e mo se fesoasoani ma ni  
manatu, ae e le o se faalauiloaina aloaia o aoaoga  
faavae o le Ekalesia.*

### O Le A Sou Manatu?

"E faapefea ona ou le  
toe maua lagona o le  
tuulafoaiina?"

Auina mai lau tali ma, afai e manaomia,  
o se ata manino lelei a o le'i oo i le aso  
15 o Novema 2019, i le liahona.Chur-  
chofJesusChrist.org (kiliki le "Submit an  
Article po o Feedback").

E ono iloiloina tali mo le uumi po o le  
manino.



## O le a le vaaiga a le Ekalesia i le siosiomaga?

O se upu autu i le malamalamaaga o la matou vaaiga i le siosiomaga o  
le *tausimea*. E le faapea o tagata e umia le lalolagi ma e mafai ona latou  
fa'aaogaina i le ala latou te manano ai , ae ia tatou tali atu mo auala tatou te  
fa'aaogaina ai ana punaoa (tagai Mataupu Faavae ma Feagaiga 104:13–15).  
E ui "ua lava ma totoe mea o i ai" (Mataupu Faavae ma Feagaiga 104:17),  
E finagalo le Atua ia tatou faaaogaina ma le faautauta puna'oa a le lalolagi  
(tagai Mataupu Faavae ma Feagaiga 59:20).

Na foaoaina e le Atua le lalolagi ma folafola atu Lana foafoaga "ua  
matua lelei lava" (tagai Kenese 1:1, 31). O lenei lalolagi na foaoaina e  
nonofo ai fanau a le Atua o se vaega o Lana ata o le faaolataga. O le lalolagi  
lava ia o le a faapaiaina ma maua se mamalu selesitila (tagai Mataupu Faavae  
ma Feagaiga 88:18–19).

Na faia e le Atua le lalolagi e le gata e aoga ae e matagofie foi. Ioe, o mea  
uma e maua mai le eleele, "ua faia mo le lelei ma le faaaogaina e le tagata,  
e faafafia ai mata ma faaolioli ai le loto," faapea foi "e faaolaola ai le agaga"  
(Mataupu Faavae ma Feagaiga 59:18–19).

E tatau ona tatou ava i le Atua e ala i le talisapaia o Ana foafoaga, faailoa  
atu le agaga faafetai mo i latou, ma le taumafai ia tausia i latou ia matago-  
fie. E tatau ona tatou faasaoina punaoa, puipua le natura, ma aloese mai le  
faaleagaina ma otaota.

# O Le Maa Tulimanu Autu o Lo Tatou Faatuatuaga

**Saunia e Peresitene Gordon B. Hinckley**  
**(1910–2008)**

Peresitene Iona 15 o le Ekalesia

I totonu o malumalu fou taitasi e i ai se tatou sauniga o le maa tulimanu e ò gatasí ma se aga masani i aso anamua. A o le i faaaogaina le sima, o puipui o le fale na faataatitia i maa tetele. O le a eliina se lúa, ma o le a tuu i ai maa e fai ma faavae. Na amata mai i se tulaga o le amataga, o le a alu le puipui faavae i le itu e tasi i se maa tulimanu; ona liliu ai lea o le tulimanu ma o le puipui e tau atu i le isi tulimanu, i le mea na tuu i ai le isi maa, lea o le a alu ai le puipui i le isi tulimanu, ma mai iina seia oo i le amataga. . . . O le maa mulimuli na tautalagia o le maa tulimanu autu, ma o lona faatulagaina na avea ma mafua'aga o le tele o faafiafiaga. Faatasi ai ma le faatulagaina o lenei maa tulimanu, ua saunia le faavae mo le maota. O le mea lea o le faatusaga na faaaoga e Paulo i le faamatalaina o le Ekalesia moni:

"O lenei e le toe tagata ese outou, po o e ua aumau, a ua nuu faatasi ma le au paia, o le aiga foi o le Atua;

"O loo ua atiina ae i luga o le faavae o le au apusetolo, atoa ma le au perofeta, o le maa tulimanu o lesu Keriso lava lea;

"Ua faatatauina ia te ia le fale atoa, o loo alu ae ina ia fai ma malumalu paia i le Alii" (Efeso 2:19–21).

E i ai o tatou maa tulimanu autu lea na faavaeina ai lenei Ekalesia maoae i aso e gata ai e le Alii ma fausia, "e fetaui lelei ona fausia faatasi." E taua tele i latou i lenei galuega, o le faavae tonu lava lenei, e taula agai i ai. . . . [Ae] ou te ta'uua le maa tulimanu autu, lea tatou te iloa ma faamamaluina o le Alii o lesu Keriso. . . .

O la o le maa tulimanu autu o le Ekalesia o loo tauaveina Lona suafa, o le Ekalesia a lesu Keriso o le Au Paia o Aso e Gata Ai. E leai lava se isi igoa ua tuuina mai i le lalolagi e mafai ona faaolaina ai tagata (tagai Galuega 4:12). O ia o le tusitala o lo tatou faaolataga, o le foa'iina mai le ola e faavavau (tagai Eperu 5:9). E leai se isi e tutusa ma la. E lei i ai lava. O le a leai lava. Faafetai i le Atua mo le mealofoa o Lona Alo Pele, o lē na foaiina mai Lona soifua ina ia tatou ola, ma o la foi o le maa tulimanu autu le mafaagaeetia o lo tatou faatuatuaga ma Lana Ekalesia. ■

*Mai se lauga o le konafesi aoao ia Oketopa 1984.*

# Maa Tulimanu e Fa o le Ekalesia

Na molimau Peresitene Gordon B. Hinckley o lesu Keriso o le maa tulimanu autu o lo tatou



faatuatuaga. Sa ia aoao mai foi o loo i ai isi maa tulimanu faavae o loo fausia ai le Ekalesia a lesu Keriso o le Au Paia o Aso e Gata Ai i luga.



## O Le Alii o Iesu Keriso

*O lo Tatou Alii ma le Faaola. O le maa tulimanu autu lea e fausia ai lo tatou faatuatua ma le Ekalesia.*



## O Le Uluai Faaaliga

*Tatalaina le galuega ofoofogia o le toefuataga.*



## O Le Tusi a Mamona

*Tautala e pei o se leo mai le efuefu faatasi ai ma upu a perofeta o loo molimau i le Faaola o tagata.*



## O Le Perisitua

*E ala i lona mana ma le pule, e galulue ai tagata i le suafa o le Atua i le faafoeina o mataupu o Lona malo.*



AUTALAVOU MATUTUA

**E I AI I LOU TOALUA UA  
FUAFUAINA SE FAAFITAULI  
TAU-PONOKALAFI?**

*O loo i ai le faamoemoe ma le  
fesoasoani. O le auala lenei e  
mafai ai ona e agai i luma i le  
faatuatua.*

42



AUTALAVOU

**O LE FAATOSINAGA  
A UO LELEI**

52-57,  
62


SAU, MULIMULI  
MAI IA TE AU

**EFESO 2: O A MAA  
TULIMANU O LE  
EKALESIA?**

64

O LE EKALESIA A  
**IESU KERISO**  
O LE AU PAIA O ASO  
E GATA AI

# Uo




Talofa mai  
**D. R. Congo!**  
Tagai i itulau U4-U7



Saunia e  
Peresitene  
Dallin H. Oaks

Fesoasoani Muamua  
i le Au Peresitene Sili

# Alofa i Isi e Pei Ona Alofa Iesu ia i Tatou



**N**a tuuina atu e Iesu i Ona soo se poloaiga taua: “Ia outou fealofani, pei ona ou alofa atu ia te outou” (Ioane 15:12). I le avea ai ma soo o Keriso, e tatau ona tatou ola filemu ma isi. E aofia ai tagata e le talitonu i mea e tutusa ma i tatou.

O nisi nei o auala e mafai ai ona tatou alolofa i isi e pei ona alofa le Faaola ia i tatou:

- **Ia agalelei i tagata e ese mai ia te oe.**
- **Faaali le faaaloalo mo latou talitonuga.**
- **Aua e te sauaina pe faatiga i se isi.**
- **Ia avea ma se tagata e faalogo lelei.**

- **Ia faaaloalo. Aua le finau ita.**
- **Tu atu mo le mea moni.**
- **Tau atu i isi e uiga i le talalelei i se ala lotomaualalo.**  
“[Tautala] faamaoni i le alofa” (Efeso 4:15).


O le poloaiga a le Faaola ia alofa le tasi i le isi e pei ona Ia alofa mai ia i tatou e masalo o lo tatou luitau sili-sili lea. Ou te tatalo ina ia tatou taumafai e fa'aali le alofa i mea uma tatou te faia. ●

*Mai le “Ola Faatasi ma Alolofa atu i Isi e Eseese o Tatou Talitonuga,” Liahona, Nov. 2014, 25–28.*

# Perofeta ma Aposetolo

O loo faapea mai tusitusiga paia o le Ekalesia ua "atiina ae i luga o le faavae o le au aposetolo, atoa ma le au perofeta, o le maa tulimanu o Iesu Keriso lava lea" (Efeso 2:20). O lona uiga o Iesu Keriso o loo taitaia le Ekalesia e ala i perofeta ma aposetolo i aso nei.

Valivali ata o tagata e saunoa i le konafesi aoao. Pe valivali pe a mae'a le konafesi a o e talanoa ma lou aiga e uiga i lauga e sili ona e fafia i ai. Valivali se fatu i taimi uma lava e te faalogo ai i se tasi o ta'ua Iesu. E alofa o la ia te oe!



O lenei itulau e lagolagoina le itulau 155 o le Sau, *Mulimuli Mai ia te Au—Mo Tagata Taitoatasī ma Aiga*.

# Na'o se Tatalo Lava

*Sa fefe Prodi e  
toe alu e moe.  
Ae a pe afai ei  
ai se isi ana miti  
taufaafefe?*



## Sania e Lucy Stevenson

Mekasini a le Ekalesia

*“Ole iā te Ia” (Tusipese a Tamaiti, 6).*

**N**a vave ona nofo i luga Prodi mai le moega. Sa tata vave lona fatu.

Na pau timuga i luga o le taualuga ao nofo o ia i le pogisa. Sa mafai ona ia faalogoina le tafe mai o le vai mai le mati Aferika i fafo atu o lona faamalama, ma o le ea sa piipii ma mafanafana. Na manava i totonu Prodi ma taumafai e malolo. Sa na o se miti.

Sa ia tolotolo mai lona moega ma autilo atu i totonu o le potu o ona matua. Sa momoe filemu Mama ma Papa. O lona tuafafine laitiiti, o Célia, sa faapupuu foi i luga o lona moega. Sa lelei mea uma. Sa saogalemu lona aiga.

Sa toe oso Prodi i luga le moega ma taumafai e toe moe. Sa ia feliua’i solo. Sa ia iloa o lana miti e le moni, ae sa matuai fefe lava! E ui lava na vaivai o ia, ae na fefe o ia e toe moe. Ae a pe afai e i ai se isi ana miti taufaafefe?

Na taoto Prodi i lona tua ma tilotilo atu i le faalo. Na ia taumafai e mafaufau i ni mafauauga fiafia. “Tama Faalelagi, pe o e i ai moni ea iina? E te faafofoga ma tali i tatalo a tamaiti uma?” Na oo mai se galu o le mafanafana ia Prodi ao ia mafaufau i upu o le pese Peraimeri e sili ona fiafia i ai. Na aoaoina i latou e Sister Kioska o le Tama Faalelagi o loo vaavaaia i latou i taimi uma. E mafai ona latou tatalo atu ia te Ia i soo se taimi, i soo se mea.



Sa iloa e Prodi le mea e tatau ona fai. Na oso ese o ia mai le moega ma tootuli e tatalo.

“Tamā Faalelagi pele e,” na ia tatalo ai, “Ua ou matua fefe lava.

Faamolemole ia saogalemu lo’u aiga. Ma faamolemole fesoasoani ia te au ina ia mafai ona ou moe ma le toe i ai ni au miti taufaafefe.”

Na faaiu e Prodi lana tatalo ma toe oso i luga o le moega. Sa malolo lona tino, ma na lagona e lona mafaufau le toofilemu. E le’i umi ae moe o ia.

Ina ua oo mai le taeao, na ala mai Prodi i le la mafanafana o susulu atu i le faamalama. Na mafai ona ia fa’alogo atu i ulo o pao i le umukuka ma tu i luga e sue Mama. Sa i ai Celia i le laulau sa ai lana manioka na totoe. Na fa’amafanafana e Mama nisi meaai mo ia e ‘ai ai foi.

“Talofa,” na fai atu ai Mama. “Na a mai lau moe?”

“Na fai la’u miti taufaafefe,” o le tala lea a Prodi. “Ae na fai la’u tatalo. Na fesoasoani le Tama Faalelagi ia ou lagona le saogalemu.”

“Ou te faamalie atu na e maua se miti taufaafefe,” o le tala lea a Mama. Sa ia fusiina mai Prodi, ma ua i ai mo se taimi umi lava. “Ae ua ou fiafia na e faia se tatalo. E foliga mai na fesoasoani tele le Tama Faalelagi ia te oe.”

“Na Ia fesoasoani mai,” o le tala lea a Prodi. “Na mafai ona ou toe moe, ma e le’i toe i ai ni a’u miti taufaafefe.” Sa fusi mau e Prodi ia Mama. Sa fiafia o ia e iloa e tusa lava po o le a le fefe sa ia lagonaina, ae na o se tatalo lava i le Tama Faalelagi. ●

**Liliu le itulau e feiloai ai i le tamaitiiti mai lenei tala!**

# Talofa mai le Ripapelika Temokarasi o Congo!




Talofa, o  
ma'ua o  
Margo ma  
Paolo!



O loo ma asiasi i le  
Ripapelika Temoka-  
rasi o Congo, po o le  
D. R. Congo.

## D. R. Congo

e tu i le ogatotonu o Aferika. E tusa ma le 80 miliona tagata e nonofo iina.



O se vaega tele o D. R. Congo o loo lilo i le vaomatua. E nonofo ai foi le tele o manu mananaia, e pei o elefane, kolila, ma raino [rhinos]. O lenei manu e ta'ua o le okapi.



O D. R. Congo ua lauiloa mo lona faatufugaga faaleaga-nuu matagofie, e aofia ai faatagata laau, ato lalaga, ma uifimata.





I D. R. Congo, o le toatele o tagata e talanoa i le gagana Farani i le lotu. O le gagana aloaia lena a le atunu. Ae e lata i le 250 isi gagana o tautalagia i D. R. Congo!

Sa amata ona aoao-in a faifeautalai mai le tatou ekalesia ia tagata i D. R. Congo i le 1986. O lenei ua toeitiiti lava a oo i le 60,000 tagata iina e auai i Le Ekalesia a Iesu Keriso o le Au Paia o Aso e Gata Ai.



O lenei tausaga, na maua ai e D. R. Congo lona malumalu muamua! O tagata o le Ekalesia iina ua fafia ua maua se malumalu i lo latou atunu.

**Faafetai mo le asiasi  
mai i le D. R. Congo  
faatasi ma i ma'ua.  
Feiloai i se isi taimi!**



## Feiloai i nisi o a maua uo mai D. R. Congo!



"I se tasi Aso Sa, sa i ai fitafita i soo se mea, ma na fai mai ou matua o le a faigata ona o i le lotu. Na ou ta'u atu i o'u matua e tatau ona matou auai tau lava o le sauniga faamanatuga. Sa matou faaali faatasi le faatuatua ma o i le lotu e faamamaluina le aso o le Alii."

**Prodi K., 7 tausaga, Kinshasa,  
Ripapelika Temokarasi o Congo**



"Ou te fafia e fesoasoani i isi. I se tasi aso i la'u vasega, sa faanoanoa se tamaititi i le taimi o le malologa aua sa leai sana mea e ai. Na ou alu ia te ia ma faaso faatasi ma ia la'u meaai na aumai e ai."

**Célia Tshidibi K., 5 tausaga,  
Kinshasa, Ripapelika Temokarasi o Congo**

**E te sau mai D. R. Congo? Tusi mai ia i  
matou! Matou te fafia lava e faalogo  
atu ia te oe. Tagai i le itulau U24.**

# Ou te le Fia Ese!



## Saunia e Eliza Broadbent

(E faavae i se tala moni)

*"Ia manatua ua tele lava le taua o agaga i le silafaga a le Atua" (MF&F 18:10).*

**S**a masani ona tulimatai atu Mika i vasega siva. Sa fiafia o ia e faalogologo i le musika. Sa fiafia o ia e faataitai lana oso pei o se pepe [butterfly skip] ma faia ia sa'o. Ma e faapitoa lava lona fiafia i ai pe a o faatasi le vasega atoa. Ina ua latou faia, sa pei e tutusa uma le au sisiva. Sa pei e le na'o ia na maua i le Down syndrome.

O le aso na latou aoaoina ai se laasaga fou o le siva.

Sa matamata Mika a'o oso i luga i le ea lona faiaoga. Sa matamata o ia i isi teneiti a'o taumafai. Na vave ona maua e isi. O isi na faia ni nai taumafaiga. Sa taumafai ma taumafai Mika, ae na te le'i mauaina lava.

"Faiaoga, e mafai ona e fesoasoani mai ia te a'u?"  
O le fesili lea a Mika.

O le teine na sosoo ma ia na tilotilo atu ia Mika. Ona faasaga atu lea i lana uo. "Aisea e tautala ai faapena o ia?" sa ia musumusu atu ai. Sa faasaga atu teine ma tilotilo atu ia Mika.



A o agai i le fale mai le vasega, na filemu Mika i le taimi atoa.

Ina ua la taunuū i le fale, sa palu le falaoamata a Tina i le umukuka. Sa pipii falaoamata i lona alafau. I nisi taimi e masani ona ata ai Mika i le mea lena. Ae o le asō ua na o le faapau ifo o lana ato i luga o le fola ma faapau i se nofoa i le laulau.

“Na faapefea mai le vasega siva?” O le fesili lea a tina.

“Matautia,” na fai atu ai Mika. “Na ou fesili mo le fesoasoani, ae fai mai se teineitiiti e foliga malie la’u tau-tala. Ona ia sioa mai lea ia te au.” Sa tilotilo i lalo Mika. “Ou te le toe fia alu i le vasega siva.”

“Oi, Mika!” Na fai atu ai Tina. “Ou te matua faamalie atu. Ma te fiafia ma Tama e matamata ia te oe o siva. Ma te mitamita i le malosi o lou galue!”

Na lagonaina e Mika loimata ua amata ona oo mai. “Ou te le fiafia i le Down Syndrome lea ia te au. Ou te le fiafia i le ese o lo’u foliga. Ma’imau pe ana le faigata tele mo a’u ona a’oa’oina mea fou. E tatau lava foi ona faatai-tai la’u tautala!”

Na nofo Tama i tafatafa o Mika ma tuu lona lima faa-taamilo ia te ia. “Mika, ma te alolofa *tele* ia te oe. Ma te sua lava se mea se tasi e uiga ia te oe.”

Ae sa lulu le ulu o Mika ma pupuni ona foliga i ona lima. “Ou te le fia ese. Ou te mana’o ia aveese lo’u Down syndrome mai ia te a’u!”

Sa filemu Tina ma Tama mo sina taimi.

“E i ai so’u manatu,” o le tala lea a Tina. Sa pulapula mai Mika i luga ae o ona lima. “Aisea e te le tatalo ai ma ole atu i le Tama Faalelagi pe o le a *Lona* lagona e uiga ia te oe?”

Sa mafaufau Mika i lena mea. Sa fiafia o ia e tatalo. Sa lue lemu mai lona ulu. “E mafai ona e tusia i lalo le fesili ina ia ou manatua le fesili e fai?”

Sa tusi i lalo e Tina le fesili. Ona ave lea e Mika le pepa ma alu i lona potu e tatalo ai.

Ina ua sau o ia i le umukuka i ni nai minute mulimuli ane, na susulu foliga o Mika e pei o se matauila. “Sa tali mai le Tama Faalelagi!” o lana tali lea.

“O le a Lana tala?” O le fesili lea a tina.

“Na Ia fai mai, ‘Mika, Ou te alofa ia te oe i le tulaga o e i ai,’” o lana tala lea. “Ma sa Ia fai mai ai ma se SIUFOFOGA leotele!”

O le vaiaso na sosoo ai i le vasega siva, e le’i popole Mika i isi teine ma o latou manatu e uiga i lona Down syndrome. Nai lo lena, na ia matauina se isi teine, o Sara, o le na foliga faanoanoa. Sa faigata foi ia Sara ona aoao-inia nisi o siva fou.

Ina ua taunuū mai Mika i le fale, sa ia filifili e tusi se tusi mo Sara. Sa ia tusia le tele o fatu. Sa fesoasoani Tina ia te ia i le sipelaina o upu.

“Mo Sara,” na tusia e Mika. “O oe o se tagata siva maoae. Ou te fia avea ma au uo. Ou te fiafia o e i ai i totonu o la’u vasega siva.”

Sa le mafai ona faatali Mika e ave lana tusi ia Sara. Sa manao foi Mika ia lagona e Sara le fiafia ma le alofagia i le vasega siva. ●

*E alala le tusitala i Iuta, ISA.*



# Ua Asiasi Elder Stevenson i Chile



Emalaga atu  
Apostolo i le  
salafa o le lalolagi e  
auauna atu i tagata  
ma aodo i latou e  
uiga ia Iesu Keriso.

Na malaga Elder Gary E. Stevenson ma Sister Lesa Stevenson faatasi ma Peresitene Russell M. Nelson ma Sister Wendy Nelson i Chile mo se vaega taua. O se malumalu fou na faapaiaina i le aai o Concepción!

O lenei malumalu  
fou matagofie o  
le lona lua lea ua  
fausia i Chile ma le  
lona 18 o malumalu i  
Amerika i Sautē.



Na o mai tamaiti faatasi ma o latou  
matua e faalogo ia Peresitene Nelson o  
tuuina atu se tatalo faapitoa e faapaia ai  
le malumalu.

O Laura ma Alicia O. na fesoasoani e tuu le  
maa mulimuli i le pito i fafo o le malumalu.  
Ua ta'uua lea o le maatulimanu o le malumalu.  
Ona saunia ai lea o le malumalu e faapaiaina.



E tele mafuie e  
tutupu i Chile. O  
le Malumalu o  
Concepción Chile  
e i ai sona faavae  
faapitoa e taofia ai le  
faaleagaina pe a  
oso se mafuie.

“O le asō  
ua matua  
lagona lava le  
faalelagi.”

O le taimi nei, o tagata  
agavaa o Le Ekalesia a  
Iesu Keriso o le Au Paia o  
Aso e Gata Ai e mafai ona  
o i totonu e faamau i o  
latou aiga ma auauna atu  
e ala i le faia o papatisoga  
i le malumalu!

# Ua Asiasi Elder Renlund i Fanau

Ua asiasi Elder Dale G. Renlund i le tele o nofoaga ma lona faletua, o Sister Ruth L. Renlund, e fesoasoani i tagata e aoao e uiga ia Iesu Keriso. Na te tuuina mai lauga ma talanoa i faifeautalai. Ae po o fea lava e alu i ai, o lana mea e sili ona fiafia i ai o le feiloai ma lulu lima ma tamaiti. O nisi taimi, na te asia i latou i le Peraimeri!



E malaga atu  
Aposetolo i le  
salafa o le lalolagi e  
auauna atu i tagata  
ma aoao i latou e  
uiga ia lesu Keriso.



I Japoni



I Polivia



I Peru



I Korea i Saute



E te manao  
e iloa se mea lilo?  
O Le Uo o le mekasini a  
le Ekalesia e pito  
sili ona ou fiafia i ai.  
Ou te faitauina  
muamua lava!"

E manao Elder Renlund i tamaiti i soo  
se mea ia iloa e silafia i latou e le Tama  
Faalelagi ma alofa ia i latou.

# O Se Pulou Paepae mo Florence

**Saunia e Jordan Monson Wright**

(E faavae i se tala moni)

**O** Florence Onyejekwe e sefulutolu-tausaga le matua na taunuutatu i lona nofoaga masani i le maketi e fai i fafo o Onitsha, Nigeria. Sa tumu le auala i tagata fa'atau o vala'au atu i tagata faifaatau pisi. O tamaitai e faapalenavega i luga o o latou ulu ao latou savavali. Na faatoa tuua le aoga mo le aso malolo, ma na iloa e Florence na fiafia ana uo i le malologa mai vasega. Ae o Florence na fa'aalu ona aso malolo e faatau atu ai laulaau oona iinei i le maketi. Na o le pau lea o lona avanoa e maua ai se tupe mo lona pili aoga.

Ae le i faitio Florence. Aua, na fa'aaluina e lona tina le tele o itula i le maketi i aso uma e fa'atau atu ai ufi e fa'atau ai meaai mo le aiga. Na galue malosi Tina.

Na galulue malosi uma ona matua. Ae e aunoa ma seaoaoga



tele, e na o le pau lea o mea e mafai ona latou faia. Na toeitiiti lava uma le aoga maua-lalo a Florence. Masalo pe afai e mafai ona ia fa'aauau ana a'oga, e mafai ona ia maua se galuega e totogi lelei ma fesoasoani i lona aiga.


Ina ua foi o ia i le fale, sa maua e Florence ona matua ma fesili, "E te lua manatu e mafai ona ou alu i le aoga tulagalua? Ma masalo le iunivesite?"

Sa autilo atu Tina ia Nnam (tama) ma lulu lona ulu. "E sili atu le tau o le Iunivesite nai lo le tupe ua tatou maua," o le tala lea a Nnam. Sa autilo ifo Florence i lalo i ona seevae. Sa le manao o ia e iloa e Tina ma Nnam lona le fiafia.

I ni nai aso mulimuli ane, sa alu ai Florence i le falemai e piki ni vailaa. O le falemai na pisi tele e pei o le maketi, ae e le pisapisao pei o le maketi. Sa sioa atu Florence i tausima'i ma o latou pulou malo, papae. Sa ia vaai faalemafaufau o ia ofuina se toniga faapena, fesoasoani i e mamai ma le tausia o pepe i se falemai tele. Atonu e mafai ona *ia* avea ma tausima'i.

Na iloa e Florence e sa'o ona matua—o le mauaina o le poto o le a faigata. Ae sa iloa e Florence galue malosi. Sa ia filifili ai e taumafai.

Po o le a lava le tele o feau e faatumulia ai lona aso, sa faavanoaina lava e Florence le taimi e



suesue ai. Na pasi ana suega mo le aoga tulagalua, ma na lava ma totoe le tupe na aitalafu e Nnam e alu ai i le aoga. Mulimuli ane sa ia iloaina o le a fesoasoani le malo e totogi le aoga tausimai. Sa latalata mai lana miti!

Ae ina ua oo i le taimi e amata ai le aoga tausimai, na lagona ai e Florence sina masalosalo. Ae a pe afai e faigata tele? Ae a pe afai na tuuatoatas i ia? Sa punou Florence ma tatalo, "Le Atua pele, faamolemole tuu mai ia te au le malosi ou te alu ai i le aoga tausimai ma galue malosi."

I le a'oga tausima'i, na a'oa'o ai e Florence le auala e tu'uina atu ai vaila'au ma faamama meafaigaluega mai siama. O nisi taimi na toe malolosi ana ma'i, ae o nisi taimi latou te le'i toe foi i se lelei. Sa masani ona tatalo Florence mo le lototeli. Ina ua mavae tausaga uumi e tolu, na faaau Florence ma le faailoga mo le tagata aoga pito sili ona lelei i lana vasega. Sa taunu lana miti! Sa mafai ona ia tuiina le pulou paepae tausima'i, *ma* sa mafai ona ia maua se tupe e fesoasoani ai i lona aiga.

I le tele o tausaga mulimuli ane, na asiisi ai Florence i se paranesi laitiiti i le Misiona a Ghana Accra. O lona toalua, o Christopher Chukwurah, sa avea ma peresitene



o le misiona iina. Sa feiloai Florence ma tamaiti i le paranesi e le mafai ona o i le aoga i taimi uma. Sa latou le mautinoa po o le a le mea e fai i o latou lumana'i. Sa latou faamanatu atu ia Florence ia lava a o laitiiti. "O le a se mea e mafai ona ou ta'u atu e fesoasoani ai ia i latou?" Sa tatalo filemu ai Florence.

Ona ia lagona lea o se musumusuga manino: Faamatala i ai e uiga i lou olaga.

Sa mafaufau Florence i lona ia lava olaga. Sa ia fai-galuega i falemai i Nigeria ma le Iunaite Setete. Na ia faaipoipo atu i se tamaloa lelei, ma na la mauaina faatasi Le Ekalesia a Iesu Keriso o le Au Paia o Aso e Gata Ai. Na avea o ia ma se tina. O lenei ua ia fesoasoani i fai-feautalai ia maua le soifua maloloina ma galulue malosi. Na fesoasoani le Tama Faalelagi ia te ia e avea ma se tausima'i. Sa fesoasoani o ia ia te ia e faia le tele o mea nai lo mea na ia mafaufauina. E mafai ona ia faia foi mo nei tamaiti.

Sa tilotilo atu Florence i tamaiti ma ataata. "Tou te iloa pulou papae la e ofuina e tausima'i? Na ou vaia se pulou faapena ma ou filifili ai loa e avea ma se tausima'i . . ." ●  
*E alala le tusitala i Michigan, ISA.*



O le ata lenei o lo'o fa'aalia  
ai Florence ina ua i'u ina  
maua lona pulou pa'epa'e!





**Saunia e Brooklyn P., 9 tausaga,  
Iuta, ISA**

I le tausaga ua mavae na ou filifilia ai se tusi i le faletusi e uiga i se teineitiiti na amataina sana tusigatala i luga o le initoneti [blog]. Na ou manatu o le a avea o se tusi fafia ona o le tagata autu o le tusi ma te tupulaga, ma o lo'u tina o se tusitala foi i luga o le initoneti. O lea sa ou manatu ai o se tusi e mafai ona ou fesootai i ai.

Na faatoa ou faitauina ni nai itulau o le tusi ae tau fua e le teineitiiti le suafa o le Alii. Ou te lei lagonaina le fafia i totonu ina ua uma ona ou faitauina lena vaega. Ae sa ou faitau pea, ma le faamoemoe o se mea na o le faa-tasi ona tupu. Sa ou faitauina ni nai itulau, ma sa ia toe faia foi.

Na ou alu ma ta'u i lo'u tina mea na ou mauaina. Ou te le'i iloa pe e tatau ona ou faitau pea pe leai. Sa fai mai lo'u tina o la'u filifiliga lena. Ae na ioe o ia atonu

e le o se mea lelei le faaauau pea ona faitau pe a fai e le teine mea na ma iloa e sese. Na fai mai lo'u tina aemaise lava pe afai na te ta'u fua le suafa o le Alii.

Sa ou manatu o le a sue pe toe tupu, o lea na ou sueina ai totonu o le tusi. Sa ou iloa o le ta'u fua o le suafa o le Alii o le auala lea e masani ona talanoa ai lenei teineitiiti. Sa ou filifili e toe faafoi le tusi i le fale-tusi e aunoa ma le toe faitauina.

Na ou lagona le faanoanoa ona ua tau fua e le tusi-tala le suafa o le Alii. Ae ina ua ou toe faafoina le tusi i le faletusi, sa ou lagona le fafia na ou faia le filifiliga sa'o. Ou te iloa sa ou mulimuli i le "O O'u Tulaga Faattonuina Faatalalelei" mai le tusi *Faatuatua i le Atua* o loo faapea mai, "O le a ou faitau ma matamata i na o mea e fafia i ai le Tama Faalelagi." Ou te iloa e tatau ona tatou faaaogaina suafa o le Tama Faalelagi ma Iesu ma le migao ma le faaaloalo. ●

Pe Tatau Ona Ou Faitau Pea?



Ou te mafaia mea uma lava  
i le faamalosi mai o Keriso ia te a'u  
(tagai Filipi 4:13).





# O le Lui‘i o le Malumalu

Saunia e Sister  
Joy D. Jones

Peresitene Aoao  
o le Peraimeri



*“O le a liliu atu loto o fanau i o latou tamā” (Mataupu Faavae ma Feagaiga 2:2).*

I se tasi Aso Sa na matou asiisi ai ma ou fesoasoani i se sauniga a le Ekalesia. Na matou tuuina atu lauga e uiga i le malumalu ma mea taua e tutupu iina. Ina ua maea le sauniga, sa sau se tamaitiiti e 12-tausaga le matua e igoa ia Colby ia te au ma lulu lo‘u lima. Na ma talanoa e uiga i le malumalu. Ona ou luiina lea o ia e sue se igoa o le aiga e ave i le malumalu.

I se taimi puupuu mulimuli ane, sa ou maua ai se tusi mai ia Colby. O le mea lenei na ta‘u mai e Colby ia te a‘u:

“Sa ou alu i le fale ma maua ai se igoa fou. E foliga mai na ou mauaina lo‘u tama o tama matua [great-grandfather] lona tolu!

“O se taimi mulimuli ane na ou alu ai i le malumalu

ma sa ou papatiso ai mo ia. Sa matuai faapitoa aua na papatiso e lo‘u uso au ma na faamauina e lo‘u tama a‘u mo ia.

“Sa ou lagonaina se lagona mafanafana i totonu na aumaia ai le filemu. Ou te lagona le fafia i mea sa ou faia mo lo‘u tamamatua aua o le taimi nei e mafai ona alu o ia i le malo selesitila e nonofo ai ma lona aiga.

Mo le aso atoa lava, sa ou lagonaina lagona lelei i totonu.

“Na ou iloaina foi e leai se tasi e iloa po o ai matua o le tama o lou tama matua lona tolu, o lea e mafai ona ou sailia o latou igoa ma ave foi i latou i le malumalu!”

Ma‘eu le mata‘ina o le faataitaiga a Colby! Po o le a lava lou matua, e mafai ona avea oe ma fa‘ata‘ita‘iga i lou aiga ma uo. E mafai ona e faasoa atu le talalelei i tagata uma e te iloa-e oo lava i ou tuaa! ●

# Faaali ma Ta'u Atu

O le konafesi aoao o le masina lenei! O mea nei e fiafia ai nisi tamaiti e uiga i le konafesi.



O u te fiafia e faalogo i tala ma pesega a le aufaipese. Ou te fiafia e faalogo foi i faataoto latou te tuuina mai.

**Yuri H., 8 tausaga, Taoyuan, Taiwan**



O u te fiafia e faalogo i le perofeta aua o loo fetalai le Alii e ala mai ia te ia.

**Andres C., 12 tausaga, Valle del Cauca, Kolomupia**



O u te fiafia e matamata i le konafesi aua ou te fiafia e aoao mai i perofeta, ma ou te fiafia e faaluina lena taimi ma lo'u aiga.

**David J., 9 tausaga, Sololá, Kuatemala**



**Abel C. ma Tina S., 10 ma le 9 tausaga, Bong County, Liberia,** o se tuagane ma se tuafafine. E fiafia Apelu i le konafesi “aua o le taimi lena tatou te lagolagoina ai lo tatou perofeta o le Peresitene o le Ekalesia i tausaga uma.” O Tina “e fiafia pe a talanoa le perofeta i malumalu.”



**Anna B., 10 tausaga, Maharashtra, Initia,** na matamata i le konafesi ma lona tina. Na te aumaia lana api o talaaga ma peni i konafesi taitasi e tusi ai molimau ma savali na te faalogoina.



**David ma Juliana M., 4 ma le 6 tausaga, South Holland, Netherlands,** e faatumuina ipu e 15 i meaai mama [snacks] ma tuu se ata o se Apostolo po o se sui o le Au Peresitene Sili i luga o ipu taitasi. A saunoa mai se tasi o le Usoga, la te aia mea oi totonu o lena ipu!



# Auauna atu i le Alii i le FaaSipaniolo

**Saunia e Jennifer Maddy**

(E faavae i se tala moni)

Vaai faalemafaufau na tu'uina atu e lau uo le tusi e sili ona lelei na ia faitauina. E te susuea le faavaa . . . ma iloa ai e le mafai ona e faitauina le tusi. E ese le gagana o loo tusia ai! O le a le mea e te faia?

I uluai tausaga o le Ekalesia, na lolomiina le Tusi a Mamona i le Igilisi. Na valaauiina e Peresitene Polika Iaga ni faifeautalai se toalua e talai le talalelei i Mekisiko ma faaliliuina le Tusi a Mamona i le faaSipaniolo. Ae na latou mana'omia se fesoasoani tele e faia ai. Na latou le iloa i le isi itu o le vasa, na saunia e le Atua se tagata e mafai ona avatu ia i latou le fesoasoani tonu latou te manaomia.

O Meliton Gonzalez Trejo na sau mai se aiga mauoa i Sepania. Sa ia suesue malosi i le aoga ma avea ma se fitafita i le autau Sipaniolo. Sa masani ona fiafia o ia i lotu, ae leai se mea na ia mauaina na maua ai ni lagona lelei. I se tasi aso na ia faalogo ai i se isi fitafita o talanoa e uiga i se vaega o tagata o e na ta'ua i latou lava o le "Au Paia." Na latou auai i Le Ekalesia a Iesu Keriso o le Au Paia o Aso e Gata Ai, ma o se perofeta a le Atua na taitaiina atu i latou i Mauga Papa i le Iunaite Setete.

Na lagona e Meliton se naunautaiga malosi e feiloai ia i latou. Na auai atu o ia i le militeli agai atu i Filipaina, ma le faamoemoe o le a fesoasoani ia te ia e oo atu ai i le Iunaite Setete mulimuli ane. Ae na matua pisi lava Meliton i lana galuega lea na foliga mai ai o le asiasi atu i le Au Paia ua amata ona lagona le le taua.

Ona ma'i tigaina lea o Meliton. Na ia manatua pe aisea na sau ai i Filipaina ma tatalo i le Atua e uiga i le mea e tatau ona ia faia. O lena po, na maua ai e Meliton se miti faapitoa. Sa ia iloa e tatau ona alu o ia mo Mauga Papa.

Ina ua toe malosi Meliton mai lona ma'i, sa faaau- au lana malaga i le Iunaite Setete. Na taunu o ia i Kalefonia i le aso 4 Iulai, 1874, ma agai atu i le Aai o Sate Leki.

Ina ua taunu atu Meliton i Sate Leki, sa feagai o ia ma se faafitauli: e mafai ona ia faitau i le Igilisi ae lei tautala ai. Na le mafai ona ia fesootai ma se tasi! Ae na tonu ia te ia afai e le mafai ona ia talanoa i tagata, o le a ia taumafai atu i se isi auala. Sa tui e Meliton lana toniga o le autau a Sepania ma savali i luga ma lalo o auala o



le aai. E pei o lona faamoemoega, e toatele tagata na latou matauina o ia! Na iu lava ina iloa atu o ia e se tasi o le Ekalesia e igoa ia Brother Blanchard, o se polofesa o iunivesite o le sa tautala faaSipaniolo. Sa fesoasoani Brother Blanchard ia Meliton e faamautu i Sate Leki ma aoao ia te ia le talalelei. E lei leva ae papatisoina Meliton.

Na faalauiloa foi e Brother Blanchard ia Meliton ia Peresitene Polika Iaga. Na tau atu e Meliton ia Peresitene Iaga e sili atu nai lo se isi lava mea, na ia manao e faaliu le Tusi a Mamona i le faaSipaniolo.

Na talosaga atu Peresitene Iaga ia Meliton e fesoasoani i faifeatalai o le a o atu i Mekisiko e faaliliu ni vaega o le Tusi a Mamona i le faaSipaniolo. Sa faaluina e Meliton le tele o vaiaso i le faaliliuina o upu Peretania i le faaSipaniolo. O po taitasi sa ia toe iloilo ai lana faaliliuga ma faifeatalai. Sa latou tautatala i le faaSipaniolo ae na latou lagona o lenei faaliliuga taua e manaomia ai se tagatanuu tautala faaSipaniolo. Na latou iloaina o Meliton o se tali ia latou tatalo. I le 1875 na lomia ai le faaliliuga. Sa faaigoaina *Trozos Selectos del Libro de Mormon* (Fuaitau Filifilia mai le Tusi a Mamona).

Ua sauni nei faifeatalai e malaga atu i Mekisiko. Na latou utaina le 1,500 kopi o mau faaliliuina i luga o le solofanua ma amata la latou faigamalaga. Mo le taimi muamua, na mafai e tagata tautatala Sipaniolo ona faitau le Tusi a Mamona i la latou lava gagana! E ui lava ina ola Meliton i le afe ma afe maila le mamao i Sepania, ae na taitaiina o ia e le Tama Faalelagi i le mea tonu e tatau ona ia i ai. Ona o le lototoa ma le faatuatua o Meliton, na ia fesoasoani e aumaia le afioga a le Atua i tagata e le mafaitaulia. ●

*E alala le tusitala i Iuta, ISA.*



Sa uauna atu Meliton Gonzalez Trejo (1844–1917) i ni nai misiona i Mekisiko ma papatisoina nisi o uluai tagata o le Ekalesia iina. I le 1886 na fesoasoani ai Meliton e faamaea le faaliliuina o le Tusi a Mamona atoa i le faaSipaniolo.

# Malaga Faafafeautalai a Paulo

Saunia e Marissa Widdison

Mekasini a le Ekalesia



Ina ua mavae le toetu o Iesu, sa malaga le Aposetolo o Paulo i atunu eseese e aoao tagata e uiga ia Iesu. Sa leai ni taavale po o ni vaalele i lena taimi, o lea na tele ina savali ai o ia! O nisi taimi na ia malaga ai i vaa.




Sa aoao e Paulo tagata i falelotu ma fale o aiga. Sa ia aoaoina tagata i luga o mauga papa ma alatele i aai.



E toatele tagata sa le fiafia i mea na aoao atu e Paulo. O nisi taimi na lafoina ai Paulo i le falepui-pui. O nisi taimi na ma'i ai Paulo.



Ae i nei mea faigata uma, sa i ai ia Paulo le faatuatua. Na ia faapea mai, "E mafai ona ou faia mea uma e ala ia Keriso." Sa ia iloa o le a fesoasoani Iesu ia te ia ia malosi.



E mafai foi e Iesu Keriso ona fesoasoani ia ou malosi.  
E alofa o Ia ia te au, ma ou te alofa ia te Ia! ●

# E Mafai e Iesu Ona Fesoasoani la Te Au e Fai Mea Faigata



# Matua Pele,

O se tasi o savali autu o le Feagaiga Fou o le mafai lea ona tatou maua le filemu ma le olioli ia Keriso, e tusa lava po o a foliga o lo tatou olaga. O le mekasini o lenei masina e fa'asoa ai se molimau talitutusa.

- I le itulau U4, ua faamafanafanaina se tamaititi ina ua i ai ni miti taufaafefe.
- I le itulau U8, ua faamanatu atu i se teineitiiti e i ai se Manaoga faapitoa e alofa le Tama Faalelagi ia te ia.
- I le itulau U15, o se pepa lautele o loo aoao mai e mafai mea uma i le fesoasoani a Iesu Keriso.
- I le itulau U20–23, ua faatuina e Paulo se faataitaiga o le faatuatua.

A o outou faitauina faatasi lenei mekasini, vaavaai mo auala na fesoasoani ai Iesu ma le Tama Faalelagi i tagata i tala taitasi. E mafai ona e vaseina upu o lo'o faamatalaina ai luitau na feagai ma i latou. Ona lio lea o upu o faamatala ai le fesoasoani na latou mauaina. Talanoa o se aiga, e uiga i le taimi e aveesea ai tofotofoga, ma isi taimi e faamalosia ai i tatou e manumalo io tatou tofotofoga. Po o le a lava, e alofa Iesu ma le Tama Faalelagi ia i tatou ma o loo i ai iina mo i tatou!

Matou te fa'amoemoe o le a e maua se masina fiafia,

O Le *Uo*

## O le Auala e Auina Atu ai Ata a Lau Tamaititi po o se Aafiaga i le Liahona

Alu i le liahona.ChurchofJesusChrist.org ma kiliki le "Submit an Article or Feedback." Pe imeli foi i le liahona@ChurchofJesusChrist.org faatasi ai ma le igoa o lau tama, tausaga, o le aai e nofo ai, ma lenei faamatalaga faataga: "O 'o, [tuu i ai lou igoa], ua tuu atu le faatagaga i Le Ekalesia a Iesu Keriso o le Au Paia o Aso e Gata Ai e faaaoga le tusiga a la'u tama i mekasini a le Ekalesia, i lugia o upegatafallagi a le Ekalesia ma fo'asalalauga fo'aagafesootai." Matou te fiafaalogo atu ja te oe!



Saili le Liahona o loo nana  
i totonu!

## ANOTUSI

- U2** Alofa i Isi e Pei Ona Alofa Iesu ia i Tatou
- U4** Na'o se Tatalo Lava
- U6** Talofa mai le Ripapelika Temokarasi o Congo!
- U8** Ou Te Le Fia Ese!
- U10** O Apostetolo i le Salafa o le Lalolagi: Ua Asiasi Elder Stevenson i Chile
- U11** O Apostetolo i le Salafa o le Lalolagi: Ua Asiasi Elder Renlund i Fanau
- U12** O Se Pulou Paepae mo Florence
- U14** Pe Tatau Ona Ou Faitau Pea?
- U15** Manatu Lelei: Ou Te Mafaia Mea Uma Lava i le Faamalosi Mai o Keriso ia te o'
- U16** O Le Lu'i o le Malumalu
- U17** Faaali ma Ta'u Atu
- U18** Faataitaiga Lototele: Auauna atu i le Alii i le FaaSipaniolo
- U20** Tala o Tusitusiga Paia: Malaga Faafafeautalai a Paulo
- U23** Itulau e Valivali: E Mafai e Iesu Ona Fesoasoani Ia Te Au e Fai Mea Faigata